

84 (2 Рос = Коми)  
К 57



ИВАН КОДАНЕВ  
ЯГЪЯСЛӦН  
ЙӦЛӦГА ШЫ

КОНТРОЛЬНЫЙ ЛИСТОК  
сроков возврата



Книга должна быть возвращена  
не позже указанного срока


---

84(2Рос = Коми)

К 57

ИВАН

КОНТРОЛЬНЫ  
КОДАНЕВЛЯР



ЯГЪЯСЛОН  
ЙӖЛӖГА ШЫ

ШӖР АРЛЫДА ЧЕЛЯДЬЛЫ  
ВИСЬТЪЯС, МОЙДЪЯС

Сыктывкар  
Коми книжной  
издательство 1984

**Коданев И. В.**

57 Ягъяслөн йёлöга шы. Шөр арлыда челядьлы. Висьтьяс, мойдъяс. Сыктывкар: Коми книжной издательство — 1984. — 96 л. б.


Иван Васильевич Коданев (1916-1982) быд прёт здук колявліс шлывгыс ю дорын либб шувгыс ягын, лён ты бокин либб чуклёдлыс ордым вылын. Ас, войвывса вёр-ва дінö муслунсö, сы вöсна тöждысьöмсö гижысьыс петкөдліс уна висьтын, мойдын, пасйöдын.


И тайö книгаö пырисны сэтшöм гижöдъяс, көні авторыс сулалö налы паныд, коді тшыкөдö вёр-ва, оз видз сійöс. Татшöм визя гижöдъяскöд аслысногөн öтвытчöны висьтьяс, кытöн петкөдлöма, кыззи вежсис муса парма муным, кыззи олöны, уджалöны, мөвпалöны йöзыс.

0762—043  
К М 128 (03)—84 38—84м



**ВИЗУВТӦНЫ**  
**НИМТӦМ ШОРЪЯС**





## ЧОЛӨМ, ПАРМА!

Пармаад, майбыр, быдөнлы туйыс восьса. Тшем вөра егыръяс, чөс-кыд көра кыпыд ягъяс, ылөдз тыдалысь кызд расъяс асьыныс өдзөсь-яссө восьтöны ставлы: пöрысьяслы и томъяслы. И некутшөм козин та-ысь оз корны. Мөдарө, асьныс вердасны-юкталасны тэнö дон босьт-төг. Петкөдласны унатор, и бара жö грөш ни көпейка сыысь он мын-ты. Сöмын кокъясыд медым вöлины ёнөсь да эн дышөдчы. Дышъястө некөн оз радейтны. Вотчысьяслөн, кодъяс медся водз локтöны вөрö, пестер-наберушкасыс пырджык овлöны тырөсь, а вöралысьяслөн — сьöкыджык ноппыс. Сэн жö унджыктор позьö аддзыны, тöдмавны. Водз чеччöмысь пö некодöс на кайöта абу босьтлöма.

Пармасыс немтор повны. Суас кө, шуам, тэнö вой, ён коз да ниа пу лөдзасны ас улас узьны, лэчыд тöлысь да зэрысь найö видзасны. Көдзыд кө поводдяыс — нодья вöчан, би дорын пöсь паччöрын моз узян. Ылалан кө кытчöкө — шондыс да пуяслөн лапъясыс индасны, кодарö колö мунны. Горшыд кө косьмө — шоръяс, ключьяс юкталас-ны, сетасны эббс. Сэн жö öмидзьяс, сэтөръяс, чөд-чөдлач асланыс юмов сокөн гөститөдасны. Кынөмыд сямалö — тшак да пув аддзан. Пищаль кө сьöрсьыд — сьöла-тарөн верман чöсмасыны. Со кутшөм бур пармайд.

Унатор позьö висьтавны и вөрлөн коланлун йылысь. Он аддзы ни öти кар либö сикт, көни эськө вермисны овны пуа көлуйястөг, тьс-

плакатог. Быд заводын, быд керкаын мыйкө да мыйкө вөчөма пожомысь, кыддзысь, козыйсь. Миян пармаясын, ягыясын во гөгөр чөж оз куслы уджлөн гор. Паськыд Печораод, Эжва, Сыктив, Емва да Мезень юяс кузя тулысьянь арөдз кывтө вөр. Нуоны пармаса озырлунсө поездьясөн, баржаясөн, пурьясөн.

Тайө өмөй сөмын? Вөрыс не сөмын вердө да шонтө миянөс, но и быд мортлысь июждө нэм помсө. Видзө шорьясөс да юясөс косьмөмысь-кулөмысь. Аслас паськыд йөрьясын дөзбөритө быд сикас зверь-пөткаөс, гирысь и песни лэбачьясөс.

Помтөм мичлун ас пытшканыс видзөны кыпид ягыас, зумыш пармаяс. Унаысь найө вежсьылөны: тулысын и арын, гожөмын и төлын.

Уна жө нин вотос да тшак арнас чукөртөны коми вөрьясысь. Быд сикас зверь куяс да пөткаяс мөдөдөны тась ылі муясө. Тайө ставыс пармалөн козин.

Волөй арся луньясө вөрө. Кымын тысяча морт ветлө сэтчө вотчыны, лолыштны сөстөм сынөднас, нимкодясьны вөр-ваыслөн аслысьяма мичлунөн. Зэв бур, мый природа радейтосьяслөн лыдыс воысь воө содө.

А мыйта выльторсө аддзылан сэтысь! Со төдса вөр ді. Тани быдмөны сөмын веськыд пожөмьяс. Вужьясө пыдө суйөмаөсь му пытшкө, юрнысө кыпөдөмаөсь. Ълісянь пожөмьясыс кажитчөны ставныс өткодьось. Локтан матөджык, видзөдлан сюсьджыка на вылө, и казялан, мый быд пу мыйөнкө торъялө өта-мөдсьяс. Кыдзи му вылын абу өткодь морт, сідзи и пуясыд. Кыпөдчас төв, и пожөмьяс пыр жө заводитасны вашкөдчыны, первойсө надзөн-надзөн, сөсяя пыр ёнджыка. Найө кужөны дыр кад чөж овны чөв и сывны. Водз асывнас пуяс дорысь өвтө сир дукөн.

Вөр ді горулын визувтө джодж пасьта шор. Ваыс югид да чөскыд. Курыштан содзнад, китө көдзыдөн сотыштас. Юыс вель частө чуключөдлө мунан туйсө; вөчалө гирысь кытшьяс. Гашкө, мөвпалыштны көсий: сулалө-ө визувтны водзө. Берег пөлөныс быдмөны сьөд сэтөрьяс, пельясь пуяс, чуткасьыс лежнөгьяс, уна сикас дзоридзьяс. Кодкө быттьө найөс татчө нарошнө садитөма, медым лун и вой гажөдны мудзлытөм-узылытөм шорсө. Воас татшөм местаас вотчысь либө вөралысь, и вель дыр кежлө ылалас вөр-ва мичлуннас.

Неуна бокинджык тыдалө зумыш да дзор парма. Пөрысь козьяс, өта-мөд бердас топөдчөмөн, сулалөны тани, гашкө, сө во. Вель унаысь найөс мысьбөдисны тувсов да арся зэрьяс, гожөмнас шонтивліс жар шонді, төвнас вевттьывліс пуяссө гөн кодь небыдик лым.

Вөр лэдзысьяс сэтчө вөчөмаөсь нин векныдик ордым. Сідзкө, регыд вөрсө керавны кутасны. Мем мыйлакө жаль сийө, пыр көсья аддзыны пармасө татшөмөн: ыджыдөн, озырөн, шаньөн.

Мед эськө некор эз ков гажтөмчыны сысысь, төдса вөр-васысь.

Мед быд пөрийө верми сы ордө воыны шойччыны да вөрас пыргөн на ышловзбөмөн шуны:

— Чолөм, парма! Чолөм, дона ягыас, муса расьяс, дзольгысь шорьяс!

1

Каникул дырйи Зоя локтіс гөститны сиктө Пекла баб ордас.

Талун асыв сійөс бара садьмөдіс петуклөн гора чуксасьөмыс. Бабыс оліс нин. Гөстялы удитөма пөжавны рыська шаньга, пызан вылын сулалө пөжөм йөв тыра кринча.

Сейыштис-юыштис нывка и котөрөн ывлаө.

Орчча керкасыс юкмөс дорө петіс вала ар дас куима беринөс чужөма детина. Зоя удитіс нин сыкөд төдмасыны.

— Бур асыв, Яша,— өвтыштис сылы кинас нывка.

— Привет,— мурөстис неокотапырысь детина.

— Талун мый кутан вөчны?

— Пашкакөд Чибльөг юө чери кыйны мунам. Сөмын тай дыр узыө, позис вазөн нин мунны. Джын туйсө эськө восьлалім нин.

Зоя котөртіс детинка дорө, меліа видзөдліс сы вылө.

— Ой, Яша, менө тшөтш босьтөй. Сэтшөм окота велөдчыны чери кыйны. Босьтад?

— Но да, виччысь, кытчө нө тэнө босьтам. Ми өд узыөмөн мунам, дас верст сайө. Мудзан, ковмас бөр бергөдчыны.

— Вот и ог. Ме походъясын сысы на уна ветлывлі. Но босьтөй, пөжалуйста.

— Номьяс вильөдасны, лөдзьяс курччаласны, бөрдны кутан,— эз сетчы Яша.

— Менам эм антикомарин. Мавтчан сійөн, и некутшөм ном ни гут тэ дорө оз матыстчы. Көсьян кө, тэныд и Павелыдлы сетышта. Сідзкө, босьтанныд? Пыра да бабөлысь юала, лэдзас оз тіянкөд ветлыны.

— Энлы тэрмась. Пашка локтас да төлкуйтам. Сійө, колөкө, оз и көйсы тэкөд мунны, черияссө сөмын повзыөдлыны кутан.

Яша муртса удитіс пыртны ва ведрасө гортас, мыччысис гөгрөс чужөма, чиган кодь сьөд Павел. Тушанас сійө другыс серти вөлі ыджыдджык. Павел аскөдыс вайөдөма ас кодьыс кузь сьөд гөна понйөс.

— Мый нө сы дыра узян? Онөдз эськө Чибльөг ю дорөдз нин воим,— вомаліс сійөс другыс.

— Нидзув корсялі, ыджыд банка тыр сюри,— дорйысис чери кыйысь.

— Со тай тшөтш вөзйысьө миянкөд,— беринөс чужөмсө Яша бергөдліс нывкалань.

— Хы-ы... Ёна тай колө вөлі. Да сійө джын туйсө оз вермы мунны...

— Вот и верма. Ньөти ог мудз. Но, Павлик, тэ өд зэв бур. Яша, босьтад өд? Пөжалуйста...

Детинкаяс видзөдлісны өта-мөд вылас, мыйкө ас костаныс вашкөдчыштисны, сэсся Павел вочавидзис:

— Босьтам сідзкө, сөмын эн няргы. Антикомаринтө меным тшөтш сетыштан?

— Сета, дерт, и тэныд, и Яшалы. Ставнымлы тырмас.  
Нывка кӧсйис нин котӧртны бабыс дорӧ, но Яша сувтӧдіс сійӧс:  
— Шоныдджыка пасьтась. Босьт тупӧсь нянь, кружка, пань, сакар.  
Мукӧдторыйс ставыс мян эм. Сэні юква пуам. Вугыр кӧв ме тэ вылӧ  
босьта. Сӧмын ӧдйӧджык пасьтась, а то кольны вермам.  
— Пӧжалуйста, эн кольӧй,— кевмысис нывка и котӧрӧн уськӧдчис  
бабыс керкаӧ. Но бабыс удитӧма мунны кодкӧ ордӧ.

## 2

Мӧдӧдчисны Чибльӧг ю дорӧ, кӧні, Пашка висьталӧм серти, кодӧ  
ветлӧма сэтчӧ батыскӧд вуграсьны, сы мында чериыс, мый куш вугыр  
вылӧ шедӧ. А юыс пӧ кутшӧм мица да сӧстӧм!

— Вот асьныд аддзыланнид,— ошйысис сійӧ.— Ёкышъясыс пань  
кузяӧсь, кельчисӧ да комсӧ ӧдва удитан лэптавны. Ми батьӧкӧд вит лун  
сайын ведра тыр кыйим.

— Тэ, Лобан, пырджык содгалан,— вомалис сійӧс Яша.

— Мыйла сійӧс Лобанӧн шуин? — юалис нывка.

— Пашка Лобанов, а ми сійӧс школаын кокныдджыка шуам —  
Лобан.

Павеллӧн понйыс котӧртіс водзвыланыс, то лэбачьясӧс повзӧдас,  
то бобувьяс бӧрся вӧтчылас.

Енэжын ӧти кымӧрттор абу. Шонді надзӧникӧн руныгӧ аслас нэм  
чӧжся туйӧд. Кокныдик тӧв то пошиктыштас надзӧникӧн, то дыр кеж-  
лӧ чӧв усьлӧ.

Зоя пасьталӧма кузь гач, лӧз куртка, кокас дженьыд гӧленя рези-  
нӧвӧй сапӧг, юрас берет. Векныдик жебиник мыш вылас ӧшаліс не-  
ыджыд рюкзак, кодӧ блёнъяліс ӧтарӧ-мӧдарӧ. Лобан ӧтторья мыйкӧ да  
мыйкӧ висьталӧ, ошкӧ понсӧ, кодӧс ньӧбӧма чиганьяслысь куним шай-  
тысь.

Вель дыр восьлалісны гажа ягӧд. Векныдик вӧрса туй пӧлӧн тшӧ-  
кыда быдмисны пожӧмьяс, козьяс, корсюрӧ паныдасьлісны еджыд яла-  
ӧн вевттысьӧм борьяс.

— Павел, паныдасяс кӧ понйыдлы ош, повзяс оз эськӧ? — юалис  
карысь воӧм нывка.

— Чайтан, Ата повзяс? Некор оз. Кольӧм во сійӧ йӧра бӧрся вӧт-  
чыліс. Керкаӧ пырны тӧдтӧм йӧзӧс некодӧс оз лэдз,— сярчис-висьталіс  
Лобан.

Виччысьтӧг туйыс торьялі кык пельӧ. Яша сувтіс, видзӧдліс дру-  
гыс вылӧ.

— Кодар туйӧдыс колӧ мунны, Лобан?

— Кыкнанныс Чибльӧг ю дорӧ вайӧдасны. Тасянь абу нин ылын.

— А ті батьыдкӧд сэки кодар туй кузяыс мунід? — бара юалис Яша.

— Шуйга вывтӧыс, буракӧ,— гӧгӧр гонняліс Лобан.— Эгӧ, веськыд  
туйӧдыс... Помнита... Шуйга туйӧдыс мунім..

— Но и юр везӧр тэнад. Оз весьшӧрӧ математикасьыд учительни-  
цаыд «двойкаяс» пуктав.

Лобан дузгӱдчис. И мыйла Яшкалы татшӱмтор йывсыс колӱ вӱлӱ висьтавны бокӱвӱй нывкаыслы?

— Мый тӱ падминныд? Чери кыян местаӱдз ме тӱянӱс куньса синъ-ясӱн верма вайӱдны. Мӱдӱм шуйга туйӱдыс,— Лобан картузнас чыш-кыштӱс чужӱм вывсыс пӱсьсӱ и чукӱстӱс понсӱ.

— Ата! Ата! Ме бӱрся...

Мӱдӱдчисны водзӱ. Туй бокын сулалӱс ляпкыдӱник сьӱд мыр. Ата сувтӱс, мӱдӱс гораа увтны мисьтӱм мыр вылӱ. Аслас гӱныс тшӱтӱ моз сувтӱс.

Яша гораа серӱктӱс.

— Но и пон тӱнад, Лобан. Мыртӱ ошкӱн чайтӱс.

— Ланьт, мися! Ланьтан он! — чырыштӱс Атаӱс кӱзяиньыс, а аслыс яндзим лои нӱль кока другеӱ вывтӱ ошкӱмсыс. Мый думайтас ӱнӱ сы йылысь бокӱвӱй нывкаыс?

— Ок, тӱ, трусиха. Нинӱмсыс повзин, — бурӱдӱс понйӱс Зоя.

Пон вель дыр на эз лысьт матыстчыны повзьӱдчысь мыр дорӱ, ылтӱ кытшовтӱс сӱйӱс. Сӱсся век жӱ матыстчис да дыр исалӱс.

Мунӱсны час, мунӱсны мӱдӱс, а Чибльӱг ю пыр на эз тыдовтчы.

— Гашкӱ, туйсӱ сорлалӱн, Лобан? Ми ӱд ылыстчам юсьыс.

— Ме... Сорлалӱ... Вот кольӱ час джын, и аддзанныд тайӱ мича юсӱ. Но и кыйсьыштам талун. Со кутшӱм гажа луныс.

— Луныс эськӱ мича, да регыд помасяс. Ми, тӱдӱмысь, дас вит километр нин мунӱм. Павлик, пӱжалуйста, висьтав, гашкӱ, збыльысь сорлалӱн туйяссӱ? — заводитӱс шогсыны и Зоя.

— Энӱ шогсьӱй. Регод аддзанныд ыджыдысь-ыджыд пожӱм. Воам сы дорӱ, кежам веськыдыв, и позьӱ чӱвтавны вугыр шайтъяс.

Бара на мунӱсны час, а гашкӱ, и дырджык. Но ыджыдысь-ыджыд пожӱм сӱдзи и эз паныдась.

— Павлик, пӱжалуйста, висьтав, кӱнӱ нӱ тӱнад пожӱмыд? — шогӱ усис Зоя.

— Воас. Тасянь сы дорӱдз зӱв нин матын.

Кӱтӱ и гожа луныд кузь, но и сӱйӱ помасьӱ. Шондӱыс оз нин лунся мозыс шонты. Вӱйтчас сӱйӱ стенӱн сулалысь пуяс сайӱ, и пуксяс рыт, а сӱсся и вой.

Вель дыр на мунӱсны. Дугдӱсны сывны вӱрса лӱбачьяс, тӱдӱмысь, шойччыны пуксялӱсны. Яша ӱн кисӱ пунктӱс другыслы пельпом вылас. Зоялы кажитчис, мый сылӱн чужӱм вылас бериньясыс лоины ещӱ на сукджыкӱс.

— Сулав... Кытчӱ нуӱдан миянӱс? Нолтӱ думыштлы, стӱча-ӱ ми мунам? Эн-ӱ вунӱд, кытӱ мунӱд батыдкӱд?

Павел вежсис чужӱм вывсыс. Гӱгӱр видзӱдлӱс, дыр нюлӱс вом дорсӱ.

— Гашкӱ, веськыд туйӱдыс колӱ мунны. Дзикӱдз вунӱдӱ.

— Эк тӱ, гырнич. Вот и надейтчы тӱ вылӱ.

— Гашкӱ, бӱр бергӱдчам гортӱ, а то бабук шогсыны кутас? Пӱжалуйста, бергӱдчамӱй,— кевмысис Зоя.

— Ме сӱдзи и тӱдӱ, пойгыны кутан,— ӱлӱдӱс сӱйӱс Лобан.

Медводдза луннас чери кыйысыяс сідзи и эз воны Чибльӧг ю дорӧ.

— Мый кутам вӧчны? Ми быдса лун нин мунам. Лобан, кӧні нӧ тэнад чериа юыд?

— Мӧд туйӧдыс, буракӧ, мунсис. Батьӧлысь карта колӧма босьтны.

— Тэ и картанас эськӧ сорсин. Пӧжалуйста, висьталӧй, збыльысь ӧмӧй вошим? Павлик, тэ таысь мыжаыс.

Пон мудзӧма жӧ, водіс небыд нитш вылӧ, нюжӧдіс гӧрд кывсӧ да дыр пошиктіс.

— Но, Ата, нуӧд миянӧс Чибльӧг ю дорӧ, пӧжалуйста,— малаліс понйӧс Зоя.

Павел видзӧдліс туй дорын сулалысь джуджыд коз вылӧ, пӧрччис пинжаксӧ, пуктіс сумкасӧ.

— Час, кайла пу йылас да видзӧдла гӧгӧр, озӧ тыдав юыс.

Джынйӧдыс кымын кайліс Лобан, сэсся бӧр кутіс лэчыны.

— Юрӧй бергӧдчӧ, муртса эг усь. Некутшӧм ю оз тыдав.

Недыр мысти паныдасис векныдик вӧрса ю. Чери кыйысыяс мыськисны пӧсялӧм чужӧмнысӧ, юисны сэтысь кӧдзыд васӧ.

— Юыс веськыдывиз визувтӧ. Тӧдӧмысь, Чибльӧг юӧ сійӧ усьӧ. Сідзкӧ, миянлы ю пӧлӧныс колӧ лэчыны,— велӧдіс шӧйӧвошӧм Лобанӧс да Зояӧс Яша.

Эз на удитны вӧчны воськов кызы, ю бокасыс ыджыд шыӧн кыпӧдчис дозмӧр котыр.

— Ой... Кӧдъяс нӧ тайӧ? — повзис нывка.

Пӧткаяс эз и ылӧдз лэбзыны, пуксялісны орчӧн сулалысь пӧжӧмъяс вылӧ, мӧдісны гоннявны. Ата ризъяліс ӧтарӧ-мӧдарӧ, некедз оз казаяв, кӧні пукалӧны дозмӧръясыс.

Дыр нимкодясисны челядь дозмӧръясӧн. Колӧкӧ, ешӧ дыр на видзӧдісны, да кӧндозмӧр ассыс пиянсӧ нуӧдіс кытчӧкӧ бокӧ, ылӧджык йӧз син водзысь.

Шонді надзӧникӧн руныгис аслас туйӧд, регыд дзикӧдз вошӧ пуяс сайӧ. Вӧр пӧвстӧ дзебсьӧм ю то ӧтарӧ чукультлас, то мӧдарӧ. Номъяс быд боксян усьласисны чери кыйысыяс вылӧ, зынгисны. Кияс да чужӧм ковмис зыравны антикомаринӧн, медым мынтӧдчыны тайӧ арава-сыыс.

Вонс неыджыд мыльк. Кык джуджыд ниа пу сулалісны дзик берег дорас. Яша гӧгӧр видзӧдліс, сэсся сетіс индӧд.

— Тӧда, ёна мудзинныд. Тані узьны кутам. Аски, мыйӧн югдас, водзӧ мӧдӧдчам.

— Узьны? Тані, вӧрас?.. Ош либӧ кӧин кӧ уськӧдчасны,— чуймис Зоя.

— Миян ӧд пон эм. Видзны кутас миянӧс. Сідз ӧд, Лобан?

Павел сэтшӧма мудзӧма, кывсӧ шуны оз вермы. Видӧ асьсӧ, мыйла муніс чери кыйны. Шуштӧм кызкӧ тайӧ тӧдтӧм вӧрас.

И Зоя шогӧ уси. Бӧрддыны окота. Сёяныс вомас оз пыр.

— Бабё, төдөмысь, майшасьё ме вёсна. Бур, мый записка пызан вылө коли. Гижи, кытчө мунам и кор бөр бергөдчам.

Войбыд кежлө чукөртисны пес. Бипур дорын кажитчис гажаджык. Вольпась пыди вольсалисны небыдик ныв пу лапьяс. Чбла вуграліс войса парма. Бур, мый войыс көть югид да лөнь. И би дорад номьяс омөльджыка дөзмөдчөны.

Медся первойон унмовсис Ата нима пон. Эз өд этша котрав лунтырнад. Ымзё, колөкө, мыйкө вөтасьё. Лобан ныргорөн шкоргө, княссө юр улас пуктөма. Зоя бергалө, тшыныс синьяссө курөдө да тильё. Оз узь сөмын Яша, сюркнялөма кокьяссө, думайтө, мый налы водзө вөчны. Бергөдчыны бөр гортас дзикөдз воштөдз, либө корсьны Чибльөг ю, көні сэтшөм окота вөлі вуграсьыштны. Яша сэтчө некор на эз вола, но сы йылысь кывліс уна сёрнияс. Окота вөлі видзөдлыны тайө вөрса ю вылас, пукуыштны сәні вугыр шайтөн. Виль местаяс пыр кыкисны Яшаөс ас дінас.

«Колө корсьны тайө юсө, быть корсьны»,— шуыштіс сійө аслыс.

#### 4

Первойсө бипур ломтысис яра, асьявылыс пондіс чинны и чинны. Лои ыркыд. Кор Зоя садьмис, первойсө эз гөгөрво, көні сійө. Гөгөр сулалісны пуяс, тэрмасьтөг шуныгис-визувтіс ичөтик вөрса ю.

Лобанлөн понйыс узьё көзяинныскөд орччөн. Небесаын, коді бура тыдаліс мыльк вывсянь, заводитөма нин пискөдчыны асья кыа. Нывка гөгөр видзөдліс, Яша некөн эз тыдав. Важиник портфельыс, көні вөлі сылөн кыйсян көлуйыс да вөлөгаыс, өшаліс пу вож вылын, бысянь вельылын. Сэтчө өшөдөма и нидзув видзан мешөксө.

— Яша, көні нө тэ? — надзөник чукөстіс Зоя, быттё поліс садьмөдны вугралысь вөр-васө. Нывка тувкнитіс Павеллы бокас.

— Павлик, чеччы, югдө нин. Кылан, Лобан, чеччы, мися. Биным со өдва пошиктө.

Лобан бергөдчис мөдар бок вылас, ёнджыка топөдчис пон дінас. Чеччис сөмын сэк, кор Зоя мөдіс кевмысьны.

— Кытчө нө муніс Яшаыс? Некөн тай нө абу.

— Кыдзи абу? Эз өмөй мянкөд узь? Ой, кутшөм көдзыд... Песла көть мед ветлім. Ме сэк кості узышта,— вом тырнас очсаліс детинка.

— Ме өтнам ог лысьт. Павлик, пөжалуйста, ветлам өтлаын, тырмас узыны.

Нывкалөн меліалөмыс, буракө, сьөлөм вылас воис Лобанлы. Чеччис, нюжмасьыштіс, чуньяснас сыналыштіс пратъмөм сьөд юрсисө.

— Ветлам либө. Тасянь небылын ты эм. Төрыт ми сэтчө Яшакөд ветлім, берегас зэв уна кос пескыс.

Ата тшөтш көсйис вөтчыны песла мунысьяс бөрся, но Лобан өлөдіс сійөс.

— На место! Куйлы тані да видз көлуйясынымөс. Ми здукөн бергөдчам.

Пон неокотапырысь өвтыштіс бөжнас да бөр водіс аслас местаас.

— Айда, Ата. Чай юнгөн ме тэныд сакартор сета. А кытчö мунис Яшаыс? Портфельсö да нидзув мешöксö кольöма, а ачыс абу.

— Локтас. Тшак, көнкö, корсялö.

Тыыс абу и ылын вöлöма. Сийö ляскысьöма дзик ю бердас. Берегыс лыаён вевттысьöма. Ягсянь видзöдигөн сийö ёна мича, быттьö парма шöрас ыджыд гөгрöс тасьтi лэдзöма кодкö.

Зоя эз на удит копыртчыны песла, кызди Лобан кутыштитс сийöс кидöдыс да вашнитис:

— Видзöдлы, Зоя, веськыдывыв, көнi тай тыыс кытш вöчö. Утка котыр со сэнi. Водзылас мамыс, а бöрсяныыс вит пи кывтöны.

— Көнi, ог аддзы. Ой, аддзи. Дырджык видзöдам, мый кутасны вöчны.

Уткаея польтикасисны, ворсисны ты вылын, то шöрланьыс петаласны, то бөр матыстчасны береглань. Сэссия кылис, кызди горда-мам нора горöдис, и аслас пиянкöд тэрыба дзевсис ты вылын быдмысь эжбөр пытшкö.

— Миянысь öмöй повзисны?— жальпырысь шуыштитс Зоя.— Чу-кöртам пессö да мунам би дорö. Яша, колöкö, сэнi нин, виччысьö миянöс.

Но Павел да Зоя эз удитны чукöртны пессö. Буретш сэки ты дорö матыстчис ош, бöрсяныыс вöтчис неыджыд ошпи. Зоя повзьöмысла муртса эз горöд. Лобан öдийö дзевсис вужля сайö, сэтчö саймовтчис и нывка. Öта-мöдныслы кыв шуны оз лысьтны.

— Сöмын надзён пукав.

— Пышъям, Павлик: шуштöм меным.

— Здукөн эськö и вöтöдас ошкыд.

Кöть ош да сылөн визув пиыс тасянь вöлины вель ылынöсь, вужля сайö дзевсыйсьяс зэв бура аддзисны найöс, синъяссö эз вештывны зверьяс вылысь. Ош пырис ваö, гөгөр видзöдлис, кывзисис, сэссия мöдис польтикасыны, голяöдзыс вöйтчылас.

Вель дыр купайтчис. Сы бöрын петис берегö да мöдис вöтлыны тыö ассыс писö. Ошпи табанитчис, некыз эз кöсий пырны ваö. Мамыс босьтитс сийöс шошаöдыс, тюльгылис ваас öтчид, мöдысь. Ичөтик Мишка мурзис, зилис мынтöдчыны мамыс лапа улысь, но мöдыс крепыда кутитс сийöс.

— Писö мыськалö, быттьö кагадс ваннаын,— вашнитис Лобан Зо-ялы.

Ош ёсь гыжъяснас сыналис пиыслысь кöтасьöм гөнсö, гоз-мöдысь-нюлыштис, сэссия тэрмасьтөг довгисны вөр пытшкö, кытысь и петисны.

Нывка да зонка дыр на эз лысьтны петны вужля сайысь, кöть эськö ош эня-пиа важён нин эз тыдавны. Медбöрын, котөрөн уськөдчисны бипур дорö. Лобан тюрö тэрыб чань моз; Зоя оз кольччы сыысь, тшöкыда бергöдчылö мышкас. Гашкö, чайтö, мый ошъяс кутасны вöтчыны на бöрся.

Шондi кыпöдчис пыр вылöджык и вылöджык, а Яша пыр на эз лок. Тöдны, эськö, мый ськөд лои?

— Гортö колö бергöдчыны. Мöдысь батьöкөд кайлам черитö кый-

ны. Сыкӧд, майбыр, он вош: быд туй и вӧр тӧдӧ. Зоя, тэ бергӧдчан он мекӧд сиктӧ? Бабыд, колӧкӧ, кутшӧма нин шогсис.

— А кызди Яшаыс? Ӧтноссӧ ӧмӧй колям?— чуймис нывка.

— Воас да сэки и мунам. Туйыс, кытӧ ми локтӧм, тасянь абу ылын. Менам и няньӧй бырны кутис.

— Яша, колӧкӧ, тшӧтш миянкӧд бергӧдчас.

— Оз. Ме тӧда сийӧс. Кытчӧ мӧдӧдчис, помӧдз мунас. Мый кӧсийӧ видзӧдлыны, аддзас. Зэв асныра.

Сэсся Лобан висьталӧс, кызди кык во сайын Яша трамплинсянь чеччалӧгӧн коксӧ ӧна дойдӧс.

— Ковмис ветлыны бедь отсӧгӧн. Ми вӧлӧ чайтам, мый сийӧ сэсся некор оз матыстчыв трамплин дорас, ылітӧ пондас кытшлавны.

— Но и кызд, эновтчис чеччалӧмсыс?

— Виччысь, эновтчас. Тӧлысь мысти бара нин мӧдӧс чеччавны. Мед некод оз аддзы, первойсӧ трамплин дорас волювлӧс рытьяснас. Сэтчӧдз вӧлӧ чеччалас, мездӧмысла гортас ӧдва вермас кайны.

— Но и Яша!— ошкыштӧс сийӧс Зоя.

— Сы моз ӧнӧ некодӧ оз вермы чеччавны. Школаса чемпион. Ошъясьд, дерт, ӧнӧдз ылӧ мунӧсны. Бипурным дзикӧдз кусӧ. Сэтшӧм ӧкота чай юны. Но мый, Зоя, бергӧдчан он мекӧд?

— Другыд локтас да, тыдавны кутас,— вочавидзис нывка.

— Вай чукӧстам сийӧс. Колӧкӧ, воши да оз аддзы миянӧс.

— Яша-а! Ми танӧсь! Лок ӧдйӧджык! Э-э-э,— поткӧдӧс лӧнь сынӧдсӧ горзӧм.

## 5

Яша, вӧлӧмкӧ зэв нин матын. Локтӧс муртса тшыналысь бипур дорӧ да сьӧкыда пуксис. Аддзис Лобанӧс да Зояӧс.

— Мед кӧть чай шонтӧд. Ме сэк костӧ здук кезлӧ унмовсьла. Войбыд синмӧс эг куньлы.

Кор найӧ видзӧдлісны ӧртыс ыллӧ, чуймисны: Яшалӧн гачыс косясьлӧма, пинжакыс няйт. Кызди пуксис да топӧдчис мышнас ныв пу кыз кокӧ, сӧдзи и унмовсис.

Коли быдса час. Бипур ылын вель дыр нин пуис чай. Яша садьмис жӧ ӧдйӧ, кызди и унмовсис. Лэччыліс ю дорӧ мыссьыны и вӧлисти пуксис чай юны.

— Лобан, а ме ӧд корси тэнсьыд мойд кодь мича ютӧ. Войбыд пискӧдчи тайӧ ю пӧлӧныс, а корси.

— Ура-а!— радліс другыс.— Ме тай висьталӧ, мися тан кӧнкӧ Чибльӧгыс.

— Танӧ, да абу зэв матын. Сэтчӧдз кык час колӧ пискӧдчыны. Паныд сюрлӧны нюръяс, эмӧсь бадьясӧн тыртӧм местаяс, кытӧ ӧдва верман восьлавны. Мунӧм кӧ веськыд туйтӧыс, буретш сэтчӧ воим.

— Ставсьыс мыжа Павел. Оз тӧд, а миянӧс вайӧдӧс дзик мӧдлаӧ,— шуис Зоя.

Яша кисьтӧс мӧд кружка чай, ӧна косьмӧма горшыс. Сэсся сӧрнисӧ нуӧдӧс водзӧ:

— Дзик ю дорас сулалё керка. Талун сэні позьё узыны, а аски лун шёр гөгөрүн гортё мөдөдчыны. А чериыс сэні дугдывтөг гыбалё.

— Ме тай висьталі,— бара мөдіс ошйысьны Лобан.

— Колөкө, ошъяс сэні шөйтөны?— беретнас өвтчис, вөтліс ас дінсьыс номъясөс Зоя.

— Эг адзыв, гашкө, и эмөсь. Лөсьөдчөй, пыр петам туйө.

Нывка мыйкө косьис висьтавыны, но Лобан пановтіс сійөс:

— Ми Зоякөд косьям бергөдчыны гортё. Няньөй зэв этша коли, сакарөс ставсө нөнялі. Шойччан лунө батьөкөд сэтчө кайлам. Да и ни-дзулөй ставыс сисьмөма.

— Эк тэ, чери кыйысь...

— Яшенька, пөжалуйста, бөр бергөдчам. Тані ми ошъясөс адзылім. Садь быртөдз повзьөдісны.

Мыйкө дыра чөв олісны, эз видзөдны өта-мөдныслы синъясас. Яша чеччис, тэчис вөлөгасө портфеляс, босьтіс нидзувьяс видзан мешөк.

— Ті кызд кужад, а ме джын туйсянь ог бергөдчы. Чибльөг ю кыскө менө ас дорас.

— Яша... Сөмын эн лөгась...— Зоя рюкзаксьыс перйис тупөсь джын нянь, мыччис сійөс Яшалы.— Босьт тайөс, тэ өд аскиөдз гортад он во. И сакар кольыштис, тэныд згөдитчас.

Яша мөдөдчис өтнас выль да төдтөм местаяслы паныд.

Зоя дыр өвтис сылы беретнас, а Лобан юрсө өшөдөмөн пукаліс Ата пон діна да чөв оліс.

## ТУВСОВ ВОЙЯС ДА ЛУНЬЯС

Ёна и тэ мича да дона, тувсов войөй. Кымын мортлысь вөрзёдан сьөлөмъяснысө аслад мичлуннад да мелілуннад. Тэно радейтөны да пыдди пуктөны оломө йөз и челядь. Мукөд дырйи окота шуны: «Гажа тулысөй! Югид войясөй! Мый дыра ми тіянос виччысим, лунъяссө и войяссө лыддим, унаысь казьтылім тіянлысь став мичлунтө, кодъяс йиджтысьлісны сьөлөм бердө кольөм тулыссянь».

Тулыс! Тэ бөрся, төдөмысь, тэрмасьөны татчө быд пөлөс гырысь и посни лэбачыс, кодъяс дыр кежлө торъявлісны миян вөръясысь, ягъясысь, юясысь и тыясысь.

Варовмисны и миян пармаясын да каръясын төвйысь лэбачьяс. Кузь да скөр төвсө коллялөм бөрын тулысыд налы торъя муса.

Тувсов войясөй да луньясөй! Коді нө тіянос вунөдас, сьөлөм бердысь вуштас? Төдөмысь, оз сюр сэтшөм мортыс, коді тіянос оз виччысь да пыдди пукты.

Тайө кадас окота тшөкыджыка сьывны, радейтны чужан мутө, мөвпавны бурысь-бур думъяс, видзөдлыны аслад оломө вылө, писькөдчыны водзө, бурланьө.

Сьёлöмьд кутас сьывны, кор аддан кьдзи мыччысьö веж турун, заводитö быдмыны пуяс вылын коляоз, му веркöсьясын мыччасны ассьыныс юрнысь гумъяс да гөньюяс, кодъясьсö ёна радейтöны челядь, нывкаяс и зонкаяс. Веж паськөмөн вöччасны коръя пуяс.

Виччысям тувсов гөстьясьсö. И найö воасны, оз манитчыны. Лэбöны энэжтi, мудзöмадь кузь туй вуджигөн, но сьылöны, сетöны гөлöсьяснысö. И налы праздник: выльысь локтöны чужан муö, тöдса тундраö, Печора да Эжва юяс бокö дзесьбөм тыясö.

Дыр ми öвтам киясөн шоньд муясысь воём гөстьяслы, вермим кө, асланым пызан сайö пуксьöдiм, быд чöскьд сёяннас вердiм, сомын тай лэбачьяслөн асланыс олөм. Жвуньюгöны-лэбöны тöдса туйöд, аскöдныс войвылö вайöны казьтылөмъяс да шуда кад.

### СЫЛÖЙ, ЛЭБАЧЬЯС, СЫЛÖЙ...

Парчөг сикт весьтын, Эжвалөн мөдар берегас, эм кык ичөтик ю: Тэг да Тыбөд. Найöс позьö шуны чоя-вокаөн. Юяс то дзесьсыласны вөрса веретяяс костö, то визувтыштасны видзьяс дортi, сэсса, тыдалö, дözмасны дурны-ворсны — öтлаасьöны Важ Эжвакөд, медым ассьыныс сөстөм васö нуны водзö, ьджьд Эжваöдз, а сэсса мореöдз, океанöдз.

Дыр налы ковмас визувтны Важ Эжва кузя. Нимкодьясьыштасны Норта-вожса гажа дзибьясьөн. Берегьс танi джуджьд, ягыс кос да лöсьыд. Вылөдз лэптöмадь юрнысь кыз нывьяс, пöрысь пожөмъяс.

Важ Эжвалөн шуйга берег пөлöныс нюждчөмадь видзьяс. Гожөмнас сэтчө кьптасны гырысь зорөдьяс, лун и вой кутасны сяргыны ьтшкан машинаяс.

Тэг да Тыбөд пөлөн дзебьялөмадь гырысь и посни тыяс, кадья вадьяс. Радейтöны татчөс местаясьсö быд сикас уткаяс. Быд гожөм сэнi быдтысьöны гордаяс, жыдачьяс, косысьяс, көрөгьяс.

Гожөмнас, мыйөн жар шондi ямас, чоя-вока векняммöны. Найöс öтар-мөдар бокьянныс топөдöны тшемөн сулалысь тöричаяс, кодьяс ставсö саймовтасны-дзесасны. Лунтыр көть сэнi пукаласны уткаяс, он и казяв.

Август шöрын, кор том уткаяслөн вынсяласны бордьясыс, рытьяснас заводитасны лэбавны ьлiджык тыяс ьылö. Войбыд нурьясясны, сэсса лун кежлас бөр дзебьялöны турунъяс пөвстö.

Водз асылын лöсьыд кьвтны-катны пыжөн Тыбөд кузя. Васа кузьяс кучкалöны пыж пьдөсад, варовитöны пыжын пукалыськөд, кузь тöричаяс гартчöны пелыс гөгöрыд, быттьö көсийöны сувтöдны пыжтö.

Джуджьд кьдз вылын, кодi сулалö берег дорын, чуксасьö нин водз садьмысь көк: «кук-ку... кук-ку...» Тайö медбөръя көкөмъяс, регьд

сэсса позтём кёккысь он кут кывны гёлёссё. Оз прёста шуны: «Нянь воис — кёк виньдiс йикиён».

Ю пёлён гыалё кокныдик ру, оз тёд кытчö воштысьны, корсюрö дзикöдз тупкылас лысваён котасьём турунъясöс, дзоридзьясöс.

«Тельс, тельс, тельс»,— асья чöвлунсö торкö тэрыба ворсöдчысь кык лопта пелыс. Кёнкö зэв матысь кыпöдчисны госа гордаяс да ва веркөсöдыс лэбзисны лöнджык местаö.

Пыжлысь матыстчөмсö ылысян кылöны и турунъяс пöвстö дзёбсьём черияс, тювкнитасны тэрыба — корсь найöс. Видз гриваяс да посныдик дiяс вылын сьылöны лэбачьяс, гажöдöны матигөгöрса вёр-васö, исергаясөн вöччөм кыдзьясöс, льём пуöс и пелысьöс.

Пыж нырад кöть куйлö пищаль, вунöдан сы йылысь. Мича серпасьясыс, асья чöвлуныс, лэбачьяслөн гажöдчөмыс, черияслөн гыбалöмыс — ставыс тшöктö нимкодясьны пыжын пукалысьясöс. Татшөм асывьясыс öд олöмад оз быд лун паныдасылыны.

Кöть водз чеччи, а кодкö со пановтöма. Ме кодъ жö пыж сулалö кык ты костын, Тыбöд ю бокин. Пыж нырас да бöжас сувтöдöма бадь кустьяс, ылысян он и казав сийöс.

Матыстчи. Пыжысь чеччис ыджыд тушаа, ён морт. Вомас папирос, киас ружье. Кузь гөленя сапöга, ватника.

— Бур асылөн, друг!— ылысян на горöдiс сийö.

Тайö жö Вась, менам велöдчан другой! Пыжсянныс неылö, гөгрёсiник тыö, лэдзöма жыдач чучелаяс. Виччысьö гöстьясöс.

Кык ветки öтлаасисны. Пансис варов сёрни.

— Лöсьыда дзёбсьöмыд. Уткаясыд, кёнкö, ныр улад и пуксьöны,— шмонитi ме.

— Öтчид на эг лый. Казялöны, буракö, сюсь синъясыд,— гиргис-сералис Василий.— Уткаясыдлы öд вывсянныд лётчикьяслы моз тыдалö ылöдз.

Вöвлөм танкист Платонович, вөлөмкö, тöрытянь нин тани. Кöччойсянъ пыжөн локтöма. Лун-кык кöсийö овны. И кытчö тэрмасыны, кор мортыс петöма отпускö? Карсыд öд удитан на нылавыны буссö.

Платонович быд во асьыс отпускö коллялö вёр-ваын. Сийöс позьö адзвыны и сэтөр кёрзинаён, и пув тыра пестерён, да и сьöла-тартöt шоча воывлö гортас.

Быд пöрийö, кор ме вöравлигөн паныдасы тайö тэрыба сёрнитысь мортыскöд, дум вылö усьлö шуштөм серпас, кодöс сьёлөм бердын вöдита уна вояс.

...Вöли Май первой лун. Праздник кежлö ме карысь локтi чужан сиктö. Окота вöли шойччыштны, адздöдчывыны другьяскöд, сёйыштны мамöлысь чöскыд шаньга-сöчөн, а сэсса бөр мунны карö велöдчыны.

Рытнас важиник клубын видзöдiм кино. Сэни вöлины и менам другьяс, кодьяскöд шоча торйöдчывлим. Экрaн вылын тышкасисны белöйяс да краснöйяс. Быд пöрийö, кор белöй офицер усьли вöв вывсьыс, ми, челядь чукөр, горзiм-шутьялим, быттö асьным тшötш нöйтiм вөрөгöс.

Кино йылысь сёрни мунiс водзö мöд луннас, вичковесьтса лудьяс вылын, кытчö ми лэччим купайтчыны да лыйсыны.

Коть мянлы муртса на вöлі дас кык — дас куйм арöсөн, детинкаяс пиысь быдöнлөн вöліны пищальяс. Батьяс гуляйтöны, а ми лöсьöдчим найö ружьясысь лыйсыны пасьясö.

Луныс вöлі шоныд. Видз нöрыс вылö вöчим ыджыд бипур, а асьным заводитим купайтчыны. Көдзыд ваыс регыд и вöтліс мянöс. Шонтысим би дорын, сэсса кутим корсьны лыйсян места. Менам кыин вöлі öти ствола пищаль, кодöн дядь ветлывліс вöравны. Васялөн да Ваня вокыслөн кык вылö öти ружье.

И сэки кодкө бара казтыштіс тöрытъя кино йылысь. Детинкаяслөн синъясыс югдісны, öта-мөд вежмөн зыксим, радлім.

— Тэ кө эськө вöлін белöй офицерөн, эн и тöдлы, кызди лыйи,— горөді ме дас кык арöса Васьлы, сэсса лэпти пищаль курөксö да метитчыті детинкалы морöсас. Сійö сулаліс да сераліс.

Тотшыксне-кучкыксне пищаль курөк. И сöмын сэки менö босьтіс дрöж. Кывійс шуны эг вермы, пищальбй уси кыысь. Көть лыйöм шы эз кыв, а гөгөрвои: пищальсö öд гортысь петігөн на зарадитлі! Вася видзөдö, кутшöма повзи ме, а ачыс нинöм оз гөгөрво. «Гашкө, эз и вöv зарада?» — вензисны думъясöй. Полігтырйи лэпти пищальсö, видзөдлі стволсö: сэні куйліс зарада патрон. Дрöжжитан чуньясөн перйи сійöс сьöд ствол пытшысь да мый вынысь шыбиті тыö.

Бур, мый осечка лои. А лыйис кө? Менö, дерт, нэм чöж кутіс мучитны сөвествöй. Вины öд детинкасö верми либö вöчны калекаөн. Со кытчö вермö вайöдны балуйтöмыд. Та бöрын кык во эг лысыт босытлыны киö пищальсö.

Платонович, колөкө, та йылысь важөн вунөдіс, а менам ставыс на син водзын. Öд вермис лоны сідз, мый öні сійö эз пукав мекөд орччөн, некор эськө эз вермы кывзыны лэбачьяслысь сьылöмсö, уткаяслысь төричаяс пиын герчкөмсö, эз любуйтчы, дерт, шонді петöмөн да мича öшкамöшкаөн, кодъяс нюжөдлөны гөрба пос Эжва вомөн.

Шуда на, тыдалö, вöлөмыд, Васька.

— Гашкө, вывлань кайлам?— шыаси ме пыжын пукалысь дінö.

— Чайтан, сэн уткаяссö көрталöмаөсь?— Платоновичлөн гожьялөм чужöм кузяыс котөртіс нюм.

Сёрнитчим луннас öтлаасыны Норта-вожын.

«Шурс, шурс, шурс»,— водзö пискөдчи ме сук төричаяс пövстөд. Корсюрö пызан пасьта ю дзикөдз вошлө турунъяс пövстө, он төд, кодарö и веськөдны пыжтö.

«Мый нö чöv усин, көкөй? Нолтö лөдсав гажсö! Аддзан, асылыс куштöм гажа». Ю йылөдзыс каті. Сэсса петі шойччыны ичөтик ді вылö. Муртса на пыжös кыскышті берегö, а нырö öвтыштіс нин дзоридзьяслөн чöскыд дукуыс.

Аддзи еджыд гоб. Сійö сулаліс дзик берег дорын: кыз кока, паськыд шляпаа. Вылынджык мөд... коймөд... Öтикьяс пöрысьмөмаөсь нин, мөдъяс том ичмонь кодбөсь. Вотчысыс, тыдалö, абу на веськавлөмаөсь. Пыж ныр тыр воті тайö чöскыд тшаксö. Найös и збылысь уткаяс дорсыд кокныдджык корсьныд.

Сэсса веськалі сьöд сэтөр кустö. Вотбөсысыс чунь пом гырсяөсь,

сюян вомад — ачыс сылө. Эг и төдлы, кызди шондыс кайис небеса шөрөдз. Дугдिसны лэбавны уткаяс.

Нюжөдчи кыз бокө, гож сайө. Көнкө дзик пель дорын сьыліс турун пөвстө дзэбсьөм чирк. Гоз-мөдыс нин юр весьтөд лэзис сера бордьяса бобув. Тыдалө, и сылы долыд татшөм поводдянад. Төв кышөдчөмысь надзөника катласисны катшасиньяс, бобөньяньяс, быд дзоридзлөн аслас мичлун, аслас олөм. Ичөтик ді вылын эг ме вөв өтнам.

И сэки, небыд турун пиын куйлігөн, мем весиг лои өбиднө, мый мортлөн зэв нин дженьыд нэмыс. Шөркодя, шуам, олан 70 во, мөд ногөн кө, 613 тысяча час. Мыйла эськө не овны кык та мында, а гашкө, и ещө на унджык? Кутшөм унатор сэки адзылан ас гөгөрыд, кымын буртор верман вөчны йөзлы, чужан мулы! Да и татшөм гажа местаясас кымынысь на эськө позис пукуштны-шойччыштны.

Сьылөй, лэбачьяс, сьылөй. Қызза ме тиянөс. Сьылөй гажаджыка, дыр мед ог вунөд тиянөс. Қоркө өд бара на вола.

## ВИЗУВТӨНЫ НИМТӨМ ШОРЬЯС

Емваль юө усьө ичөтик шор. Дыр сылы лөб пьськөдчыны татчөдз. Унаысь сийө зурасьлас пөрөм пуясө, вель тшөкыда вежлас мунан туйсө. Кор воас Емваль дорөдз, неыджыд визув ю пыр и шымыртас сийөс, аслас кабырьяс улө босьтас. Сэсся мөдас аскөдыс нуны водзө, весиг шорысь петөм ваыслысь оз юав, мыйла да кытчө нуө сийөс. Нуө и ставыс. Сідз быттө и колө.

Өдйө тай кольөны вояс. Варччөм кокьяса, ситеч дөрөмьяса детинкаяс, ми быттө дзик на неважөн воывлім гожся луньясө тайө төдса шор дорас. Вугралім сэтысь зарни бордьяса шниткиясөс, чунь кузя налимьясөс, сэсся найөс жаритлім бипур вылын. Ас кыйөм черилөн чөскыд көрыс өні на кылө вомын. Нянь пыдди азыма сөйлім шомкор — шома, но чөскыд. Шорыс кывлывліс миянлысь серам-гажөдчөм, мича сьыланкывьяс и чуксасьөмьяс.

Ставыс тайө вөлөма мойдын моз. Кадыс сэсянь удитіс визувтны шор мозыс жө зэв ылөдз.

Емвальсянь неылын өні нюжөдчөма көрт туй, коді мунө Сыктыв-карсянь Микунь карөдз. Веськыдвылас, көні ми вотлывлім чөдлач да ыжнөньөн краситлывлім сера бедьяс, кыптисны лесопромышленнөй комплекслөн корпусьяс, уличаяс пөлөн грыввидзөны мичаысь-мича олан керкаяс. Лунысь-лун паськалө том Эжва кар.

Унатор вежис тани бөрья воясас. А шор пыр на важкодь, абу вежсьөма ни пөрысьмөма. Уджалө, отсасьө Емваль юлы, олө быд лунья олөмөн. Кузь, тыдалө, сылөн нэмыс. Тулыснас сідзи жө ойдлө-паськавлө. Гожся шоныд луньясө сәні важ моз сялькөдчөны зарни бордьяса шниткияс да тэрыба котралөны берег пөлөныс вөсни кокьяса истаньяс.

Татшом шоръяссө вель унаёс позьё аддзывны Емваль ю пөлөн. Эз кё вёвны татшом посныдик шоръясыс, гашкё, эз и сэтшом долыда овсы Емваль юлы. Од татшом отсасысьясыс и буретш сетёны сылы вынэбёс. Юкталёны сійёс водз тулысьянь сёр арёдз, муяс кынмытёдз, кытчөдз сир кабыра кёдзыдыс оз дор шоръяссө.

Көть и поснийсь да нимтёмось татшом шоръясыс, но найё вёчёны уна буртор. Мырсьёны-пессьёны лун и вой, празникъяс ни шойччан лунъяс оз тёдлыны. Юкталёны на гөгёрын быдмысь пуясёс, сетёны ассьыныс васё дзоридзяслы, лэбачьяслы, зверьяслы. Видзёны, медым парма-ягъясын эз паськав горш пёжар. А кымын вёралысьёс, вотчысьёс да шойччысьёс юкталаннуд ті, нимтём шоръяс, гожея да арся лунъясё асланыд чёскыд кёдзыд ванад! Лыддяс өмөй кодкё тайёс!

Тянёс позьё ёткодявны зіль йёзкёд, кодьяс лишной горзытёг вёчёны ыджыд да колана удж: вердёны да шонтёны мукёдъясьёс.

Со мый вёсна и ми радейтам тянёс, нимтём вичтём посныдик шоръяс. Мый нё, онё кё ылёдз нималёй, мед, оз кё быдлаын тёдны тіянёс. Но энё кё вёлёй ті, эз эськё лоны и мукёд юясыс.

## ТЫЛӨН ГУСЯТОРЪЯС

Ме тёда ёти ты. Сійё гёгрёс да джуджыд, ваыс дьёгёдь рёма. Тысё кытшалёмаось сирёд козъяс, кыз дёрём-гача нияяс, мылькъяс да гёраяс. Берегыс изья, быттё кодкё нарошнё тэчёма найёс татчө.

Тёдса пөль висьтавліс, мый тыас олө сир, кодлөн нитшкассьёма нин юрыс. Эмось и сьбёд ёкышъяс. Кор дзик на первойысь вой вөр пөвстө дзёбсьём тайё ты дорас, дыр видзёді сы вылө.

Вөлі лун шөр бөр на, а тані рытын моз лөнь. Весиг шонді югөръясыс стенён сулалысь вөр пөвстөдыс оз вермыны писькөдчыны сэтчө. Шойччис ас кежас ты, некыті оз вёрзышт, лөсталө, быттё выя бордйөн мавтёмаось сійёс. Көнкө дзик матын клёнөдчыштіс ёсь ныра сьбёд сизь. Тыдалө, пучёйясёс корсис, сэсея и сійё дугдіс уджавны, кытчөкө мөдлаё лэбзис. И бара лои лөньсыс-лөнь.

Матыстчи ты дорас. Ошөді пищальёс коз пу вожйё, пукси нитшкөн вевттысьём гёгрёс из вылө. Думён виччыси ётитор: «Вот-вот ты шёрын ызёбтас багатыр сир, петкөдлас ассьыс вынсө. Пөль кё аддзывлёма сійёс, мыйла и менем не видзөдлыны? Сэки, дерт, кута веритны». Но тыыс важ моз чөв оліс.

Видзёда ты вылас да думайта: «Кутшом туйёд воисны татчө чериясыс, кор тыас оз визувт некутшом шор да и ни ёти ю абу матігөгёрын? Коді нё рөдмөдіс тыас сирьясёс, ёкышъясёс, од сійё дзик ётнас вөр пөвстын, оз киась ни гөститчы мукёд тыяскөд? Мыйла черияс оз пөдны кузь, кёдзыд тёлын, кор тысө дорас ён йи да вевттяс кыз лым? Коді сетё сөстём сынөдсө, медым видзны тыын олысьясёс кулөмысь?»

Заводиті гөгөр дзоръявны. И сэки син улө уси ты боко ляскысьём ва гуран. Муні сэтчө. Да тайө тай ключ! Ваис сәні синва кодь сөстөм, сэтшөм кодзыд — юышти да лолой сувтліс, пиньясө ёнтыштис.

Лои гөгөрвоана өти гусятор: чериясөс пөдөмсые видзө тайө кув-лытөм ключыс, коді, дерт, и төвнас оз кынмыв. Да и ключыс, вөлөмкө, абу өти, чой-вокьяс сылөн эмөсь. Сідзкө, эм кытысь тылы босьтны сөс-төм васө, колана сынөдсө.

Көсийн нин мунны ты дорысь, ыджыд сирьяс сідзи и эз ызнитлыны. Гашкө, некод и абу сәні, пөрысь мортыд вермис ылөдлыны. Эг на удит кутчысьны пищаль дінө, юр весьтти лэбзисны горда пара. Найө вөчсны вель ыджыд кытш да шлывгисны-пуксисны ты помас. Лыйөм йылысь нинөм и вөлі думайтны, ылынсь, дрөбйид оз судзөд найөс. Польші-касьөны уткаяс, суйласны нырьяснысө ва пытшкө, пыркөдоны юрнысө, а асьныс ты шөрланьыс уйөны. И сэки юрө воис мөвп: гашкө, уткаяс либө юсьяс и рөдмөдісны чериясө, бордьяснас да паськыд кокьяснас вайисны татчө мукөд тыясысь черияслысь пөкьясө? Сэсея пөкьяссьыс быдмисны гырысь сирьяс, ёкышьяс. Дерт, көнкө, налөн тайө уджыс.

А горда пара матыстчөны и матыстчөны, тшапөсь, мичаөсь голяяс-сө неуна кусыньтөмаөсь, клопөдчөны бордьяснас. Век коть видзөдан на вылө. И сэки лои виччысьтөмтор: ызөбтіс кодкө ты пытшкысь, тшапни-тіс-кутіс өти уткаөс, бөр воши, сөмын валөн кругьясыс колисны сэтчө. Мөд гордаыс ас ногыс повзьөмөн горөдіс, өвтыштис бордьяснас, кыпөд-чис вывлань. Сэсея дыр на кытшлаліс ты гөгөр; колөкө, чайтіс мый горш сир жалитас сылысь пөвсө, бөр лэдзас вомсьыс.

Тадзи менам син водзын помасис олөмыс шөвк морөса гордалөн. Ме, коть и пищальбй вөлі орччөн, нинөмөн эг вермы отсавны сылы, мездны мудер да лөк сирысь, кодьясөс асьныс жө уткаяс рөдмөдісны, олөм налы сетісны.

Со кызди таысь мынтысис сир. Тайө аддзылөмторсө пыр на син водзын кута.

## МЕДСЯ ИЧӨТ ЛЭБАЧ

Сявкнитіс шочиник шоньд зэр. Көтөдыштис пуяслысь шеналыш-төм лапьясө, сэсея вылысь мыччысис шонді.

Синмөн судзөдны позьтөм сьд вөрсө прөсека торйөдөма кык пельө. Ляпкыдик мыр вылө пуксис ичөтик-ичөтик, пемыдвиж юра королөк да тэрыба кутіс кокавны гагьясөс, кодьяс дзебсьөмаөсь сисьмөм мыр пытш-кө. Мыйкө дыра мысти сійө котраліс нин косьмөм му вылын, видзөдлас кырсьяс костө, дженьыдик нырсө суйлас быд щелльө.

Миян вөрьясын олысь лэбачьяс пиысь королөк медся ичөт, веситө ставсө некымын грамм. Дарөм тай ичөт, а сөйныс ён. Во чөжөн вөр-ьясысь сійө бырөдө миллионысь унджык гагөс да пучөйөс — мортлы вө-

чө ыджыд буртор, видзё пуясё сисёмомысь. Таысь сылы пасибё поэё висьтавны.

Королёк поэялө пожём да коз пуяс вылө. Ассыс резинөвөй мац кодь гогрөс позсө сідз өшөдас пу лапъяс костө — дінтыс муан, а он аддзы. Колькъясыс аныкытш кодь посниёсь.

Тайё ичөтик лэбачсө аддзывлан зэв соча. Сійё олө ёнджыка ылі вөръясын. Отлаавны кө королёкөс коми пармаса медя ыджыд пөткакөд — чукчикөд, сы дінын сійө эськө кажитис «лилипутөн». А пуктан кө найөс вески вылө, тыдовтчас татшөмтор: пөрысь чукчи сьөкыдджык королёкысь матө тысяча пөв.

## ТОПОЛЬ ВЫЛЫН ПОЗ

Сыктивкарса өти улича бокин уна во быдмис кык вожа джуджыд тополь. Мыйөн воас тулыс да лышкыд шонді мөдас шонтыны топольлысь уна лыда посни вожъяссө, мыччысясны гыж пасьта веж коръяс. Вочасөн найө ыдждасны и асланыс паськөмөн вевттясны пусө ставнас.

Буретш татшөм каднас тополь вылө мөдісны лөсьөдны ассыныс поз чавкан гозъя. Уджалисны лун, уджалісны вежон, мыйсө сөмын эз кыскавны поэяе зіль чавканъяс. Бытсынγκεжланыс бур и патера лөсьөдісны. Топольлөн паськыд да сук коръясыс быд бокеянь тупкисны позсө, зэрысь и көдздыясысь видзисны.

Татшөм уджалөм бөрын шойчыштны эськө позис, но кадыс тэрмөдлө: энь чавканлы колө өдйөджык пөжны позйө пуктөм негырысь колькъяссө, айыслы төждысыны аслас пөдруга вөсна, вердны сійөс, видзны, медым некод эз пакөстит чавканпянөс.

Топольсянь неылын сулалысь керка дорсянь кыз бөжа руд кань унаысь нин матыстчыліс кык вожа пу дорө. Сылы окота вөлі чөсмасьыштны чавканпянөн, но пу вылас кыпөдчыны век жө эз лысьт. Чавкан гозъя кыпөдлісны сэтшөм шум, каньлы пырысьтөм-пыр ковмыліс энөвтчыны аслас көйөмъясысь да лөк мөвпъясысь.

Кызкө өти асылө кань казяліс, мый позйын пукалысь чавканлөн пөлыс дыр кежлө лэбзылө муяс вылө корсьны сөян.

Чавканпянъяслөн батыс муртса удитіс лэбзыны сөянла, каньлөн өзйисны синъяс, ачыс эз төдлы, кызди лэчыд гыжъяс отсөгнас мөдіс шаркөдны-кайны пу вылө.

Тайөс казяліс позйын пукалысь, пиянсө видзысь энь чавкан, смела уськөдчис кань вылө, а ачыс ыджыд гөлөсөн горзө, отсөг кодъясянькө корө, тшөктө мездыны руд рөзбойникысь.

Буретш сәки тополь дорті лэзис төдтөм чавкан, гөгөрвоис, мыйын делөыс, бордъяснас тэрыба шенасигтырйи недыр кежлө лэбзыліс и аскөдыс вайөдіс отсөг: дасысь унджык чавканөс.

Каньлы позйөдзыс зэв нин вөлі матын. Гашкө, кывсө нин нюліс,

но сы гөгөр мисьтөма да скөра горзөмөн мөдисны лэбавны отсөг ылө воысьяс. Оні нин кань ачыс повзис, чеччыштны тополь вывсянь эз лысьт, кокъяссө полис чегны. Табанитігтыр өдйө мөдис лэччыны.

Чавкан котыр ещө на яра мөдисны усьласьны сы ылө. Кор муөдз коли метра-мөд, кань өдйө чеччыштіс и мөдис пышйыны гортас, чавканьяс ылөдз на колльөдисны сійөс.

Та бөрын руд кань ыліті катшлаліс кык вожа джуджыд тополь, эз лысьт матыстчыны пу дорас.

Чавкан гозья важ моз өтсөгласөн ваялісны пияныслы сөян, видизсны найөс, медым некутшөм пакөсть накөд эз ло.

## МУСА ГОЖӨМӨЙ

Муса гожөмөй! Он кедзовт тэ мянөс некор. Шонтан и вердан, гажөдан и шойчөдан.

Мунан видз ылө — сьөлөмыд радлө. Лудьяс ылын мичаысь-мича дзоридзяс сулалөны. Пуяс вөччөмаөсь-баситчөмаөсь, вежтө петкөдлөны. Тыяс ылын лөсталө шоналөм ваыс. Корсюрө кыпөдчылас кутшөм-кө чери, ва веркөс ылас артмас кытш.

Пуксян сукджык пу улө, саймовтчан жар шондисьяс. Лөсьыд шойчыны да кывзыштны мыла гөлөса лэбачьяслысь сьылөмсө.

Уна радлун вайө гожөмыс челядьлы. Велөдчысьяс ветлөны ылі походьясө, уджалөны бать-мамыскөд видзяс ылын, гажөдчөны да шойччөны пионерскөй лагерьясын. Коді нө купайтчыны оз радейт! Гожся ваыд өд лөка шоньд да лөсьыд.

Гожөм помланьыс сэсся кисьмасны и вотөсьяс: оз, мырпом, чөд, гөрд сэтөр. Ягьясөд ветлөдлөны нин тшак вотысьяс. Вотчысьяс пнысь позьө аддзыны и посныдик нывкаясөс да зонкаясөс. Мый көть ичөтөсь, зіля котралөны. Синьясые налөн сюсьөсь да кокьясые тэрыбөсь.

А медся чөскыд тшак еджыд гоб небыд яла костөд муртса мычыштөма юрсө да быттө көсйө эльөдны вотчысьясөс: «Он аддзөй, он аддзөй...» Аддзисны тай, майбыр. Эз өтиөс, а матө көрзина тырөн. Рыт-нас жаритісны, чөскыда и сөйисны.

## ПӨРЫСЬ ПОЖӨМ

Вөрса изөрмөм туй бокин, коді төдас кымын во нин, сулалө ыджыд да кыз пожөм. Кымын арөс сылы, некод оз төд. Сійөс аддзылісны мян пөляс и батьяс.

Блөдз тыдалё шочиник вожъяса пу. Матигөгөрсә козъяс да кызъяс сы дһнын кажитчөны карликъясөн. Кокыс пожөмлөн сэтшөм кыз, медя кузь кияса мортлы не сывъявны сійөс. Тырмылөма тай, майбырлы, выныс! Чатөртчылан кө сы вылө, юрсыд шапкайд усё.

Вөліны кө сылөн синъяс, ылөдз эськө вермис видзөдны. Быттьө стөрөж, сулалө да видзө пармаыслысь чөвлунсө. Тайө пу дорас тшөкыда пуксыывлөны шойччыны вотчысыяс, вөрө волысыяс. Быд пөрийө, кор тайө местаас веськавла, пуксыывла сы дорө и ме. Малалышта киясөн коксө, нюмъевта: «Но мый? Кутшөма олан-вылан?»

Унаысь казаявлі, кызди пожөм вылө пуксяс гөрд чышъяна сизь да ён нырнас дыр клөнгас чөв олысь пу кузя. Кор пуыс ён да том вөлі, төдөмысь, сизьлы тані немтор вөлі вөчнысө. Тайөс, буракө, гөгөрвоө пөрысь пожөм и оз дөзмы вөрса лэбач вылө. Колөкө, сизыс думнас көсийө нэм помсө нюжөдны пуыслысь, висьөмысь сійөс видзны, сы пытшкө дзесьөм пучөйясөс бырөдө, медым пожөм сьөлөмөдз найө эз вермыны пырны.

Мелі шонді лыдтөм-тшөттөмысь киясыліс да чолөмавліс вөрса быдтасөс. Шонид гожся зэръяс мыськавлісны сылысь ки-коксө, небыд лым чиръяс пуксыавлісны сы вылө шойччыны. Вөрса гулюяс и сьөла-таръяс гажөдлісны сійөс.

Кор пожөмыс вөлі томджык, сы кудриясын быд ар өшавлісны сирөд кольяс. Тэрыб вөраса уръяс да гөрба ныра уркайяс вель тшөкыда чөсмасьлісны вөрса көзайка ордын. Некодөс пуыс эз вомавлы ни чирыштлы. Быдөнлы көсийс вөчны буртор. Аслас кузь нэмөн вель уна көйдыс сійө кояліс ас гөгөрыс, медым мукөдъяслы сетны олөм.

И со өні пөч кодь пөрысь пожөм бокрын быдмөны вөсныдик пожөмъяс. Том пуяс төладжык лунъясө челядыс моз дөзмөдчөны.

Коркө, дерт, дзикөдз слабитас уна вояс чөж сулалысь пожөм, вермас сійөс пөрөдны и вына төв. Но том пожөмъяс сы моз жө кутасны гажөдны тайө туй кузяыс ветлысь-мунысыясөс. Сывны налы аслысыяма сыланкывъяс, быдөнлы козьнавны дзоньвидзалун да вөрса чөскыд көр.

Сідзкө, эз весьшөрө ов пөрысь пожөм.

## ЛУНВЫВСА ГӨСТЯС

Ичөтик ю бокрын сулалө важиник өтка керка. Вевтыс киссьөма, өшиньясыс жугласьөмабсь, лун и вой сәті төв гуляйтө. Корсюрө керка пытшкас вугралөны да дзесьясьөны көдзыд төлысь вөрса лэбачьяс. Важөн нин тані некод оз ов. Сөмын тулыс-арсө, кор заводитчас вөралан кад, узьмөдчылөны пищала войтыр. Дерт, оз киссьөм керкаас, а орчөн сулалысь ичөтик жырыын, кодөс лесникъяс лөсьөдісны. Сәні и пач эм, позьө косьтысыны, пусыны. Весиг крөватъяс сулалөны. Вольпась пыдыс чөскыд көра турун, гортын моз узян.

Пöчинöк гөгöрын тыдалö паськыд эрд, муяс сэнi коркö вöвлöмаöсь, но öнi ставыс эжмöма. Важ керкасынь неылын тыдалö ыджыд кызд. Тöдöмысь, садитлöма сийöс тайö керкаас овлысь кöзяиныс. Ачыс, гашкö, комын во сайын кувсьöма, а пуыс быдмö, гожöм и ар гажöдö татчö узымöдчысь йöзöс.

Радейтöны эрд вылын сулалысь öтка кызсö и лэбачьяс. Сэтчö то пуксяс кузь бöжа сырчик, то лöсьыд гöлбснас дыр лывкйöдлас-сыылаэ гöрд морöса жонь либö ичöтик зиль пыста. И катша-ракалы муса тайö пуыс. Пуксясны медся йылас, чатрöдлöны юрнысö, весалöны ныйтчöм кокьяссö да нырьяссö.

Ю бокын татшöм жö мöд кызд. Сийö сöмын первойя сертныс неуна ичöтджык. Кор вевттысясны найö небыдик корьясöн, кудритчöм юрсиа нывьяс кодь лöоны. Еджыд кокаöсь, тыдалöны ылöдз. Кыпöдчыштас кодарсянькö тöv, и пуяс заводитасны варовитны öта-мöд вежмөн. Зэрыштас, и корьясыс кутасны лöставны, кытчöдз шондi югөрьяс оз нюлыштны на выдысь васö.

Оз кольлы ни öти тулыс да ар, медым ме аслам вöралан другьяс-кöд эг узылы тайö пöчинöкас. И кыйсян местаясыс танi төдсаöсь. Сьöла-тарьястö поэбö адзвывны керкасянь зэв матыс. Муныштан кö важся тракторной туй кузя луныввлань, эм ыджыд тар койт. Унаöс тайö койтыс тулыснас кыскö ас дiнас. Вольвлöны сэтчö и карса вöралысьяс, и Эжваысь и Вылыс Човйысь кыйсьысь-вийсьысьяс.

Ю бокса гөпьясын быд во бытысьöны гордаяс, жыдачьяс. Тувсов войясö дзык керка дорöдз вольвлöны кöчьяс. Татчöс местаяс озырöсь чöдйөн да пувйөн, путникөн да гöрд гобөн. Öбедöдз кö вотчыны, медся ыджыд пестер поэбö тыртны тшакөн.

Юлөн мöдар бокöдыс нюжöдчöма лежневöй туй, во кык-куим сайын на сэнi журьявлiсны вөр кыскалысь машинаяс. Арся пемыд войяснас машинаяс повзöдлiсны югыд бугыльяснас туй пöлөн узымöдчысь зверь-пöткаясöс. Öнi тайö туйсö эновтiсны — тыдалö, вöрыс быри, вуджисны мöдлаб.

Кольöм во тулыс ме бара волi татчö. Окота вöли пукыштны тар койтьяс вылын да кывзыны вöрса петукьяслысь сьылöм-гажöдчöмсö. Юыс ойдöма, берег дорас он вермы матыстчыны. Ковмис вуджны керьяс вылын.

Матыстчи важиник керка дорö, синьясöй паныдасисны кызкöд. Сулалö менам важ төдса, дзоньвидза, некодлөн абу лыбöма кыис пöрöдны сийöс. Но мый тайö? Корьястöм пу вылын тыдалö кык сквореч поз. Видзöдлi ю дорын сулалысь мöд кызд вылö — и сэнi татшöм жö скворечникьяс öшалöны. Нюмöй весиг петiс. Бур делö кодкö вöчöма: гашкö, экспедицияын уджалысьяс, а колöкö, и вöралысьяс. Көть кодi эз вöv, а мортлөн тайö уджыс ошкана. Колö аттьö сылы таысь висьтавыны.

Эг на удит помöдз ошкыны гөдтöм мортöс, кызди юр весьтöд лэбзисны сквореч гозья да пуксисны кызд вылö. Воманыс налөн тыдалiс кос турун чирьяс. Сьöд лэбачьяс пиысь öтиыс тюркнитiс-пырис пу йылын öшалысь поэбö, сэся öти здук мысти бөр нин петiс. И мöд скво-

речыс регыд вошлі сэтчө. Поздысьöны. Сідзкө, быдтысьны-рöдмыны кутасны.

Лунвывса гөстяс поздысьöны и мөд кызды вылын öшалысь скворечникьясьö.

Шондыс саймовтчис нин лөзöдысь вөр сайö, и ылі муясысь воём скворечьяс пыр на уджалісны — кыскалісны выль патераясас гөнтортьяс, косьмөм корьяс, кольөм вося турун чирьяс. Сэсся, тыдалө, мудзисны. Пуксялісны кызды вожьяс вылө, заводитісны сьывны, кыпыда, сьөлөм-сяныыс.

Регыд мем удайтчис овны сэки тані. Шойччан лун помасис, уджавны колө вöлі лэччыны. Но вөрö овмөдчысь скворечьяс унаысь на усылісны дум вылө карын.

Гожөмнас, мыйөн кисьмис-воис чөд, ме пукті рюкзакө неыджыд көрзина да выльысь мөдөдчи төдса пөчинокө. Юыс жар шонді водзын пакталөма-чинөма, пыдөссьыс весиг изьясыс тыдалöны.

Керка дорын сулалысь кызды дзевөма скворечьяслысь позьяссö аслас помтөм-лыдтөм корьяс пытшкө, ылысяныыс он и аддзы.

Лунвылысь воём гөстяс быдтысьöны. Дугдывтөг лэбалöны видзьяс вылө. Ваясны воманыс гагйөс либө лельöс и пыр жө юрсө сюясны скворечник розьö, көні мам-батыслысь виччысьöны сёян небыдик гөнтьяс скворечпийн. Паськөдасны найö вижоват вомсö, öта-мөд вежмөн горзöны, корöны мыйкө чөскыдджыктор. Сквореч гозьялы некор шойччыныс, жбыръялöны бөра-водза, гашкө, асьныс оз убелитны немтор сёйны, ставсö кыскалöны пияныслы. Лоин кө мамөн либө батыөн — пияныд медся донайсь. Ас йывсьыд поэьö и вунөдлыны.

Арнас ме ещö на аддзысьлі вöрын овмөдчысь скворечьяскөд. Вөр керкаын узьөм бөрын петі йвлаө. Вöлі дзик нин югыд. Войвывсянь пöльтіс көдзыд төв. Он и төдлы, регыд лым чирьяс петасны. Медся джуджыд кыдзын пукалісны матö кызды сквореч. Гашкө, найö шойччисны кузь туйö петөм водзвылын. Недыр мысти ставныс кыпөдчисны төдса пу выльысь, сэсся пөчинөк гөгөр вөчисны кымынкө кытш и чукөрөн лэбзисны лунвывлань.

Та бөрын ме найөс эг нин аддзыв. Жаль, мый туйö петөм лэбачьяслы весиг эг путымы шуны гоз-мөд мелі кыв.

\* \* \*

Öні ме бара виччыся тулыс. Вөралысьыдлы тулыс-арыд медся ыджыд празник. Төдөмысь, сэки выльысь ветла ылі пөчинокө. Сьөлө-мөн кыла: лунвылысь воасны сэтчө и менам бордья другьяс. Налөн öд тані мөд горт.

Локта вөрö ог тыртөм киөн. Лөсьөді нин лунвывса гөстяслы выль скворечник. Мед овмөдчасны унджыкөн. Гажаджык лөб вөр-ваын.

## ВИЗЯОРДА

Вёрса туйод, кодос гогорбок кышаломоось тусяпуяс, воньыдик бадьяс, вольаліс геолог. Мышкас вушйыштөм, ыджыд рюкзак. Сэні быд сикас изьяс, кодьяс кош тыр пось нин вөтлісны геолог чужомысь. Мунысь морт коть зэв на том, но кузь туйыс да сьокыд грузыс и сійос мудзтөдіс. А вольавны, коні уджалісны да олісны сылөн ёртыясыс ковмас вель на дыр.

Дженьыдось да скөрөсь арся луньясыд войвылын. То кодзыд зэр дөзмөдчыштас, то петалас сэтшөм төв, мый, вермас ко, уськөдас кок йывсыд, кульыштас юрсыд шапкатө. А талун ни зэр, ни төв. И ывлаыс абу мукөд луньяс кодь кодзыд.

Помасис васөд места. Геолог өні вольаліс неыджыд кыр паныд, коні вөрыс вөлі вывті гежөд. Тані тыдалісны сөмын пожомьяс — войвывса вөр-васө гажөдысь пуяс. Геологлы дум вылас уси Алфимовлөн висьт, кодос сійө неважөн лыддис «Смена» журналысь.

«Ми — пожомьяс. Ми — ылөдз юргысь ыргөн струнаяс, кодьясөс нюжөдөма му да небеса костын. Кор мянөс кышөдө төв, ми сылам еджыд кымөрьяс йылысь, кодьяс шывгөны мян весьтөд, и мупытша кодзыдыяс йывсыс сылам, кытчө дзөбсисны мян вужьяс. Ми му пытшкынөсь и енежас. Ми көрталам лунсө и войсө, пемыдсө и югыдсө. Ми өд — пожомьяс...»

«Лбсьыда шуөма», — ышловзис геолог и друг падмис.

Сысянь вольков вит сайын, пөрөм пожөм улысь, мыччысис ичөтик зверь. «Визяорда», — вашнитіс аслыс том морт.

Визяорда казяліс мортөс да дзөбсьөм пыдди кутіс видзөдны геолог вылө. Ачыс ичөтик-ичөтик, туша кузяыс мунө чукуль-мукульөсь вит визь. Бөжыс воньыдик, тушасыс\*на дженьыд. Кутан ко сійос, төрас ки пыдөс вылад, сэтшөм сійө жебиник.

Геологлөн мудз чужөм вылас мыччысис нюм. Муртса вештыштіс няйтөсь сапбгсө водзлань — визяорда тэрыба чипөстіс и пуля моз воши вужля улө.

Геолог ко эськө кутіс лыддыны кызьөдз, эз удит. Вужля мөдар боксянь бара мыччысис дзөбсянторйыс. Первой тыдовтчис сылөн пельясыс, сэсса воөм лбөм тусь кодь синьясыс. Гашкө, визяордалы окота вөлі видзөдлыны татчөс местаө воөм морт вылө.

Геолог эз на удит вөчны и өти вольков — визяорда бара тюркнитіс-воши.

Том морт шыбитіс мышсыс изьяс тыра рюкзаксө, сьокыд тушасө лэдзис сы вылө. Ачыс синьяссө оз вештыв пөрөм пу дорысь. Вёрса олысөс виччысыны ковмис регыд, сійө вылысь мыччис ичөтик чужөмсө, дженьыдик кокьяссө, быттьө көсийс ошйысыны: «Со ме кутшөм, любуйтчы мындөм колө, а кутны эн и думайт — он су, өти здукөн пышья».

Сідзи и эм. Муртса геолог шутөвтіс, визяорда быттьө сійос и виччысис. Чургөдіс бөжсө, чеччыштіс водзлань, сэсса өдіө пышйис тілля

пуяс пытшкө. Дарөм медся ичөт зверь, а вөлөмкө, тэрыб и сюсь. Ичө-тиктө да омөликтө быдөн вермас өтдортны. Дзевсян кө ас кадө, бурджык лоө.

— Ак, зимөгор, пышйин. Часлы, видзөдла, мый вөчин вужля улас. Менө он пөръяв,— том морт малалыштіс кадысь водз лэдзөм тошсө, сэсся матыстчис пу дорө, кытысь сөмын на пышйис дженъыд кок.

Вужля улын тыдаліс кык ыджыд розь. Шуйгаладорас — сөян видзан кум. Мыйсө сөмын сэтчө абу кыскаломә: пуяслысь да турунъяслысь көйдысьяссө, весиг ид да зөр тусья! И ставсө тэчөма торйөн. Гашкө, шапка тыр запас төв кежлө чукөртөма. Мөд розяс визяордалөн узыланіныс. Сэні, тыдалө, кос турун да быд сикас пу коръяс. Узьнысө небыдджык, шоныдджык лоө. Мыйөн көдздөдас ывлаыс да кынмас муыс, сійө дыр кежлө мушкыяс-водас шойччыны. И сөмын водз тулыснас, кор нин шондыс кутас прамож пөжны, первойысь петас позьсыс.

Заводитіс нин рөмдыны, а геолог пыр на бергаліс пөрөм пу дорын, гашкө, думнас выльысь көсйис аддзывны ичөтик удал зверөс. Колөкө, и том мортлы окота вөлі кольны татчө ассыс лунся став мудзсө.

## ЛЭБӨНЫ УТКАЯС ЛУНВЫЛӨ

Кор петалан киасьны төдса пармаыдкөд, кор мудзтөдзыд восьла-лан вөрса векныыдик туйясөд, пөттөдзыд лолалан чөскыд сынөднас, сьөлөм вылад празник. Лунтырнад уна местаө удитан воыны, уна пөлөс серпас синъяс водзтіыд мунас. На пиысь мыйсюрө дыр кежлө кольө юр вежөрад, мукөд аддзылөмторъяс йывсьыс регыд и вунөдан, кызди мортөс, кодкөд здук кежлө паныдасьлан.

Важөн нин со пуксис төв, муыс вевттысис еджыд шебрасөн, менам юр вежөрын пыр на гожөм йылысь казтылөмъяс, синъяс водзын пувьа да чөдъя местаяс, дона гобъяслөн банйөм шляпаяс.

Өні со син водзын, кызди сентябрь төлысья өти лунө, Вылыс Белөй борсянь мөдөдчи Жборган юлань. Асылыс вөлі лөнь да шоньд. Зэрыштөм бөрын ю пөлөн нюжөдчөм туй вылын пыр на тыдалісны ва гуранъяс, пуяс мысьсөмабсь зэр ванас, сөстөмөсь, мичаөсь.

Көнкө неылын клөнөдіс өн нырнас сизь, торкис асья чөвлунсө. Недыр муныштөм бөрын тыдовтчис ыджыд ты, көні пукалісны гашкө сөысь унджык утка. Ме чуйми, та мындөм пөткасө өтлаысь некор на эг аддзыс. Саймовтчи кыз пөжөм сайө, мөді видзөдны уткаяс вылө. Тайө вөліны гордаяс, гырысьсөсь, гөсаөсь. Найө польтікасисны ва пытшкын, корсисны сөян.

Джуджыд кыр йывсянь меным найө зэв бура тыдалісны. Уткаяс, төдөмысь, лунвылө мөдөдчөмаөсь, тайө тыас шойччыны да сөйны пуксьөмаөсь.

Меным жаль вөлі найөс повзьөдны, мед шойччөны, колөкө, кутшөм

ылысянь нин локтöны да и уна лун на ковмас уткаяслы лэбны шоныд муясöдз.

«Шойччöй, шойччöй, донукъяс. Локтан тулысöдз сэсся тiянкöд ог аддзысьлöй. Аслыныд, кöнкö, жаль энöвтны мянлысь войвыв мунымöс», — нимкодяси ас кежын.

Но гордаяслы, тыдалö, некор дырö шойччыны, ставөн кыпöдчисны, вöчисны ты весьтын кытш, сэсся лэбзисны водзö. Ме видзöдi на бöрся, кытчöдз дзикöдз эз вошны синъяс улысь.

Та бöрын унаысь на волi тайö ты дорас, но уткаясöс некор нин эг аддзыв.

Найö, кöнкö, пыр ылöджык и ылöджык лэбзöны асланыс туйöд, аскöдныс нуöны тшöтш Коми му йылысь казътылёмъяс.

## ТУРИПУВ

Витöд час нин шöйтi вöрын. Мудзи, тшыг, кöтаси. Компастöм, пищальтöм, няньтöм. И истöгöй абу, кöтасис, ковмис шыбитны. Мöдöдча веськыдыв — парма, шуйгавыв — бара парма. Воши. Первойысь аслам нэмөн.

Окота водны пу бокö, унмовсьны, шойччыштны. Но сьölöмöй висьталiс мöдтор: «Мун, мун, пропадитан». И мунi. Надзöникөн восьлалi вугралысь вөрöд. Думайтi гортöс, казътылi пöсь чай. Гудыр небесаöd шувгисны сьöd кымөръяс, матысмö рыт.

Кор дзикöдз быри эбöсöй, водзын тыдовтчис тöдса нюр — тасянь гортöдз вит километр. Пыр жö лои кокныдджык сьölöм вылын, но кокьясöй эз кöсьыны мунны.

И сэки адзи турипув. Сийö вöли зэв уна, чим гөрдöсь, гырысьöсь. Первойсö сөйи öти тусьөн, сэсся ки тырөн. А налы и помыс оз тыдав, — гөгөр сярвидзöны, польдчöмаöсь, шомаöсь.

Заводитiс öдийö пемдыны, а ме некызд ог вермы энöвтны вотöссö. И кыськö пыр жö содi вынöй, быри мудзём. Гашкö, тэ, турипув, лечитiн менö?

Восьлалi гортö муртса тöдчыштана туйöд, а син водзын сiдзи и чеччалiсны вотöсьяс. Мый нö öнi вит километрыд, ме и быдса кызьöс муна.

Аттö тэныд, турипув!

## ВОЙВЫВСА ПАЛЬМА

Сьöрт грездянь неылын, нейджыд межа помын, уна во быдмис тшап да мича сус пу. Кутшöм бур морт садитлöма сийöс — некод оз тöд. Йöз костын ветлiсны уна пöлöс сёрнияс. Öтияс висьтавлiсны, мый

пусо садитліс роч морт, кодос царскöй чиновникъяс ыстыломны войвы-  
ло кызди революционерос. Модъяс висътавлісны, мый быдмис сійо кöй-  
дысысь, кодос вайліс Печораысь коми вöралысь. Вензыны ог кутöй.

Сус пусо частö нартитлісны кодзыд вой төв да васод лым, корсюрö  
мыскавліс шоныд зэр да шонтыліс мелі шонді. Сійо төдліс йöзыс-  
лысь шогсö и радлунсö. Пу улын том йöз висъталісны радейтчöм йы-  
лысь, пелька йöктылісны нывъяс, сьылісны праздникъяс дырйи олöма  
йöз.

Пушкыра «пальмаос» радейтлісны и пöрысыяс и челядь, вöралысыяс  
и чери кыйысыяс. Пулön кыз вожъяс вылын, кодъяс шевгöдчывлісны  
гöгөр, быдмисны гöгрös кольяс. Найö ас дорас кыкисны челядьос. Но  
судзодны кольяссö вöлі сэтшöм жö сьöкыд, кызди джуджыд йирысь  
лэптыны биа из.

Век жö детинкаяс пиысь медся збойясыс да пелькъясыс кавшась-  
лісны пу вылö. И сэки важиник картузъяс, чериön да вотöсыасön ляс-  
сялöм зепъяс тырлісны сир дука чöскыд öрешкиön.

Сус пусö, дерт жö, медся радейтлісны челядь. Весиг сэк, кор детин-  
каяс пиысь öти, сьод юрсна Митрей, уси пу вывсянныс, ми эг вермöй  
кедзвотны войвывса «пальмаос».

Митрей дыр туплясис вольпасын, ымзис да ружтис, но ми важ-  
моз лэччывлім пу дорö да чукöртлім сус кольяс, кодъясöс сійо шыбит-  
ліс му вылö, сэсся нулім найöс висъысылы. Миян друг регыд бурдіс,  
но джуджыд пу вылö некор нин эз кайлы.

Сійо кадсянъяс коліс комын воысь унджык. Ми лоим верстыö вой-  
тырөн. Важön абу сус пу. Да и ичöтик Сьорт грезд оз тыдав. Сэтчös  
олысыясыс мунісны коді кытчö: öтияс карö, модъяс овмöдчисны орчча  
сиктö.

Но йöзыс абу на вунöдöмаось тайö тшап пусö, частö казътывлöны  
сійос. Казътылöны праздникъясö и прөстöй лунъясö.

Эг вунöд сійос и ме. Мөдöд во нин öшинь улын быдмö томиник  
сус, кодос вайисны геологъяс ылі Печорасянь. Быд пöрйö, кор ме ма-  
тыстча сы дорö, дум вылö усылöны челядь кадöй, аслам ёртъясöй.

Дерт, аслым оз нин удайтчы чöсмасыны чöскыд öрешкиясön, но  
челядьöй да внукъясöй, төдöмысь, видласны найöс. И сэки бур кывъ-  
ясön казътыштласны мортös, коді садитіс тайö пусö.

## СИКÖТШЪЯСА АСЫВ

Войвылад тшöкыда вильшасьлывлö арся поводдяяс. То лым пе-  
тадас, то лунтыр куражитчас-зэрас. Сёр арнад мича лунъясыд ок ку-  
тшöм гежöда овлöны.

Талун со бара мыйыскö енежыс бöрдö, некыз оз вермы косöдны

синвасё, кисьтё и кисьтё пыддэз котасьём му вылө, шоръяслы тшөктө лоны варовджыкөн.

Быд төв пöльыштöмысь град йöрын копрасисны медбөръя арся дзоридзяс, кодъясё абу на вермöма кусынтны кодзыдыс. Коръя пуяс вылын дыр зэрёмсьыс öшалісны ва больяс. Öтияс на пиысь регыд и потласисны, мөдъяс эз кöйыны сетчыны, зілісны кыз поэбö дырджык öшавны пу вожъяс вылын.

Букуш поводдяыс кадысь водз плавкнитіс асьыс шебрассö бөр-ва вылө, дзевис найöс асылөдз. Важ моз дугдывтөг зэрис. Сöмын сап пемыднас нин сикт везьтысь весасисны кымөръяс, енежын öти бөрся мөд петкөдчисны чүсмөм коззувъяс. Ывлаын лой пыр жö кодзыдджык. Асыв төв пыди мөдіс пушкыны вынйöра вой төв.

Тамара, мыйөн садьмис асывнас, видзөдліс öшиньöдыс град йöрас и радысла мөдіс кекöначасьны, чукөстіс мамсö да чойсö:

— Мамук! Настук! Волöй, видзөдлöй, мый вöчсьö ывлаас!

— Мый сэтшöмсö аддзин?— юалис мамыс.

— Волöй да асьныд аддзанныд.

— Абу миян кадыс: удж вылө колö мунны.

— Но, зарни чоюк, видзөдлы.

Настук локтіс öшинь дорö, видзөдліс гөгөр, немтор шензянаторсö эз аддзы.

— Висьтав, кутшөм дивö аддзин, Тома?

— А тэ видзөдлы бурджыка,— вочавидзис Настуклы ичөтджык чойыс.— Аддзан пуяссö? Мый сэні öшалö? Тайö асылыс ывласö гажө-дöма, быд пу вылө сикөтшъяс öшлöма. Чукөртны кö найöс, кымын нывкаөс поэбö вöччöдны.

Школаас мунігөн Тамара кежавліс град йöрас, вель дыр сулаліс кыз пуяс дорын. Кутшөм уна сикөтш моль öшаліс пу вожъяс вылын, кодъяскö быттö найöс татчö войбыд öшлöмаось.

Школа дорын Тамараөс суөдіс пöдругаыс.

— Ой, Люда, мый ме талун аддзылі!

— Висьтав, да кута тöдны.

— Сикөтшъяса асыв, со мый. Татшөм мичлунсö ме некор на эг аддзв. Помасясны урокъяс да ветлам видзөдлыны.

— Сöмын эн ылөдлы.

Қор триньбтис медбөръя звөнок, Тамара да Люда мунісны видзөдны сикөтшъяса пуяс. Қор воисны Тамара керка дорö, нывкаөс гөгөрвотöма видзөдлісны öта-мөд вылас. Қымынкö часөн став мичлуныс вошöма, коть и Тамара аслас синъясөн аддзыліс сикөтш мольясөн вöччөм асывсö.

Обиднö вöлі, мый Люда пöдругаыс вермас не эскыны сылы.

## ЖОВПУ — ЙӨЗӨС БУРДӨДЫСЬ

Матыстчө төв. Муяс да видзьяс вевттысисны нин еджыд шебра-сөн. Выль пөлөс паськөмөн шебрасисны и туйяс да керка вевтъяс. Вой-яснас трачкөдчө көдзыд, корсьө, мый позьө кынтыны, топодны. Тыяс да куръяяс көдзыдыс вевттис вөсньыдик кеньөн.

Коръя пуяс важөн шыбитісны ас вывсыныс мичлунсө, сулалөны пасьтөмөсь, тіралөны төвлөн быд пөлыштөмысь.

Оз нин тыдавны пелысь пуяс вылын гөрд вотөсьяс, найөс важөн кокалісны лэбачьяс. Но арся мичлуныс эз на быдлаын быр. Со керка бокас, град йөрын, сулалө некымын жовпу, вөччөмабсь быттьө праздник вылө. Пулөн быд вожйын өшалөны чим гөрд розьяс. Вотөсьясыс гырысьсөсь, ылөдз тыдалөны, вежтө петкөдлөны.

Жов — абу прөстөй пу. Сійө йөзөс лечитысь быдмөг. Көть сылөн вотөсьясыс курыдөсь, а уна пөлөс висьөмъясысь отсалөны гырысь йөзлы и челядьлы.

Тайө пуыс отсалө налы, кодъяслөн тшөкыда висьө сьөлөмыс, гырк пытшкөсыс, юрыс, кокньөдө кызөдөмысь мучитчысь йөзлы, бурдөдө нельзөм висьөмъяс, пежасьөм ранаяс, зөлөтуха да уна мукөд висьөмьяс.

И витаминьясөн сійө зэв озыр. Коми йөз важөн төдөны тайө пуысысь коланлунсө да мичлунсө, оз чегъявны, оз керавны сійөс.

Тулысөдз вермасны өшавны жовпу вылын гөрд шаръясөн өзйысь розьясыс. Тулыснас, пелысь да льөм дзоридзалөм бөрын, восьтас ассьыс мичлунсө и жов.

Гожөмнас сійө оз өна шыбитчы синмад. Быдмө, сөвмө, медым ассьыс став мичлунсө петкөдлыны йөзлы арнас либө төвнас.

Татшөм тайө пуыс.

## МЕДВОДДЗА ЛЫМ

Арыс мыйкө дыра чөв оліс. Вөлі шань да мича. Сегіс кад йөзлы идравны муяс вылысь став урожай, лэдзис чукөртны тшак да вотөсьяс. Петкөдліс ассьыс мичлунсө вөр-ва радейтысьяслы.

Сэсся поведдяыс вөчасөн лөкмис. То лунъясыс көдзыдөсь, то вежон чөж помывв зэрас. Вына төв коръя пуяс вылысь чайыс став мичлунсө. Ойдісны юяс да шоръяс. Көдзыдыс вөтліс шоньд муясө лэбачьясөс, нярзьөдіс ывлаын быдмысь быд сикас дзоридзьясөс.

«Өні позьө и шойччыштны,— думайтө ар.— Эбөсөй дзикөдз быри».

А төв тайөс и виччысис. Окота сылы ассьыс вынсө да мичлунсө петкөдлыны. Муртса мудзөм ар лөньыштіс, кунис син пөвсө, төв мөдөдіс зумыш кымөръяслы юөр: «Войнас заводитам уджавны. Тырмымөн дасьтөй лым. Арөс колө повзьөдны».

Сьодасьом му вылө кымөръяс войбыд коялісны лым. Керка вевтъяс, лыска пуяс, москьяс, муяс да видзьяс лоины еджыдось.

Төвлы рад, ыджыд гөлөсөн горзө кымөръяслы: «Ещө содтыштөй, мед гөгөр вөлі еджыд да сөстөм. И юяслысь вомнысө тупкөй».

Кынмыны кутіс шойччыны водөм ар. Восьтіс син пөвсө. Скөрмис төв вылө, кутіс кевмысны шонділы: «Муса шондіөй, пикө вон, еджыд тошка төв менө зырө. Мездыв на, сьөлөмшөр».

Шонділы жаль лои арыс. Писькөдчис кымөръяс пөвстөд, му вылө кутіс коявны ассыс югөръяссө. Медводзаысь усьлөм лым час-мөдөн и бөр сылі.



**САЛДАТ  
ВОИС ГОРТАС**





## САЛДАТ ВОИС ГОРТАС

Петр Одинцов кык во чөж служитис армияын. И со воис гортас. Мы-йөн мыччысис чужан сиктыс, сувтис видз веретя вылө, дыр видзөдис гө-гөр. Быд пу и луд сылы төдса. Коді төдас, кымынысь ветлывліс тайö местаястыс. Видзөдө чужан сикт вылас. Сы ветлігкості лоöмаöсь веж-сьомъяс: лэптöмаöсь выль клуб, кирпичысь мөс карта. Ещö на кутшөм-кө стрöйбаяс тыдалöны.

Сөрөн нин разөдчалісны гөстьяс. Петрлөн мамыс, Фекла Андреев-на, важөн дасьтис пиыслы небыд вольпась.

— Узь, пиукöй, лун шөрөдз аски шойччы. Майбыр, службайд по-масис, некытчö оз ков тэрмасьны.

— Аски пармаö көсья петавны, — вочавидзис мөдыс.

— Удитан на, — нюммуніс мамыс.

Да, кымынысь асьыс сикт да матігөгөрсä вөр-васö казътывліс Одинцов, кор служитис пограничнöй заставаын.

Асывнас, буретш вит часын, шыасис будильник. Звирк чеччис вөв-лөм салдат. Вещевöй мешöкө тэчис вөлöга, пасьтасис, көмасис, бось-тіс пищальсö, кодөс дыр эз босьтыв киас. Мөдөдчис вөрö.

Паныдасис ичөтник вөрсä ключ. Петр копыртчис сы дорö, гумовтис васö да тэрмасьтөг юис.

— Аттыё тэныд, ключаной. Татшом чоскыд васо кык во эг видлы. Эн тод али мый мено?

Со и тодса сус пу. Ылысянь сийос адзис. Матыстчис, чоломасис.

Водзо восьлало салдат. Муныштас мыйко мында, сувтыштлас. Со важ моз визувто ичотик шор, кодос кытшаломась посныдик пуяс. Одинцов тшоқыда шойччывлис тани. И они пуксылис тодса мыр выло.

Войвывса парма нуис служба вылысь воом мортос пыр водзо, быттыо койсис петкодлыны ассыс став мичлунсо. Ордым полон пыр на ошалисны пув розьяс.

Восьлало салдат ордым кузя, быттыо абу и янсавлома, тодса местаясыскод. Ставыс на тани важкодъ. Чатортчылис джуджыд коз пу выло, кони ошалисны гырысь кольяс. Дум вылас уси, кызди корко сатысь лыиис урос.

Недыр мысти Петр энотис веськыд ордымсо да кежис муртса тодчана туй выло, коди вайодис ляпкыдик воралан керка доро. Сийос батыс на стритлывлорма. Быд ар узыльвлосэни.

И тайо войсо кодко коллялома тани. Пачыс пыр на шоныд.

«Лун-мод мысти узыомон локта. Гажой ена нин быри вор-ваысь», — мовпыштитс Петр вор керкаысь петом борын.

Кытчо сомын эз удитлы волены тайо луннас: нимкодясис кыз раскон, кежалис пожомо яго, вуджис уна сеньяс да шорьяс вомон. Азыма лолалис ворса сыноднас, эз термась гортас, котъ заводитис нин ромдыны.

Со воис места, коди чорыда морчомо, не сомын паметьо, но и соломо. Сидз на сулало кушинын кызд, а сысянь неылын — пожом. На гогорын Петр вотчылис корко. И эз отнас, а радейтана нылыскод.

Кык во янсавлом борын тодса местаясыс кажитчисны ешо на мусаосъ да донаосъ.

## НАЙО ВОЛИНЫ ПОГРАНИЧНИКЪЯСОН

Некымын во сайын меным месткомсянь сетисны путевка да ыстисны шойччыны санаторийо, Грузияса ичотик каро. Меным, войвылын быдмысь мортлы, тани ставыс воли аслысыяма. Ичотик керкаяс гогор, кодьясо лептомаосъ кирпичысь либо изьясысь, быдмисны фруктовой пуяс. Карса оти улича полон чожа визувтис ляпкыдик, векныдик ю. Шуйгавылас тыдалис вель джуджыд гора, кони быдмисны посныдик пуяс да уна сикас дзоридзьяс.

Санаторийо пыригон на корт дзирья дорысь меным паныд петис руд гона ыджыд пон. Сийо видзодлис ме выло юрсянь да кок улодз, исалис менсым паськомос, чемоданос, сесся бор пырис аслас чомйо, коди сулалис дзирьясянь неылын.

Тані ме тѳдмаси выль ёртъяскѳд, заводиті шойччыны да бурдѳдчыны.

Рытнас, кор шондыс эз на удит саймовтчыны гѳра сайѳ, петі ѳшинь улѳ. Аддзи клумба, кѳні быдмисны мичаысь-мича дзоридзьяс, да мѳді нимкодьясьны. Эг и казьяв, кыдзи ме дорѳ матыстчисны ар комына дженъидик съѳд уска морт да пон, кодѳс ме аддзылі нин татчѳ локтігѳн. Понмыс вѳлі ыджыд, ён, сѳмын мыйлакѳ чотыштіс.

— Понйыд оз курччась? — скамья вылѳ пиксигмоз юалі ме.

— Эн пов: Акбар менам тѳлка, тѳдѳ кор да кодѳс колѳ курччавны, — нюмѳвтіс тѳдтѳм морт и пуксис мекѳд орччѳн.

Понйыс нюжѳдчис кѳзяин дорас веж турун вылѳ.

— Понйыд кытчѳкѳ дойдѳма коксѳ? — юалі ме.

— Э-э... Кузь висьтасян тайѳ, — малыштіс понсѳ кѳзяин. — Граница вылын сійѳс вѳрѳгъяс ранитісны, и меным со ѳти пуля вичмис. — Тѳдтѳм морт пуджис веськыд соссѳ. — Қийѳ ѳтиыс оз прамѳя уджав. Акбаркѳд ми тасьян неылын ѳкмыс во чѳж граница видзим. ѳні со стѳрѳжала тані, а понйѳй меным отсасьясь пыдди.

Недыр мысти ме тѳді нин, мый стѳрѳж Никодим Петрович чужлѳма мясян неылын, Қотлас карын. Ми кыкнанным лоим радѳс, мый вичысьтѳг аддзысим Қавказ му вылын.

— Тѳ ѳд меным пѳшти земляк, — радліс Никодим Петрович, — ѳти Эжва юысь васѳ юльвлім. Арнас ме гортлань кѳся веськѳдчыны. Аддза татысь пограничникъяссѳ да, съѳлѳмѳй дась потны. Да и чужан муѳй пыр ёнджыка ас дорас кыскѳ. И мамѳ гажтѳмчѳ, виччысьѳ гортѳ.

Мѳд рытнас ме бара аддзи Никодим Петровичѳс да сылысь Акбар понсѳ. ѳтиыс пукаліс кѳрт дзиръя дорын, а понйыс куйліс аслас чомйын да видзѳдіс быд морт бѳрся, коді пырис либѳ петіс будка пыр.

— А... Земляк? Қутшѳма шойччысьѳ, пуксы, ошйысь.

— Луныс да войыс кольѳ. Тані сѳтшѳм лѳсьыд, сынѳднас лолавны он пѳт.

Пинжак зептысь перйи кампет, рази корсѳ да мыччи понлы, но сійѳ сѳмын мурѳстіс, эз и видзѳдлы кампет вылад.

— Йѳз кыиысь сійѳ немтор оз босьт. Менсьым сѳмын кывзысьѳ. Кольѳм во ар, кор граница торкысьяс ранитісны менѳ да Акбарѳс, менѳ нуисны госпитальѳ, а сійѳ коли заставаѳ. Быдса вежон абу сѳйлѳма и юлѳма. Омлялѳ пѳ, менѳ корѳ ас дінас, некодѳс матѳ оз сибѳд. Заставаса начальник ачыс воліс мела машинаѳн.

— Тѳлка пон, сідзкѳ, — шуышти ме.

— Ещѳ кутшѳм тѳлка. Қор локті ме аслам нѳль кока друг дорѳ, уськѳдчис, пуктіс водз лапаяссѳ морѳс вылѳ да мѳдіс нювны княсѳс, чужѳм бѳкѳс. Менам муртса синвайи эз пет. Ачыс омѳльтчѳма, ранитчѳм бѳр кок пѳвсѳ бинтуйтѳмаѳсь. Ёна и тшыгъялѳма. Аддзылін кѳ, кыдзи сійѳ тайѳ луннас сѳйис.

— Гортад кутан мунны, да жаль лѳѳ Акбартѳ кольны.

— А ме, земляк, сійѳс съѳрысь босьта. Қыдзи нѳ ми ѳта-мѳдтѳг кутам овны. Қымын во ѳтлаын служитім, суткыясѳн вѳлім нарядын,

кымалім и медбөрҗя сунисөдз котасьлім. Кымын диверсантос отсаліс кутны, унаысь мездыліс менө, кор пикө волі. Ме Акбарос погранични-көн лыддя. Миян эм гижтөм закон: пограничникьяс некор оз вунөдны ёртьяссө, другьяссө.

Акбар өдйө петіс аслас местаысь, сувтөдіс пельяссө, восьса дзирья-яд уйкнитіс ывлаө. А недыр мысти пондіс исавны санаторийө воысь выль шойччысьөс.

— Быдөнөс прөверяйтө. Но и пон...

— Кор муна гортө, егерө пыра уджавны. Акбаркөд вөр-ва кутам видзны браконьярьясысь. Тайө өд зэв колана удж. Пыр лоам отлаы-нөсь. Кор төдмалі, мый понйөй оз нин вермы водзө нуөдны асьыс сьө-кыд служба, да и ачым инвалидөн лои, гижи рапорт да кори Акбарос лэдзны мекөд. Аттьө, эз откажитны. Тадзи ми ськөд өти луно петім отставкаө да воим татчө.

Эг и казавлы, кызди воис узян кад. Ме прөщайтчи Никодим Пет-ровичкөд, копыртлі юрөс смел да төлка Акбарлы и мөдөдчи аслам ком-натаө.

— Бура узьны, земляк, — өвтыштис кинас стөрөж.

— И тэныд сідз.

— Миян Акбаркөд служба. Узьны войнас оз позь.

Рытыс пуксис лөнь да шоныд. Войлөн пемыд шебрасыс вочасөн вевтнис гөралысь мыгөрсө, дзебис пуяс да кустьяс.

Никодим Петрович да Акбар кытшовтісны санаторийлысь стрөй-баяссө, сэсся локтісны проходнөй будка дорө да пуксисны шойччыны. Татшөм войнад уна пөлөс думьяс волөны юрад. Никодимлы выльысь дум вылас усьлі кольөм вося октябрь 28 лун, кор найө тревога серти вой шөрнас кыпөдчисны казармаысь да уськөдчисны корсьны да кут-ны советскөй граница торкысьясөс. Сьөкыд вөлі тайө войыс. Бвлаын сап пемыд, зэрө. Сверхсрочник старшина Никодим Туров, сьлөн вер-нөй овчаркаыс, ефрейтор Силин, рядөвөй Костин торйөдчисны ёртьяс-сьыс да мөдісны кыпөдчыны гөра вылө. Акбар восьлаліс надзөникөн, тшөкыда кывзысис, исаліс вазьөм мусө.

Пограничникьяслөн кык отделение муніс насянь неылын. Эз сёр-нитны, восьлалісны кыз позьө шы ни төв.

Никодим Туровлөн группаыс югдігас нин казаяліс граница торкысь-ясөс. Найө вөліны кунмөн. Казаялісны пограничникьясөс и кортөм гөсть-яс. Найө өдйө саймовтчисны гырысь изьяс сайө да пыр жө восьтісны би.

Лыйсьөм шыө уськөдчисны и мукөд пограничникьяс. Туров груп-палы отсөг вылө воисны налөн ёртьясыс. Граница торкысьясөс заводі-тісны кытшавны.

— Сетчөй! Пышйыны тіянлы некытчө! Ті кытшынось! — горөдіс Никодим Туров да кыссьыштис водзлань. Акбар понйыс вот-вот усь-көдчас меддорса из сайө саймовтчөм морт дорө, коді лыйліс погра-ничникьяс кузя медся тшөкыда.

Никодим эз на удит чукөстны понсө, кызди Акбар пелька чеччыш-тіс из вомөн да личкис дзебсьөм мортөс. Сійө здукас кыліс лыйөм шы.

Пон мисътома горөдiс, мөдiс туплясьны му вылын. Старшина Никодим Туров эз и казаяв, кызди лой төдтөм морт дорын, нетшыштiс сы кийсь автоматсө, асьсө шыбитiс из вомөн муö. Сэк костi пограничникъяс, изъяс сайö дзебсясигтыр, матыстчисны граница торкысьяслань.

Никодим уськөдчис аслас нель кока друг дорö. Акбарлы пуля веськалөма шуйга бөр кокас, сэтысь шорөн визувтiс вир. Көсийс көртавны ранасө, но буретш сэки көнкө матын кылис лыйөм шы. Никодимлысь кисö кодкө быттö дзижалiс доналөм көртөн.

Граница торкысьясөс куимнансö босьтiсны ловйөн. Старшина Туровлы да Акбар понлы сетiсны первой отсөг, бинтуйтiсны ранаяссö. Ефрейтор Силин рация пыр юөртiс заставаö лөөмтор йылысь, корис ытыны вертолёт, медым нуны ранитчөм старшинаөс да Акбарөс.

Тайö лунсянныс коли нин вель уна кад, а Никодим Петровичлөн нинөм на абу пыркалөма юр вемсьяс. И вунö өмөй татшөмторйыд?

Өнi со Никодим оз нин служит граница вылын, но асьсө пыр на лыддö пограничникөн. А Акбар понйыслысь думъяссö ми огö төдöй. Төдса отитор, мый сийö важ моз радейтö асьыс көзяинсö, кодкөд эз өти узытөм вой коллявлы граница вылын.

## ПОСЁЛОКА НЫВКА

Посёлок весьтын, көнi олö Полина, эм нейджыд куръя. Сийö абу ыджыд, а чериа. Куръя берегас сулалö мастерскöй. Төвнас сэнi катерьяс дзоньталöны.

Чери кыйны радейтысьяс тшөкыда волювлöны татчö. Торъя уна йöзс позьö аддзывны шойччан лунъясö. Буръясөн да пыридзьясөн лунтырнад кымын розь вöчасны йиас, думнаныс пыр корсьöны, кытысь позьö кыйны унджык кельчиясöс, ёкышъясöс, йөршъясöс.

Чери кыйны локтöны карса войтыр и матiгөгöрса посёлокъясын слысьяс. Татысь позьö аддзыны олöма мужичöйясöс, зонъясöс и велөдчысьясöс. Öткымынъяс йи сувтөм бöрын уна во нин кыйсьöны танi, төдсаöсь öта-мөдныскөд.

Вөскресеннөö да каникулъяс дырйи тайö гөгрөс куръя вывсьяс, кодi йитчөма Сьöрт полуй юкөд, тшөкыда позьö вөлi аддзывны ар дас кыка ичөтик тушаа нывкаөс.

Чери кыйысьяс пнысь кодкө аддзас джуджыд кыр йывсянъ лэччысь нывкаөс да ставлы кывмөн горөдас:

— Поля локтö! Эн шогсьбй: чериыд кутас шедны. Кор сийö танi, ме некор гортö черитөг ог бергөдчы.

Полина матыстчö и матыстчö куръя дорö. Дженыдык пальтоа, шалкаа, кокас колоша съөд гынкөм. Öти кияс кутö портфель, мөдас — кушшөмкө тубрас.

— Талуң тай дыр узыөмыд, нывка,— шыасис кодкө сы дорö.

— Эг эськө узь да, урокъясөс велөді. Да и өні водзсө нинөмла локны: чериыд рытъявылыс бурджыка босьтө.

— Оз шед да, ме вөлі косья гортө нин довгыны. Сідзкө, рытөдзыс ковмас на кольчывны,— збыль вылө вочавидзис мөд чери кыйысь.

Нывка оз тэрмась кыйсьыны пуксьыны, матыстчылас быд кыйсьысь дорө, видзөдлас, кодлы уна-ө чериыс шедөма. И сөмын сы бөрын мунас аслас местаө, көні пырджык пукавлө.

Дэбгө оз көть? — юалис сійө гөрдөдөм чужөма олөма мортлысь.

— Эн нин юась. Квайт час асывсянь кык кельчи шеді да чунь кузя йөрш,— норасис мужичөй.

— Шедны на кутас. Эн шогсьы,— такөдіс шогө усьөм мортөс нывка, а ачыс бара нин восьлаліс мукөд кыйсьысьяслаңь.

Сувтіс өти лунка дорө, көні пукаліс томиник зон, видзөдліс вугыр шайт вылас и дивитана шуис:

— Но и пробка көрталөмыд, чериыс сійөс вөрзбөдныс оз вермы. Колө ичөт пробка пуктыны да вугыр шайт помад кивок лөсьөдны. И эн вуграв кыйсигад, а тшөкыдджыка вөрөд шатинтө.

— Кытысь тэ усин татшөм велөдысьыс? — скөра вомаліс нывкаөс том зон.

— Ог велөд, а висьтала.

— Бабыдлы висьтав. Ачыд, төдөмысь, өти чери на аслад киөн эн кыйлы.

— Тэ, Петрован, прөста тадзи шуасян Полина вылас. Сійөс ме унаысь нин аддзылі татысь. Чериыд сылы, майбыр, шедө.— Сэсся шыасис нывка дінө:— Полинушка, ас местаад бара пуксян? Кокниа пасьтасьөмыд да эн көть кынмы.

— Ог кынмы, Семен дядь, ме сьөрысь целлофанөвөй палатка вөдита. Пыран сы пытшкө да керкаын кодь шоньд.

— Кор изөймита, шонтысьны, сідзкө, вола,— гөлчитіс том зон.

— Он төр, өтнам вылө сійөс лөсьөдөма,— вочавидзис Полина.

Семен дядь босьтіс бур да шыасис нывка дорө:

— Лок, петкөдлы, кытчөджык писькөдны розьсө.

Полинаөн индөм местаө чери кыйысь лэчыд бурнас өти здукөн и вөчис йи вылө кык неыджыд розь, отсаліс нывкалы зэвтны палаткасө, мыччис неыджыд пес чурка.

— Тайө тэныд улөс пыдди. Но, бура кыйсьыны, Полинушка.

— Аттьө, Семен дядь. И тэныд мед уна чери шедас.

— Сөстөм сынөднас позяс пөттөдз лолавны и то бур. Черитө кыйны сюсьлун колө.

Мыччысис шонді. Йи вылын куйлысь южмөм лымйыс лои мичаджык. Полина пукаліс палатка пытшкын да синъясө эз вештыв ичөтик гөрд пробкаяс вылысь. Вель тшөкыда черияслы лэдзіс лункаас курччалөм нянь, дугдывтөг ворсөдчыс вугыр шайтнас. Шеді медводдза кельчи, сэсся мөд, коймөд. Вель ыджыд ляпаөс лэптис.

Недыр кежлө черияс дугдывлісны сөйны, сэсся мыйкө дыра мысти кодкө бара мөдіс вөрөдны пробкасө. Полина төдө, кор позьө лэптыны: эз этшаысь нин кыйсьывлы.

Час кык мысти, кор шондї бөр дзевсис кымөръяс сайё, Полина палатка дорё матыстчис том зон Петя. Видзёдліс йи вылын чеччалысь черияс вылө да ачыс эз төдлы, кызни горөдіс:

— Ертъяс! Волөй, видзөдлөй, мый тані вөчсьё. Гашкө, комын чери чин лэптөма.

Чери кыйысьяс пиысь унаөн чукөртчисны шуда кыйсьысь дорё.

— Но и но... Еретнича кө тэ, ныланөй-а. Миянлы тай нө нинөм оз шед,— дивуйтчисны өткымынъяс.

— Төдөмысь, сійө молитва лыддьё чериясыслы. Вот и радейтны сійөс,— шуасисны мөдъяс.

А Полина төдө асьыс удж: тэрыба вежлалө вугыръясысь самсө, дугдывтөг вөрөдө вугыр шайтсө.

— Ме быдса час нин шатинөс васьыс эг лэптыв. Муна да видла, колөкө, ёді кутчысис,— шуыштис том зон да котөртис аслас местаө.

— Меным ок ыджыд и чери кутчысьліс, да мыні,— шуис кодкө.

— Мынөм чериыд пыр ыджыдөн кажитчө,— нюмьөвтис Полина да тэрыба лэптис вель мича кельчи.

Пемдандорыс нин чери кыйысьяс өти бөрся мөд мөдісны гортаныс. Разис асьыс палаткасө и посёлокса нывка.

— Жаритмөн кыйи. Талун кежлө тырмас сэсся,— шуыштис Полина, кор сы дорё бара чукөртчисны чери кыйысьяс морт дас.

— Да, ме дас воысь дырджык нин кыйся, но первойысь аддза, медым нывкалы меысь унджык кыйдөс шедис,— катлөдліс юрсө Семен дядь.— Молодеч, Полина.

Векныбыдик туйөд өти бөрся мөд осьлалісны чери кыйысьяс. На бөрвылын тэрмасьтөг кайис джуджыд кыр йылө и посёлокса нывка.

## ТАТШӨМ МИЯН ГРИША

Сиктсынь, көні оліс Гриша, вөрөдз абу и ылын. Вуджан совхозной муяс, пуяс пөвстө дзевсьөм сёньяс, и пыр жө паныдасяс мича паськыд яг, коді мир туйсынь абу ылын.

Яким дядь да сылөн Гриша пиыс талун тайё ягас асывсынь кытшла-лөны, корсялөны косьтан да солалан тшакъяс. Батыслөн вуж көрзинаыс да пестерыс регыд тырө. Позьё югыдөн на гортас бергөдчыны. Гриша здук кежлө матыстчылас батыс дорё, сэсся бара вошлө по-нөляс сайё.

Кор Яким воис эндөм видз вылө, мөдіс чуксавны писө:

— Гриша-а! Э-э-э... Ме тані, тані. Вошө трустыд да корсьны ковмас. Недыр мысти кыліс и пиыслөн гөлөсыс:

— Локта нин! Локта! Сулавлы!

Детина мыйыськө ёна повзьөма, чужөмыс весиг еждөдөма.

- Көні нө уялан? Гортө лэччыны кад.  
— Батьё, мый ме аддзылі? Повзьёмойла тшакёй весиг киссис.  
Батьыс гөгөрвотёма видзёдліс повзьём пиыс вылө.  
— Эз-ө нин ош коклябёрад тувчы?  
— Тэ кё аддзылін...  
— Мыйсяма дивёкод паныдасьлін?  
Гриша разявліс дөрөм кизьяссө, соснас чышкаліс чужёмсыс  
ныылөмсө.  
— Кор ми янсалим тэкөд...  
— Ме тэн шулі эг: мися, эн торйөдчы? А ылалін кё? — ропкис  
батьыс.  
— Вот и эг ылав. Сэні сы мындөм гөрд гоб петёма! Посниось,  
мичайсь.  
— Мыйла эськө эн вот?  
Детина пуктіс көрзинасө муө, гөгөр гоннялыштис, быттё поліс  
кодыськө.  
— Вотлі да киссис, мися. Бёрсө чукөртны весиг эг лысьт. Буретш  
Варыш пос дорын.  
— Мый нин сэтшөмсө аддзылін, пиук? Төлкөн висьтав.  
— Вотча вөлі, а буретш сэк вөрсьыс петіс төдтөм морт.  
— Вотчысь, көнкө.  
Гриша весиг дөзмис батьыс вылө: мыйла сійө оз эскы сылы?  
— Абу вотчысь. Киас сылөн вөлі чемодан.  
— Но?!  
— Збыль, батьё. Дыр кыйкьяліс гөгөр, а сэссия пос улас пырис.  
Менө эз аддзыв. Кор сэтысь петіс бөр, чемоданыс эз нин вөв. Төдмавны  
эськө, мый дзедис!  
Батьыс өдйө чеччис пөрөм пу вылысь.  
— Ветлам либө. Варыш поскыд өд тані и эм.  
Регыд и воисны индөм местаө. Батьыс мыйлакө чөвтис пернапас,  
писө тшөктис кольччыны да кыйөдны, оз-ө кодкө кут талань локны.  
Ачыс өдйө воши пос улө. Гриша дзедисьёма пу сайө да шензьө: «Коді  
нө сэтчө чемодансө дзедис? Мортыс кё миян сиктысь вөлі, төді эськө».  
Батьыс вель дыр эз петкөдчы. Кыс и чужөмыс няйтөссьёма, киня-  
улас топөдёма неыджыд вушйөм чемодан.  
— Ме тай шуи, дзедис, мися, пос улас. Мый бара пытшкас?  
Яким дядь гырыся восьлалігыр муніс вель ылөдз. Сэссия лажынт-  
чис джуджыд вужля бокө да кутіс пуртөн восьтыны чемодан.  
— Час, видзөдлам. Колөкө, весьшөрө и вайим. Немтор кё колана-  
ыс сэні абу, бөр позяс нуны. Мый миянлы чемодан шойсьыд.— Гриша  
сюся да любөпырысь видзөдліс батьыс вылө. Кор чемодан воссис, му  
вылө киссис некымын пачка деньга.  
— Деньга! Та мындөм деньга!  
— Мый нө горзан вөр пасьталаыс? Мед кодкө кывлас да тшөтш  
локтас?  
— Деньгасө, батьё, сельсөветө лэччөдам. Да өд?

Батыс мыйлакө дыр чөв оліс, синъяснас котраліс деньга пачкаяс кузя. То кнас найөс босьтлас, то бөр пуктылас.

— Да, вөчин тэ меным, пиук, удж. Ог төд сөмын, бур али дур лоас. Кыськө быттө аддзылі нин ме тайө чемодансө. Абу кө сельпоса вусасьсы Анна Герасимовналөн.

— Висьталам, кызди аддзим деньгасө. Вот сөмын дзебысьсө эг вермөй төдмавны. Сійө абу миян сиктысь, батьө. Төдтөм кодкө.

— Көть мед коді. Миянлы кө эськө тайө ставыс,— радліс олөма морт.

— Мый тэ, батьө? Позьө өмөй соссьыны?

— Мыйла соссьыны? Колөкө, некод оз и корсь. Эг тай ми гусялөй. Сюри!

Көть Гриша эз на төд, кытчө синө батыс, но чөв овны эз вермы.

— Лэччөдам сельсөветө да сэні висьталасны, мый вөчны. Гашкө, премия на сетасны. Сэки тэ меным велосипедтө ньобан?

— Видзөдтө, кутшөм бур вотөс миянлы сюри. Тэныд ог велосипед, а мотороллер, көсьян кө, ньоба. Көсьян?

— Кытысь тэныд сы мында деньгаыс?

— Пуясыс өд оз удтыны, йөй! Оз өмөй ков мотороллерыд?

— Колө эськө да.

Батыс чуньяснас сыналыштис пиыслысь дзугсьөм да вазьөм юрсисө.

— Но вот... Тайө шуд уси миянлы. А шудтө кисьыд некод оз ков лэдзны. Гөгөрвоин?

— Да-а, гашкө, кодкө гусяліс да дзебис-а...

— Миянлы кутшөм мог?!

— Сідзкө, некытчө огө и юөртөй?

— Виччыслам, деньгаыд, пиук, оз бөрд. Аслыным, гашкө, кольө.

— Кыдзкө абу лөсьыд.

— Батьыдлысь кывзысь да чөв ов. Верман чөв овны?

Детина муртса кывмөн вочавидзис:

— Верма эськө да...

— Вот и бур. Мотороллерөн кутан сэсся журъявны.

— Ме ог төд.

— Ог на өтдорт ассьым өтка пиөс. Но, мөдөдчам, бласлө кристос, Пашө Якө сісь тош. — Яким пестерсьыс тэчис пиыслы тшаксө, сэтчө пунктис сюрөм деньгасө, вевттис пинжакнас, сэсся пуясыслы чөвтис пернапас. — Ставыс мед бұра помасяс.

Гортас воисны югыдөн на. Яким пестерсьыс перъяліс деньга пачкаяс да гартыштис важ пызан дөра пытшкө. Сэсся петкөдіс сараяс. Тшаксө пыртис гөбөчас, медым асывнас ломтыны пач да косьтыны. Сөйыштөм бөрын Гриша водіс крөвать вылас. Көть лунтырөн өна мудзис, синъясыс некыдз эз куньсыны. Пыр думайтис сюрөмтор йывсьыс, сьөлмөсө кырлісны батыслөн кывъясыс: «Батьыдлысь кывзысь да чөв ов».

— Мый нө он узь? Эн өмөй мудз? Ме, час, лэччыла ва дорө да пыжөс вылөджык лэпта, а то ваыс зэв өна туө, кылөдны вермас.. Узь, мися.

— Оз узьсы да. Пыр на думайта, кодї деньгасö Варыш пос улас дзебис.

— Вунöд сы йылысь. Öнi мян нин ставыс.

— Батьö, вот тэ менö велöдан, медым ме лои бур мортöн.

— Лёк вылö ог велöд.

— И школаын тшöкыда висьталöны, медым ставным вöлим честнöй йöзöн.

Яким пуксис пи крöвать дорас.

— Бур пийö, ме öд тэ вöсна жö тöждыся. Батьыс со пöрысьмыны кути. А тэнад олöмьд водзын на... Ме бöра-водза и лэччыла ю дорас.

Мыйöн дугдiс кывны батьыслөн кок шыыс, Гриша öдйö чеччис, заводитiс пасьтасыны.

«Сергей ордö, гашкö, ветлыны? Лунтыр эгö аддзысьлöй. Сылы кö юртны сюрöмтор йывсьыс?»

Другыс быттö кылöма Гришалысь думъяссö: шутөвтiс гоз-мöдысь, сөсса матыстчис на керкалань. Гриша öдйö восьтiс öшиньсö.

— Гриша, он öмöй петав гуляйтныд?

— Сёр нин, да и батьö некытчö эз тшöкты мунны. Пырав, ме öтнам.

— Эн тай ветлы мянкöд вотчынытö.

— Батьö эз лэдз: дурны пö сöмын челядь чукөр кутанныд. Аскöдыс нуöдiс.

Керкаö пырöмөн тшöтш Сергей юөртiс:

— Кывлiн выльторсö?

— Мый?

— Став сиктыс тöдö. Сельпоысь, Анна Герасимовналысь, куим тысяча шайт гусялöмаöсь. Ешö вина некымын доз. Трубасö кодкö косялöма да сэтi пыравлöма. Важ чемоданын сдайттöм деньгаыс вöлöма, да ставнас нуöмаöсь.

— Код вылö шуöны?

— Тöдан öмöй? Но, дерт, эз сиктса йöз пыравны. Милицияысь нин воöмаöсь, корсьöны. Вот тшöтш кö корсьны, Гриша. Газетö эськö гижасны, пионеръяс пö отсалiсны кутны вөрöс.

— Кутшöм пионеръяс?

— Тэ да ме. А мый, чайтан, ог вермöй?

— Виччысьö сийö мяннös, гусялысьыс.

— Друг да аддзам. Ме батьöлысь вөралан пуртсö босьта. Вот эськö пишаль кö кодлыськö корлыны.

Гриша вешйö бокöджык, видзöдö восьса öшинь пыр рöмыд ывлаö.

— Ме ог мун-а.

— Повзин?

— Эг эськö да.

— Эн тай! Ме Васькаöс нуöда. Но, ме мунi.

— Сулавлы, Сергей. Öтитор юала.

— Мый?

— Шуам, мунан тэ вөрö батьыдкöд.

— Мыйла бытьöкöд? Ме Васькакöд.

— Ме өд сідз. Но вот, мунаньд вөрө, и тэньд сюрө кутшөмкө пос улысь чемодан, а сэні тырыс деньга...

— Ме эськө дзик пыр вайи да сеті Анна Герасимовналы. Весиг өти шайт аслым эг босьт.

Гриша видзөдліс другыслы веськыда синъясас. Эз аддзы кывъяс-сө, кызди висьтавыны водзө.

— А бытыд кө шуас, некод пө эз аддзав, став деньгасө позьө аслыным кольөдны? Нөйтны кө кутас?

— Менам баты тадзи вөчас? Висьталін жө...

— Сюрөм деньга вылас мотороллер кө көсьыяс ньөбны?

— Оз мем ков сэтшөм мотороллерыд.

— Меным өд оз жө ков сэтшөмыд. Ме сөмын сідз юалі.

— Эн и юась. Сідзкө, он ветлы мянкөд шышсө кутны?

— Ог на төд. Батыөлысь юала да. Со локтө нин. Мед тэно оз аддзав, өшинь пырыс пет.

Сергей кань моз надзөникөн муніс керка стен пөлөн да петіс туй вылө. Гриша көсьис пөрччысьны, но эз удит, пырис батыс:

— Он-ө нин гуляйтны көсьы мунны? Оні жө вод!

— Эн горзы. Вода.

— Аски водз чуксала. Чери кыйны ветлам.

— Некытчө ме ог мун.

— Сідзкө, пызан сайө эн пуксьы.

— Нуан кө деньгасө Анна Герасимовналы, сэки муна.

— Сельпоө? Ме сэтысь эг босьтлы.

— А деньгаыс сельпоысь. Войнас сэтчө вөръяс пыралөмаөсь.

— Кытысь кывлін? — скөра юаліс батыс.

— Сергей тай шуө.

— Тэ, көнкө, висьталін другыдлы, мый мянлы сюри.

— Эг на.

— Ылөдлан кө! Кучиктө шонта.

— Эг, мися.

— Вот и бур. Да тэ эн жугөдчы. Некод оз төдлы.

— Тадзитө ми тшөтш гусясьысьяс!

Батыс пөрччис сапөг пөвсө да шыбитіс джодж шөрас.

— Ми али мый сельпоас пыралім?

— Көть и эгө ми. Ог кө висьталөй, гусясьысьясөн лоам. А ме ог көсьы! Ме өд пионер!

— Тэ, пернатөм морөс! Висьталан кө кодлыкө, ки и кок чегъяла.

— Он на лысьт! Асьтө өд судитасны!

— Мед сэсья судитөны. Менам овсьөма нин. О господьө, быттьө ме ог тэ вөсна төждысь. Но вод, вод, дона пи.

— Ог, батыө. Бурджык лоө, нуам кө деньгасө да висьталам, кызди да кытысь сюри. И отсалам милициялы шышсө кутны. Қолөкө, талун войнас сійө локтас деньгаысла.

Яким зымнитіс пөрччытөм сапөг пөвнас джоджө, синъясас скөр-лун югнитіс.

— Ланьт, мися! Қымынысь колө өтиторсө висьтавыны.

— Он кө ну, ме муна да висьтала.

— Сөмын вөрззы.

— Висьтала.

Батьыс лэптис кулаксө, эрыштчис пи вылас, но Гриша эз дрөгнит.

— Этійөс эн аддзыв, кулаксө менсьым?

— Ог пов. Ог-ог-ог!

— Ланьт! Йөзыс кыласны!

— Мед кыласны.

Гриша крута бергөдчис, уськөдчис ывлаө. Батьыс вөтчис пиыс бөрся кильчө помөдзыс.

— Сулав! Сулав, мися! Гортысь вөтла. Муніс, муніс вөд..

Яким сьөкыда пуксис кильчө пос вылас да кутчысис важөн нин сынавлытөм юрас.

— Вузалас батьсө кычипиыд. И мыйла өтнам эг аддзы деньгасө? Қовмас, тыдалө став деньгасө нуны да сетны бөр. Шудыд кнын вөлі да чуньяс костөд визувтис. Ок-ок-ок..

## УНДЖЫК ВӨРАН — ДЫРДЖЫК ОЛАН

Теплоход шуньгис ва нылыд пыр водзө и водзө. Тшөкыда сувт-  
львліс сиктъясө, лесопунктъясө, кодъяс сулалісны Эжва ю дорын.

Рытъявылыс нин Юра воис сиктө, көні олісны сылөн дедыс да ба-  
быс. Пельпом вылас өшөдіс ичөтик рюкзак, гөстинеч тыраөс, сэсся йөз  
бөрсяыс петіс пристаньө. Сійө жө здукас кодкө шамыртис сійөс. Видзөд-  
ліс кузь тошка пөль вылө да долыда горөдіс:

— Дедук!

— О, карса гөсть! Важөн виччысям. Бабыд быд лун пристаньө лэч-  
чылө, эн-ө тэ во. Но да гортын та йылысь төлкуйтам. Ок, бабыд кутшөм  
рад лоө.

Джуджыд кыр кайөм бөрып, кор тыдовтчисны нин керкаяс, Юра  
висьталіс:

— Мамө меным кызь лун тшөктис овны тіянын. Эк и узышта да  
гожъялышта. Чери кыйны позяс ветлыны и. Да өд?

— Гажтөм лоө, өти узьөм да гожъялөм кө дум вылад. Қовмас и  
дедыдлы отсасыштны.

Қор тыдовтчис лунө бана важинник керка, Юриклы паныд уськөдчис  
бабыс. Но и кутліс да окаліс сійө ассьыс внуксө.

— Сөшайтөй, оз тусьөй! Дедтө да бабтө абу вунөдөмыд. Мыйкө  
нин виччысим, синъяс доймытөдз вөлі видзөда өшиньөд. Мамсяньыд  
письмө воис, волыны пө окотитчан миянөс видлыны, да места вылө эг  
кут инасьны. Ен ськөд, со кутшөм ыджда быдмөмыд!

Бабыс пызан вылө заводитис нин лөсьөдны ужын. Вайис черинянь,  
пөжөм йөв, чөскыд шаньга.

Деды посводзысь пыртіс тыртѳм ведра, пуктіс сійѳс Юра дінѳ.

— Тасянь вит керка сайын эм шор, ключ ва сэтъсь петѳ. Босът ведрасѳ да котѳртлы сэтчѳ ваысла. Гѳсть воис да, чайсѳ огѳ жѳ кутѳ юны юкмѳс ваѳн.

Юралы кѳтъ эз вѳв окота ветлыны вала, но ковмис кывзысьны. Муртса удитіс вайны васѳ, дедыс бара нин:

— Юрка, том морт, петав ѳшинъ улѳ пес пырт. Бабыд аски тэныд блин кѳсйѳ пѳжавны.

Карса детинка эз мѳд пыксыны, пыртіс кык моздор кос пес.

— Ме тэныд узян места нин сарайѳ лѳсьѳді. Кос турун вылын ку-тан мушвидзны. Гут ни ном сэні абу.

Ужнайтісны. Чай юисны ѳмидза варенньѳн. Татшѳм чѳскыдасѳ Юра важѳн нин эз сѳйлы-юлы.

Водѳм водзвылас дедыс тапнитіс косіник кинас Юралы пельпомас да шуис:

— Ме аски совхозлы потшсыны кѳсйи ветлыны. Абу кѳ дыш, тшѳтш отсасыны ветлан.

— Позьѳ, — дыша вочавидзис внукус. Ачыс мѳвпыштіс: кесйѳдлыны менѳ. Шойччыны локті, а сійѳ то ѳтитор тшѳктѳ вѳчны, то мѳдтор».

— Вот и бур.

— Кытчѳкѳ быд лун тапиктан. Али тшыг? Майбыр, быдтор эм, пензия сетѳны. Сизимдас арѳс тыртан, а умыв эн на пуксьыв, — во-маліс старикѳс гѳтырѳс.

— Тэ, Васильевна, чѳв ов. Уджыд морттѳ некѳр на эз тшыкѳдлы. Тшемела песысьястѳ некѳн оз радейтны, морттуйѳ оз лыддыны. Да и унджык вѳран — дырджык олан.

Мѳд луннас деда-внука лунтыр совхозлы потшсисны. Юра ваяліс дедыслы потшъяс, майѳгъяс, кодъясѳс вѳлі тэчѳма ѳти чукѳрѳ.

Воисны гортас да, бабыс вомаліс дедсѳ:

— Ачыд ййталан да и детинасѳ тшѳтш мудзтан. Паньсѳ кутны сѳшайтыд оз вермы.

— Уджыд медся бур лекарство. Узяс да важсьыс ѳн чеччас.

Нѳльѳд луннас дедыс бара шыасис Юра дѳрѳ:

— Бригадир ме ордѳ пыраліс, пастукус налѳн висьмѳма, тшѳктѳ лун куим вежлыны сійѳс. Кокѳй вѳдитѳ на да, эг ѳткажит. Тэ, гашкѳ, тшѳтш мекѳд ветлан? Кокъясыд тэнад тэрыбѳсь, синъясыд сюсьѳсь.

Юра та вылѳ немтор эз вочавидз, но ас кежас мѳвпаліс: «Мый-сяма тані олѳм, пыр мыйкѳ тшѳктѳны вѳчны. Тѳді кѳ татшѳмторсѳ, эг эськѳ и лок. Карын менам другъяс, кѳнкѳ, быд лун купайтчѳны, чери кыйѳны, мороженѳй сѳйѳны да гуляйтѳны, а ме...»

Куим лун чѳж, водз асывсянь сѳр рытѳдз, Юра да дедыс видзисны лудъяс вылын совхознѳй мѳсъясѳс. ѳти здук кежлѳ он удит пуксьывны, лоѳ вѳтлысьны кывзысьтѳм мѳсъяс бѳрся.

— Гожъявны вѳлі кѳсъян, а дѳрѳмтѳ эн на убѳлит пѳрчывны, — шуис дедыс.

— Лѳдзьяс курччасѳны.

— Э-э-э... Лѳдзьясъсь да номъясъсь кѳ повны, не и овны.

Кор бурдіс пастук, Юра мөдіс радлыны: «Өні ээсса и шойчыштны позьё».

Дум вылас усьлі мамыс, ичөтджык чойыс. Окота өдйөджык ад-дзысьны накөд. Но сиктын вөлі уна сэтшөм серпас, кодъясөс карысь он аддзыв. Видз вылын быдмисны быд сикас дзоридзьяс, сынөдыс карын серти тани сөстөм. Быд асыв Юраөс садьмөдліс зарни паськөма Петро-ван. Уна пөлөс чөскыд вөлөгаөн гөститөдіс бабыс радейтана внуксө. Рытьяснас баян ворсөм шы улын том йөз сьылөны да йөктөны, водныд абу окота.

Некымын лун мысти дедыс бара шыасис внукуыс дорө:

— Юрка, Пекла тьөт талун воліс. Верөсыскөд ми өтлаын фашисть-ясөс нөйтлім. Война помасьөм бөрын ме со вои гортө, а сійө юрсө пук-тіс. Корө отсавны Пеклаыс, пач тэчны. Гашкө, и тэ меным отсыштан? Ме кута пачсө тэчны, а тэ кирпич мыччалан.

Пач тэчөмөн эз на помасьны Юралөн уджъясыс. То сельпоө ыты-лас дедыс няньла либө сакарла, то колө ветлыны ключө вала, пыртны пес, то колө ыжъяслы вундыны да вайны веж турун, то чышкыны джодж, петкөдны нйит ва. Дедыс велөдіс сійөс пилитчыны, поткөдчы-ны, пес тэчны.

Кор Юра норасьліс мудзөм вылө, дедыс сөмын нюмъөвтліс да шуліс:

— Унджык вөран — дырджык олан. Уджавтөг овны гажтөм. Сы вылө и сетөма мортыдлы вын, вежөр да ён кияс.

Кызь луныд өдйө и коли. Кор дедыс колльөдіс Юраөс пристаньөдз, бара на висьталіс колана кывъяссө:

— Лишнөйджык кө кесйөдлі, эн лөгась. Ме өд тэ вөсна төждыся: мед лоан уджач мортөн.

— Дедушка, ме мөд во гожөм бара на тиянө вола. Но?

— Милости просим,— рочалыштіс дедыс да топыда кутыштліс внукусө.

## АБУ МОЙД, А ЗБЫЛЬ

Кор поезд воис Эжваө, Иван Власович босьтіс кияс чемодан да тэрмасьөмөн петіс асфальтөн вевттьөм туй вылө. Медводз син улас сылы уси гырысь заводскөй корпусьяс, мичаысь-мича джуджыд керкаяс, өтарө-мөдарө дзижъялысь уна пөлөс машинаяс. Джуджыд трубаясысь пуркйис-кайис кизьбриник тшын.

Уличаяс вылын тырыс йөз, быдөн тэрмасьөны удж вылө. Чукөръясөн и өткөн-өткөн челядь восьлалөны школаө. Посныдик быдтасъясөс мам-батыс нубны сад-яслиясө.

Коркө тани, өнія лесопромышленнөй комплекс местаын, сулаліс Слөбөда сикт. Тани, квайтымын во сайын, чужис да быдмис Иван.

Уна пѳлѳс казѳтылѳмѳяс ѳнѳдз колины юрас вѳвлѳм сержант, Ленинградса заводсы мастер Иван Власовичлѳн тайѳ муса да ыджыд сикт йывсысь, сѳтѳн олысьяс йылысь. ѳні бара сійѳ рѳднѳй местаын, лолалѳ сійѳ сынѳднас, кодѳн лолавліс уна во сайын. Кѳтъ сиктын сулавлысь керкаяс важѳн абуѳсь, на местаѳ кыптѳмаѳсь гырысь короминаяс, но Иван Власовичлы тани быд пельѳс муса.

Бѳрѳя дас восѳ сійѳ эз нин волы чужан сиктас. ѳні сылы тани ставыс кажитчѳ мѳд пѳлѳсѳн. Да и посѳлокыс уна пѳв мичаджык вѳвлѳм Слѳбѳда сиктысь.

Иван Власович ѳдйѳ и аддзис другыслысь керкасѳ. Кайис мѳд судтаас, таркнитіс индѳм ѳдзѳсѳ.

Паныд петіс сійѳ, кодкѳд сѳкыд война воясѳ воюйтіс вѳрѳглы паныд ѳти орудийнѳй расчѳтын, ѳти пѳртйысь сѳйлісны салдатскѳй шыд да рок, восѳлалісны Прибалтикаѳдз войналысь сѳкыд туйсѳ.

— Иван! Муса друг!

— Коля!..

Кутчысьлісны дыр. Кыкнанныслѳн доршасис синваыс. Гурйыв ѳдзѳсѳ восьтіс Николайлѳн гѳтырыс.

— Видза олан, Иван Власович.

— Чолѳм, дона кѳзѳяйка Полина Модестовна.

Пырисны комнатаѳ. Вѳвлѳм фронтовикѳяс бара дыр кутчысьлісны. Полина Модестовна холодильникысь перѳяліс нин сѳян-юан, пызан вылѳ сувтѳдіс коньяк бутылка, румкаяс.

— Кѳзѳян, гѳстѳтѳ вердав-юктав, а меным пѳра удж вылѳ. Эн гажтѳмчѳй, Иван Власович.

Николай дыр видзѳдіс другыс вылѳ.

— Да, пѳрысьмыны кутім, Иван. Ок, кутшѳм ѳдйѳ мунѳ кадыс.

— Кадыд котѳртѳ аслас туй кузя, миянлысь оз юась. Меным вот квайтѳмын нин тыри. Пенсия вылѳ позѳѳ петны, но ог на кѳсйы.

Дыр кыссисны сѳрнияс. Другѳяс казѳтылісны фронтѳвѳй ѳртѳяссѳ, гаралісны асланыс удж йылысь.

— Зѳв бур, мый воин, Иван. Аслад синѳясѳн видзѳдлан, мый ми вѳчим да вѳчам на регыдѳя кадѳ тѳнад вѳвлѳм сиктын.

— Пасибѳ таысь рабочѳй класслы. Вермис ѳмѳй вѳйдѳр слѳбѳдаса крестьянин думыштлыны, мый найѳ сикт местаын кыптас выль кар. И тѳныд атѳѳ таысь, друганѳй.

Ыджыд шыѳн воссис ѳдзѳс. Комнатаѳ пырис ар дас куима гѳгрѳс чужѳма детинка. Пырѳмѳн тшѳтш шыбитіс портфельсѳ диван вылѳ, картузсѳ качѳдліс вывлань. Аддзис бокѳвѳй мортѳс да чуймис.

— Тайѳ тѳ э м Иван Власовичыс? Збыль?

— Тайѳ ме и э м Власовичыс. Со локті видлыны, кызди ті оланнды-выланнды. Но, чолѳм, пионер. Кызди тѳнѳ шуѳны?

— Алексейѳн.

— Алеша, сідзкѳ. Зѳв мича ним.

Алексей пѳрччис галстуксѳ, пунктіс картуз пытшкас да йѳткыштіс гардероб вылас.

— Дядя Ваня... Иван Власович, а ті збыль война дырйиыд дядя Колякōд өти лунō куим немецкōй танк жугōдінныд?

— Вōлі сэтшōмторйыс. Сыыс миянлы мōд луннас орденыс сетісны.

— Та бōрын фашистыяслысь уна пушка да блиндаж на жугōдід?

— И тайō збыль.

— Ольōксей, эн дōзмōд мортсō.

— Ме эськō петкōдлі жō врагьясыдлы пуж.

Иван Власович да Николай нюмъөвтисны, а Алексей дōзмōм пырысь вочавидзис:

— Чайтад, повзи? Эг бара...

Письмōясын Николай другыслы гижліс, мый кольōм во кувсис сылōн чойыс, и Алексей писō босьтис ас ордас быдтыны да видзны. Век жō Иван гусьōникōн юалис Николайлысь:

— Оз дōзмōд тiанōс?

— Быдторйыс овлō.

Кор Николай мунис удж вылō рытъя сменаō, Ленинградса гōсть да Алексей петісны гуляйтны. Иван Власовичлы окота вōлі бурджыка видзōдлыны өдйō быдмысь выль кар вылō.

Дыр ветлōдлісны. Алексей петкōдліс ассыс ыджыд да югыд школасō, культура да пионерьяслысь дворецьяс. Тані унатор удитōмаōсь стрōитны.

— Кутшōма сэссия велōдчан, Алексей?

Детинка недыр кежлō тшōкмунлі, но век жō вочавидзис:

— Ог кōсйы тані велōдчыны. Вот лētчикō кō... Да өд оз босьтны, ичōт на пō.

— Да, оз босьтны. Лētчикьясō велōдōны дас класс помалōм бōрын, и сōмын найōс, кодьяс бура велōдчисны да здоровōсь.

— Здоровье вылад ог норась. Қлассын став детинкаяссō верма.

— Тэ шуин, он пō кōсйы велōдчыны. А тōдан-ō, кутшōм сьōккыд вōлі вōйдōр веськавны, начальнōй классьяс помалōм бōрын, мōд тшупōда школаō?

— Снi тай нō, кōсьян кōть он, быть тшōктōны велōдчыны.

Иван Власович мыйкō дыра муныштис, сэссия видзōдліс гōгōр да сувтис.

— Тайō местаас буретш и вōлі поплōн керкаыс, кōні ми велōдчим. Тані жō ме пыри пионерō. Кор помалі нель класс, мамōлы зэв окота вōлі, медым велōдчи водзō. Избач Сорвачев гижис меным шыōдчōм, и мамō сйōс нуис карса мōдōд тшупōда школаō. Тайō школаас сетісны шыōдчōм миян сиктысь ещō нель нывка да зонка.

Воис велōдчан кад, а миянлы карсянь некутшōм юōр эз во. Вежон виччысим, мōдōс, сэссия тай коркō воис жō печатя бумага. Менō да ешō кык зонкаōс, кодьяскōд өтлаын помалім нельōд класс, босьтōмаōсь. Миянлы любō, а налы, кодьяс эз веськавны велōдчыны, шог.

— Ме кō эськō эг шогесы. Гуляйтi да олі.

— Эк, Ольōксеюшко, велōдчытōм мортыд синтōм гут кодь, этша аддзō, немтор оз тōд.

— Та йылысь миянлы унаысь нин мойдлісны; и школаын, и гортын.

— Тайо абу мойд, а збыль.

Борсо локтигон Иван Власович унатор на висьталіс Алексейлы аслас велодчом йылысь.

— Тасянь кародз дас квайт верст лыддывлісны. Шойччан луньяс кежло пыр вольвлім гортю. Некумын час воли уям субота рыто няйт туй кузя, пемыд, гажтом, то зеро, то кодзыд тов чужомто чишкало. Кык вой узям гортын и выльлун асылю, сап пемыднас на, мододчам карю. Мышканым нянь туброс, кианым рыська йов туис, вежон кежло волюга. И паськомто ньобны сэки воли зев сокыд. Отчид меным школаысь сетісны кык метра донтонник дора. Ок, и радлі, ок, и радлі. Мамю сесся вурис сэтысь пальто. Куим во новлі сійос.

— Мыйла но автобусон эню ветлоу гортад? — виччысьтог юалис Алексей.

— Э-э-э... Шунн жо... Сэки эз вовны не сомын автобусьяс, но и грузовой машинаяс. И туйыс эз вов ония кодь, няйт, аръяснас муртса верман восьлавны. И бияс сэки эз ломзыны. Тшыгома олим, а велодчомысь эго дозмылоу тэ моз.

Гортас пыригон нин Алексей бергодчыліс Иван Власовичлань, быттыо бурджыка косийс тодмавны сійос, сесся шыасис:

— Дядя Ваня, вот эсько тэ ко волін миян школаю да висьталін велодчысьяслы сэкса кад йивсьыс, кызди велодчылід, овлід.

— Корад ко, мыйла ог волю. Том йозлы быть колю тодны, кызди овлісны налөн дедьяс, батьяс, мамьяс, кутшом сокыдлуньяс найю пыклісны выль олом стрбитігон. Вола!

## БЕРТА

Павел Космортов куим лун кежло ветліс орчча сикто, коні уджаліс вузасысьон сылөн чойыс. Поттодзыс гоститіс, сесся бор мододчис поселюко, коні оліс. Гажыс быри нин другьяссыс.

Сикт помысь, гогорыс потшом кук йорысь, адзис вовьясос. Найю тэрмасьтог йирисны выльон петом турунсю, отарю-модарю отчисны божьяснас, ас дінсыс вотлалісны лодзьясос.

Кузь божа, сук бурыся чим сюд вов йирсис бокинджык. Сы дінын ризьяліс-котраліс вюсньдык кокьяса, мамыс кодь жо сюд гона чань. Сійю волас мамыс дорю, неньясыштас, сесся бара заводитас котравны.

Павел Космортов, гашко, дыр на сулаліс да нимкодьясис мича волон, но локтіс конюх, чотігырйи матыстчис вовьяс дорю и пондіс чуксавны.

— Берта! Берта! Татчу лок. Ме со тэныд сола нянь шорюм вайи.

Сьод гона вѡв кыліс ассыс нимсѡ, лэптіс юрсѡ, гѡрѡктіс и тэрыба котѡртіс конюхлы паныд. Чаныс сы бѡрся.

Вѡлѡксѡ вуджигѡн Павеллы син водзас унаыс на воліс тайѡ вѡ-лыс, кодлѡн нимыс Берта. «Вот эскѡ пуксыны кѡ сы вылѡ да пѡттѡдз гуляйтны. Став другьясѡй кутасны завидьтыны».

Гортас зонка воис лун шѡр бѡрын нин. Яра ворсѡдчис гожся шон-ді, муртса вѡрѡшитіс пуяс вылыс корьяссѡ кокныдик тѡв. Павел тэр-масьѡмѡн сѡйыштіс и пыр жѡ мѡдѡдчис купайтчыны Гѡгрѡс тыѡ. Мурт-са удитіс воны ты дорѡ, аддзис ассыс другьяссѡ: Петя Урнышевѡс да Степан Гришинѡс. Найѡ, тыдалѡ, сѡмын на купайтчѡмаѡсь, куйлѡны лыа вылын да гирзьѡны-сералѡны.

Павелѡс аддзѡм бѡрын найѡ ѡдйѡ кыпѡдчисны лыа вылыс да мый-кѡ дзебисны паськѡмьяс улас.

— Мый нѡ дзебласяныд, нолтѡ петкѡдлѡй, мый сѡні, — сотыштіс синьяснас другьяссѡ Павел и видзѡдліс паськѡм улѡ. — О, чери тай кыйѡмыдѡсь. Кыкыс жаритны лѡѡ.

Целлофанѡвѡй мешѡкын куйлісны комыныс унджык сирпи да кы-мынкѡ налим.

— Гѡп гудралім, Визлалѡны сѡмын чериясыс, но эгѡ вермѡй став-сѡ кутавны, — висьталіс локтысьлы Петя Урнышев.

— Ті метѡг некутшѡм гѡп энѡ кѡсйѡй гудыртны, бѡлбаньяс, — пыр на скѡраліс Павел. — Джын черисѡ ковмас меным сетны.

— Лѡсьыд тай... — чери мешѡксѡ кабыртіс Степан. — Ачыд мед кыйин.

— Кыдзи ме шуи, сідзи и лоас.

Павел кѡть велѡдчис Петякѡд да Степанкѡд ѡти классын, но наыс вѡлі ѡнджык и ыджыдджык. Бур ногѡн кѡ, сылы дас класс нин колѡ помавны, а сйѡ пыр на пукалѡ сизимѡдын.

Павел тэрмасьѡмѡн купайтчис, бѡр локтіс другьяс дорас, аслас кйѡн юкис черисѡ куим пельѡ, и сѡмын сы бѡрын восьтіс ассыс думья-ссѡ Петялы да Степанлы.

— Керѡса сиктын, кѡні олѡ менам чойѡй, эм зѡв мича вѡв Берта. Кузь бѡжа, сук бурыс, ачыс чим сьѡд. И чань сылѡн эм. Видзѡны найѡс кук йѡрын, гѡгѡрыс потшѡма.

— Но и мый? — эз терпитсы Степанлы, коді другьяс дорас тушанас вѡлі медся ичѡт.

— Кывзы помѡдз да вѡлісь юась, а то нырад печикта, — вомаліс сйѡс Павел.

Степан пыр жѡ ланьтіс: тѡдіс, мый Космортов вермас не сѡмын нырад печиктыны, но и кучкыны. Школаын унаѡн полѡны сысь. Весиг гырысьджык классьясын велѡдчыс зонкаяс некѡр оз сувтны сылы паньд.

— Но вот, кывзѡй водзѡ. Сѡмын сетѡй кыв, мый ме висьтала, та йылыс некѡдлы кыв ни джын.

— Ме чери моз чѡв овны кута, — вочавидзис Петя.

— И ме... — надзѡникѡн шуыштіс Степан.

Павел кузь кияснас кутыштіс пасьтём детинаясөс да сёрнисө нуө-діс водзө.

— Аски ветлам сійө сиктас да пышйодам Берта вөвсө. Куимөн и кутам гуляйтны, некодөс сэсся артельө огө босьтөй. Но кызд? Энө повзьбөй?

Петя да Степан видзөдлісны өта-мөд вылас, вель дыр чөв олісны. — Қазяласны кө нө, судө вермасны сетны либө бать-мамнымөс штрафуйтны, — пыксис Степан.

— Эх тэ, полысь көч. Коді нө казялас, гусьөн ставсө вөчам. А вөвсө вой кежлас нуам вөрө да домалам. Тэ повзин жө, Петька?

— Оқ, и лөсьыд вөв вылад гуляйтны. Пызйө-мунө сійө туй кузя либө видз вывті, а тэ пукалан сы вылын, быттьө врагьяс бөрся вөччан либө панласян кодкөдкө.

Дыр на варовитісны другьяс. Медбөрын воисны өти кывйө: аски куимнанныс мунасны сиктө, босьтасны сьорсьыныс гезйысь вөчөм домповод, некумын шөрөм сола нянь и рытнас Бертаөс вайөдасны посөлок помө, кыддза раскө. Тани сійөс дзєбасны вой кежлө, а мөд луннас быдөн пөттөдзыс кутасны гуляйтны тэрыб кокьяса Берта вылын.

Мөд луннас ставыс артмис сідз, кызди мөвпаліс Павел Қосмортов. Бертаөс кокниа и удайтчис кутны кук йөр пытшкысь. Писө сылысь колісны потшөс сайө. Мамыс первойсө некудз эз көсйи мунны, кор сы вылө пуксис Павел, гөрдліс, чапасис водз кокьяснас, чуксалис ас дінас писө. Но Павел швичнитіс сылы бокас вөсньыдик ньөрйөн гоз-мөдысь, и вөв кутіс кывзысьны.

Посөлок дорөдз Павел Берта вылын пукаліс петук моз тшапа, а Петя да Степан шлөпиктісны бөрсяныыс подөн.

— Пашка, тырмас сэсся тэныд өтнадлы гуляйтны, и мянлы тшөтш окота гөнитыштны вөв вылас.

— Аски пөттөдзныд гуляйтад! — горөдіс налы Қосмортов да пызйыштіс водзлань.

Пемдө нин вөлі, кор детинаяс да найөн пышйөдөм вөв воисны индөм местаө. Бертаөс домалісны сук понөльяс пытшкө, медым оз орөдчы да пышйы, водз кокьяссө көрталісны гезйөн. Нетшкисны да пуктісны вөвлы ныр улас турун чукөр. Но Берта эз и видзөдлы сөян вылас, пыр на чуксалис-корис ас дінас дона писө.

— Аски дас час асылын татчө чукөртчам, — посөлокө мунігөн сетіс төдны Павел. — Первой ме кута гуляйтны, сэсся Петька, а сы бөрын Степан.

— Тэ талун быдса кык час вөв вылын пукалін, а аски бара медводдза мортөн көсьян гуляйтны, — дөзмис Степан.

— Чөв кө олан, бурджык лөө, — вомаліс сійөс Павел.

Мөд луннас детинаяс локтісны кызд раскө, аддзисны понөльяс пысь Бертаөс. Сійө зэв мисьтөма видзөдліс на вылө, быттьө көсйис көритны: «Но и сьөлөмтөм йөз, босьтід да пи дорысь торйөдід.» Туруныс ныр улас дзонь, абу и видзөдлөма сы вылө.

Петкөдісны Бертаөс дзєблөм местасьыс. Павел чегис кызд ньөр, пелька чеччыштіс вөв вылө, швичнитіс ньөрнас бокас и төвзис кузь туй

кузя, кодi нюждчѳма кыз рас пѳлѳн. Вѳв гѳнитѳм бѳрын коли сѳмын тшын-бус.

Дыр ковмис виччысыны Павел Космортовлысь бергѳдчѳмсѳ. Бер-талѳн сьѳд гѳнѳяс вылас ѳшалисны ва больяс.

— Но и тѳрыб, лѳбачысь на ѳдѳй тѳвзѳь, сѳмын колѳ тшѳкыджы-ка нѳрѳйѳн кучкывлыны, — радлiс Космортов.

Ассыс пайсѳ гуляйтiс вѳв вылын и Петя. Кор ѳддзѳдiс Бертаѳс, радысла сывны дась. Аслыс кажитчѳ, мый сѳйѳ ѳнi буденновскѳй кавалерист кодъ, тѳвзѳь сѳмын водзѳ и водзѳ.

Медбѳрын воис кад пуксыны вѳв вылѳ и Степанлы. Ас кежас сѳйѳ некыз эз вермы кайны Берта вылѳ. Ковмис отсавны Павеллы да Петялы. Вѳв ѳна нин мудзѳма, сьѳкыда пошиктѳ, синѳясыс гудырѳсь.

— Эн усь кѳтъ, бурыяс чорыджыка кутчысь и дом поводитѳ зѳлыда кут, — велѳдiс сѳйѳс Космортов, кор Степан петiс туйѳ.

Берта регыдик гѳнитыштiс, сѳсся сувтiс, гоз-мѳдысь гонькнитлiс юрнас и бара гораа мѳдiс чуксавны ассыс писѳ. Жалысла дрѳгнитiс сьѳлѳмыс Степанлѳн. Недыр мысти сѳйѳ вѳвсѳ вайѳдiс шор дорѳ, и Берта горша мѳдiс юны. «Кѳнѳр тѳрытсѳнь ютѳм. Со горшыс кутшѳма косьмѳма», — жалитiс сѳйѳс детина.

Степан эз мѳд гѳняйтѳдны жаялѳм вѳлѳс, кежѳдiс сѳйѳс кузь туруна борѳйѳ, заводитiс йирѳдны.

Недыр мысти, кор Берта вель ѳна нин сѳйис небыд турунсѳ, Степан бѳр петкѳдiс сѳйѳс туй вылѳ да гѳнитiс другѳяслы паныд.

— Ешѳ на ме неуна гуляйтышта. И талун кежлѳ ставыс, — шуыштiс Павел да бара пуксис Берта вылѳ.

— Но и горшлун. Тадзнад вѳвсѳ верман вины, — скѳралiс Степан.

— Миянлы эз ков кывзысыны Космортовлысь. Колѳкѳ, ѳнi корсьѳны вѳвсѳ, и пиыс шогсьѳ. А ми сѳйѳс мучитам тани, — шуасис Петя. — Тѳдласны кѳ та йылысь школаын, вот янѳдасны.

— Тѳдан, мый ме думайта, Петька. Вай локтам рытнас татчѳ да бѳр лѳдзам гортас Бертаѳс, медым писѳ быдтѳ. Сѳмын Космортов Пашкалы та йылысь немтор оз ков висьтавыны.

— Петя, ме тѳ ног жѳ думайта, — мыччис кисѳ другыслы Степан. — А Пашкакѳд некѳр сѳсся огѳ кутѳй ѳртасыны: омѳльтѳр вылѳ сѳйѳ миянѳс велѳдѳ.

## СУЛТАН ДА СЫЛѳН ДРУГѳЯС

Порог дорсяныыс на Афанасий шыасис Сергей дорѳ, ачыс муртса оз бѳрд.

— Мый нѳ лои, Опонька? — чуймис другыс.

— Ой, висьтавынсѳ ог лысьт, — ешѳ на ѳнджыка нормис детинка. — Миянлысь Султантѳ таялiс машина.

— Тяляліс машина? Кувтӧдзис? — стрӧга видзӧдліс Сергей ёртыс ыллӧ, быттӧ сійӧ вӧлі мыжа пон таялялӧмысь, кодӧс быдса во нин ӧтвылысь быдтісны, вердісны-юкталісны. — Сідзкӧ, Султан абу нин ловъя?

— Ловъя на, горзӧ, коньӧр, инас оз ӧшйы. Бӧр коксӧ муӧдыс кыскӧ. Синъясыс сэтшӧм шогӧсь. Силос гу дорын куйлӧ. Ме гортӧ кӧсйи нуны, да ӧтнамӧн ог вермы. Ачыс сійӧ куйм кок вылын чеччалыштас да бӧр водӧ: ёна, буракӧ, висьӧ ранаыс.

Сергей тэрыба пасьтасис, кокас сюис гынкӧм, и Афанасийкӧд котӧртисны сикт помӧ. Ылысянь на кылісны Султанлысь омлялӧмсӧ. Детинкаяс сьӧрсыныс вайисны ыджыд дадь.

Султан лэптыліс юрсӧ, нюліс детинкаяслысь кияссӧ, синъясыс лонны ещӧ на гажтӧмӧсь.

— Эк тэ, Султанушко. Мыйла нӧ эн куж видзчысьны машинасысь? Колі ӧд ылӧджык кежны, — малаліс сійӧс Сергей.

Сэсся надзӧникӧн водтӧдісны Султанӧс дадьӧ да нуисны Афанасий ордӧ.

Быдса во коли сійӧ кадсяныс, кор тшак вотігӧн Сергей да Афанасий адзисны вӧрысь ичӧтик кычанӧс. Кодкӧ, тыдалӧ, шыбитӧма сійӧс татчӧ.

Понпиӧс, кодлӧн муртса на вощьӧмаӧсь синъясыс, Афанасий пуктіс кӧрзинаас да лэччӧдіс гортас. Сергейлы эськӧ ёна жӧ колӧ вӧлі понпыис, но эз мӧд вензыны другыскӧд. Тӧдіс, мамыс оз лэдз овны аслас сӧстӧм керкаын няйт да тшыг кычансӧ.

— Ӑтвылысь кутам быдтыны сійӧс. Ме гортысь сылы быд лун понда вайны сёян, — сӧмын и шуыштіс Сергей. — Тэнад мамыд бур, оз мӧд видчыны.

Детинаяс дыр вензисны, кутшӧм ним сетны понпиы. Медбӧрын воисны ӧти кывйӧ: «Нимтам сійӧс Султанӧн».

Вӧрса найдыш ӧдйӧ быдмис. Эз коль ӧти лун, медым сійӧ эз пакӧститчы: то пызан кок йирӧ, то занавес нетшкӧ, либӧ кутшӧмкӧ кӧмкотӧ пырас да водас. Афанасийлӧн мамыс корсюрӧ эськӧ дӧзмывліс пакӧститчысьсысь, но некор эз нӧйтлы сійӧс. А пиыс сэтшӧма радейтіс ассыс нёля кока другсӧ, синъяссӧ сы вылысь эз вештыв.

Машинаӧн дойдӧм Султан неумын лун эз видлы сёян, сӧмын юис да ымзіс. Афанасий да Сергей быд ногыс бурдӧдісны сійӧс. Вермисны кӧ, джын висьӧмсӧ босьтісны.

Сійӧ рытнас, кор воис Афанасийлӧн мамыс скӧт видзан фермаысь юӧртіс пиыслы:

— Аски мяян фермаӧ совхозысь локтас ветеринарнӧй врач Августа Николаевна, кутас видлавны лысьтан мӧсьясӧс. Ті верманныд сылы петкӧдлыны ассыныд быдтастӧ. Нывбаба сійӧ тӧлка, чайта, видзӧдлас Султанӧс да ӧтсӧг сетас.

Ветеринар локтӧм йылысь Афанасий висьталіс и аслас друглы. Кыкнанныс эскисны, мый Августа Николаевна лечитас Султанӧс. И детинаяслы важ моз лоӧ гажа понкӧд ветлыны вӧрӧ вотны тшак да вӧтӧс, шоныджык лунъясӧ купайтчыны гӧптын.

— Гашкө, аски школао ветлытөм лоо, а то Августа Николаевнатө огө аддзылөй, — юөртис другыслы Афанасий.

— Мый тэ, Опонька! Аски од мян письменной удж. Мый висьта-лам учительницайдлы?

— Да-а... Школао быть ковмас мунны, — шогө уси Афанасий.  
Детинаяс локтисны Султан дорө да юксисны асланыс радлунөн пон-көд.

— Аски тэнө ми врачлы петкөдлам. Сийө тэнө лечитас.

Детинаяс аскинас биа огыр вылын моз пукалоны школаын, урокьясыс кажитчөны кузьбөсь, некызд оз помасьны. Кымыныськө видзөдлісны ывлао школаса ыджыд ошинь пыр, зілисны төдмавны, воис эз Августа Николаевна. Сийө кө оз лок, некөді сесся оз вермы отсавны Султанлы.

Урокьяс помасьөм бөрын кык друг котөрөн мөдөдчисны гортас. Афанасий весиг пальтосө абу кизялөма, төлыс нетшкө пөлаяссө, пеля шапкасө юрсьыс көсийө нетшыштны. Пырисны Афанасий ордө. А сәні пызан сайын пукалісны Афанасийлөн мамыс да өчкана төдтөм нывбаба. Детинаяс сюся видзөдлісны сы ывлө да здорovайтчисны.

— Но вот, молодец-удалечьяс. Поннытө ме тиянлысь видлалі. Кокыс абу чөгөма, сөмын өна пыктөма. Дас лун мысти важсьыс тэрыб-джыка кутас котравны. Ме көкөсө бинтуйті, вежон кымын энө разбөй.

— Ура-а! — радысла горөдіс Сергей.

— Аттьө тэныд, доктор, — копыртчыліс ветеринарлы Афанасий.

Кызди висьталіс врач, сідзи и лоис. Дас лун мысти Султан вөлі вермө нин котравны.

Өні сийө быд асыв асьыс другьяссө, Афанасийөс да Сергейөс, кол-лөддө школа дорөдзис, а урокьяс помасьөм бөрын бара локтө налы па-ныд.

## ДОРОФЕЙ

Тамара петіс кильчө вылас, шонді югөрьясьыс дыр читкыраліс синьяссө. Асылыс вөлі шоныд да гажа. Ошинь увсьыс аддзис асьыс радейтана петуксө да пыр жө мөдіс чуксавны сийөс.

— Дорофей... Дорофеюшко... Нолтө, волы, мый ме тэныд сета, — нывка перйис платтьө зепсьыс нянь тор да мөдіс торйөдлыны.

Дорофей тшапа локтис аслас том көзяйка дінө, гоз-мөдысь өвтыш-тіс гөрд сорснас да мөдіс зіля кокавны нянь крөшкяяс. Қор петуклөн сөйсис, Тамара кутіс сийөс, дыр малаліс уна рөмьясөн пөртмасьысь го-лясө, мышкусө. Дорофей радейтө, кор сийөс малалөны, пукалө Тамара пидзөс вылын да жуйвидзө.

Қуим во сайын сийө вөлі зэв на ичөт, поліс каньысь и понйысь. Но коли кад, и Дорофей вочасөн өнмис да быдмис. Өні Мурка кань, коді оліс тәні жө, ачыс поліс петукукысь.

Асывъяснас Дорофей садьмыліс водз, петас сарайысь ывлаё, пук-сяс потшёс ывлё, некымынысь овтыштас ён бордъяснас, сэсся сетас ас-сыс гёлёссё.

— Кука-реку... кука-реку...

Гашкё, кызысь горёдас, чёскида узысьяссё садьмодас. А гёлё-сыс сылён лэчyd, лёнъ асывъясё вель ыло кылё.

Первойсё Тамаралён бать-мамыс весиг дёзмылісны сы ывлё, узы-ны пё оз лэдз, морыд. Батьыс весиг юрсё кёсийс керыштны. Но Тама-ра мёдіс кевмысьны.

— Он убллит Дорофеюшколысь олёмсё босьтны, эм кё тэнад сьё-лёмыд. Со сійё кутшём мича да төлка, быдтор гёгөрвоё. Йёрё бокё-вёй канёс ни понйёс пырны оз лэдз. Да и меным сытёг бёрдмён гаж-тём лоё.

Та бёрын батьыс некор нин эз шуасылы дёзмёдчысь петук ывлё, корсюрё весиг сёян да юан петкёдльвліс.

Дорофей ёшинь увсьыс некытчё вёлі оз мун, лун-лун кокасьё. Кор пётас, дыр куйлас лыа вылын. Асывъяснас, пырджык ёти кадё, быттьё сьёрсьыс часі новлёдлё, садьмёдліс матігёрсса вайтырёс, кывтём мёсьяссё. Сэсся видзёдіс, медым горт гёгёрын ставыс вёлі лючки-ладнё. Кор да дыр-ё узыльвліс сійё, сьёкыд вёлі гёгөрвоны.

Мёд асывнас Тамаралён батьыс, коді уджаліс совхозын механизаторён, локтіс гортас войся сменаын уджалём бёрын мудз, тшыг, узы-тём. Пёрччысыс да водіс, весиг сёйны эз мёд. Нывлы висьталіс, медым лун шёрёдз некод сійёс эз чуксав.

Тамара надзёникён петіс ывлаё, шытёг пёдлаліс кильчё ёдзёссё. Эз на удит лэччыны пос помёдз, керка боксьыс кыліс понлысь лявгём. Нывка котёртіс сэтчё и адзис татшёмтор: петук Дорофей орчча керка-са ичётник понйёс топёдома гид бокас да кучкалё бордъяснас, кокъяс-нас, зільё кокыштны кортём гёстьёс. Пон туплясьё да нора никсё, не-кыз оз вермы мездысьны скёр петукусь. Тамаралы ковмис мездыны пикё воём понйёс. Ёдйё и адзис сійё ассьыс туйсё. Горт дорас воём бёрын некымынысь увтыштіс, грёзитчис петуклы. Тамара вёйпис:

— Оз ёд позь тадзи, Дорофейко! Коньёрёс понсё нёйтін да садь быртёдзыс повзёдін.

Петук мыжа морт моз тапиктіс ёшинь улё да, быттьё нинём эз и вёв, мёдіс кокасьны.

Тамара вель дыр весаліс лук град, посводзас пыртіс некымын вед-ра ва, сэсся босьтіс книга да пуксис пельсь пу дорё лыддысьны. Та-ні вёлі ыркыджык, весиг эз веськавны шонді югёръяс.

Муртса удитіс лыддыны некымын лист бок, воссис дзиръя, и мос-ки кузя ёдйё мёдіс восьлавны ар комына, важён нин бритчывтём му-жичёй. Дорофей синъяссё эз лэдзлы сы вылысь. Тамара матыстчис кильчё дорас.

— Батьыд гортад? — ылысянь на юаліс тётём морт, коді удитё-ма нин юыштны вина.

— Удж вылысь неважён сійö локтіс, шойччö, эз тшöкты чуксавны.  
— Тöрыт «дарьясьыштiм». Пырала да батыдлысь куим шайт удждыла. Эн öмöй тöд, тайö ме, Ыргөн Ёгор.

— Он öмöй уджав отпускын али мый?

— Уджала эськö да, мөдөд лун нин загулял, — рочалыштiс Ёгор. — Öти здук кежлö и пырала.

— Оз, мися, позы! — гөлөссö кыпөдiс нывка.

— Мый нö повзин, немтор öд ог гусяв. Пырала и бөр пета. Батыд тöрыт премия босьтöма, куим шайттö удждылас. Лэдзлы пыравны.

Тамаралы син улас уси радейтана петукыс и чукөстiс сійöс. Ёгор кöйсiс малыштны мича голяоö, но Дорофей зутшнитiс нырнас код мортлы кнас.

— Вот рөзбойникыд, косясьны кужö, — öдiйö бöрынътчис Ёгор. — Бөрсi либö пырала, кор батыд садьмас.

Ёгор тэрыба мөдiс восьлавны дзирьялань. Эз на удит восьтыны сійöс, кызси сы вылö уськөдчис Дорофей да удитiс гоз-мөдысь кокыштны мышкас. Волысь морт сэтшöма повзис, дзирьяас весиг зурасис да öдва аддзис петан туй. А Тамара нюклясьöмөн сералис.

Луннас Ёгор сiдзи и эз пырав Тамара бать ордö. Гашкö, полiс петукысь.

Тамара висьталiс тайö лөөмтор йывсьыс батыссы, да ёна и сералисны.

— Молодеч, зарни сорса Дорофей, кужин дорйыны ассьыд том кöзьякатö, — ошкыштiс батыс петукöс.

## ВЕЖОННАС СИЗИМ ПЕКНИЧА

Кökьямысöд класса велөдчысь Сергей кызкö пуксис батыскөд орччөн да зэв збыль вылö юалис:

— Батьö, верма ме лоны космонавтөн? Сöмын эн мөд серавны, а збыльысь висьтав.

Батыс видзөдлiс пиыс вылö, вештiс ныр увсьыс газет чукөр да сöмын сы бöрын сетiс воча кыв:

— Он, тэ космонавтөн он вермы лоны.

— Мыйла? — эз эновтчы Сергей да ещö на матөджык вешйис батыс дорö.

— Ичöt терпеньöйд тэнад. Мый дорö он босьтчыв, лун-мөд мысти бөр кодзалан. И велөдчан сiдз-гадз.

Лөгасис быдсөн Сергей батыс вылö, кодi комын воысь дырджык нин уджалiс совхозын трактористөн. Пуксис телевизор дорö да мөдiс видзөдны концерт. Лөз экран вылын сьылисны тöдса артистьяс, кодьясöс Сергей эз нин öтчыд кывзыв.

Кор помасис концерт, Сергей дыр на пукаліс телевизор дорын да мөвпаліс. Өти дум йиджтысис сылы концерт видзөдөм бөрын: «Пома-ла дасөд класс да пыра велөдчыны музыкальной училищеө. Сэсян консерваторияө. Велөдча, артистөн лоа. Кута съывны! Залыны кутасны пукавны уна сө морт да видзөдны ме вылө и горзыны «Бис!» Ме и кыв-буръяс бура лыддя, учительница весиг ошкыліс».

Сергей сэк жө сувтіс джодж шөрас да гораа мөдіс лыддыны дум вылас усьөм кывбур:

Велөдчөй, челядь,  
Югдөдөй юр,  
Велөдчөм вайө  
Тянлы бур...

Комнатаө өдйө пырис батыс, скөра видзөдліс пыис вылө.

— Дас өти час өд, мый нө горзан! Мамтө садьмөдан, да и аслыд важөн кад узьны.

— Ме, колөкө, артистө көсья велөдчыны.

— Неважөн на космонавтөн вөлі көсьян лоны, а артиставны нин скота лои. Вежоннас тэнад, тыдалө, юрад сизим пекнича. Сергей бара дөзмис батыс вылө. Кор петіс сійө мөд жырйө, мөдіс шуасьны: «Нинөм сійө оз гөгөрво. Ассьыс тракторсө сөмын төдө».

Та бөрын коли лун кызь. Виль думъяс пыр дөзмөдісны Сергейөс. Кытчө сөмын думъяснас эз волы, кутшөм удж бердө эз кутчысьлы. Но кольө неуна кад, и юрсьыс бөр пыркалас став көсйөмторйис, кодъяс дорө эз на и удитлы босьтчывны.

Кызкө өтчид, төвся каникул водзвылын, школаө воліс да дыр сөрнитіс велөдчысьяскөд Сыктывкарысь воөм поэт. Сійө висьталіс ас-лас удж йылысь, лыддис ассьыс кывбуръяс, вочавидзис юасьөмъяс вы-лө.

Зонкаяс да нывкаяс кывзісны сылысь быд кыв. Поэт сөрнитіс сэтшөм лөсьыда, рытөдзыс эськө кывзісны сійөс.

Кор карысь воөм морт мөдөдчис учительскөйө, медым пасьтасьны, велөдчысьяс сувтісны да дыр аттьөбалісны сійөс. Сергей колльөдіс гөс-тьөс учительскөй дорөдз, збоймөдчис да юаліс:

— А сьөкыд лоны поэтөн?

Гөсть сувтовкерис, малыштіс детинкалысь кудритчыштөм юрсисө.

— Быд удж, молодечөй, сьөкыд. И поэтлы абу кокни гижны, колө уна төдны, пыр лоны йөз пөвстын, не кольччыны олөмсьыс.

Вонс Сергей гортас да весиг эз сөй, ни урокъяссө эз велөд, бось-тіс тетрадь и мөдіс тэчны кывбуръяс. Мудзтөдзыс пессис, а строка-ясыс эз содны. Косявліс гижөмторсө, сьөкыда ышловзис, быттьө пась-кыд ю вомөн варчис, но мөдар берегас сідзи и эз вермы воөдчыны.

Төвся каникулъяс дырйи велөдчысьяс некымын лун котралісны лызьөн, дасьтысисны ордйысьөмъяс кежлө. Сергей дзик өтчид и сувт-

ліс лыжи вылө. Другъясыс мөдасны нуөдны иславны, да пыр и воча-видзас:

— Дыш тай. Бурджык лоө, телевизор кө видзөда. Ме и сідз ставнытө панъя.

— Видзөдлам.

— Верма водзвыв висьтавыны: Сергей Кызродев лоө школаса чемпионөн!

Эз ло сідз, кызди ошйысис да чайтіс Сергей. Ордйысьөмъяс вылын аслас класса зонкаяс пиысь финишө воис медбөръя мортөн.

Та бөрын дыр на сералисны ошйысьыс детинка вылын. Аддзасны сійөс, да кодкө пыр и горөдас:

— Чолөм, чемпион!

Өдйө лэбисны лунъяс. Экзаменъяс водзвылын Сергей быд лун зунясис книгагас да тетрадыс вылын. Сылы, кыз вермисны, отсалисны өртъясыс. Оз вөлі чайт, а вуджөдісны өкмысөд классө.

— Вот өні шойччышта да гуляйтышта, — радліс детинка. Но дыр прөста овны да сынөдсө чужъявны батыс эз лэдз.

— Аскисянь мекөд трактор вылын кутан уджавны. Школа пома-лігкежлад механизаторөн лоан. Трактористыд, дерт, абу космонавт ни артист, но зөв колана морт. Кык во мысти менам кад пенсия вылө петны. Коді нө вежас, он кө тэ, сиктын быдмысь пи? Сөмын радейтны колө ассыд уджтө, вочасөн сійө мусмас.

Сергей батыслы паныд немтор эз лысьт шуны. Сылы и аслыс вөлі окота батыс моз пукавыны трактор рычагъяс сайын да велөдчыны велькөдлыны тайө вына машинанас.

## СЬӨЛӨМӨ ДОЙ

Эльвира школаыс локтіс сөрөнджык. Гортас пырөмөн тшөтш уськөдчис бабыс дорө, кутыштіс сійөс и радпырыс юөртіс:

— Бабө, талун ме лотерейнөй билет кузаяд, кодөс тай нимлун кузаяд батыө сетіс, — ура-а! — быдса вит шайт выиграйт!

Эльвира осьтіс портфельсө, кыкис сэтысь вит шайт.

— Сберкасаыс сетісны. Уджавны кута да пыр мөда нөбавны ташөм лотерейнөй билетъяссө. Колөкө, машина либө телевизор меным пай вылө усьө. Со тай нө миян учитель Евдоким Евдокимович кольөм во мотоцикл выиграйтөма. Өні быд лун школаө сы вылын журъялө.

Эз на удит бабыс өбед лөсьөдны, кызди керкаө пырис Модест, ар нелямына, кыз лөбъя мужичөй, коді унджык кадсө дөвъяліс сикт кузья, некушөм удж вылө эз инась. Отилаын уджыштас төлысь-мөд, сэсы, видзөдан да, бара нин выль удж корсьөма.

Модест пөрччис шапкасө, улөдз копыртчыліс Эльвира баблань.

— Бур лун да кузь нэм, Савватъевна. Тэ он кӧ и пӧрысьмы-а. Пыр на том ичмонь кодь.

— Кысь нин квайтымын арӧс бӧрад томнас да мичанас лоны. Пуксьы, мый нӧ сулалан?

— Ме эськӧ мога да, Савватъевна.

— Мыйсяма мог ме дорӧ суис?

— Гӧтырӧй висьмис. Фельдшер гортӧ воліс да быд сикас лекарствосӧ аптекаысь тшӧктіс ньӧбны. Удждыв шайт вит-квайт. Аски и бӧр пырта. Столовӧйӧ пес поткӧдлі, да кӧсйисны кызь шайт сетны. Мезды, бур вӧчӧмтӧ некор ог вунӧд.

— Рад эськӧ удждылі, да абусӧ, буракӧ, он уджды. Мыӧ вӧлі сьӧмӧй, пины сеті, монькӧд ӧтвылысь курортӧ шойччыны мунісны. Пензия лун дас мысти на сӧмын ваясны. Эн дивит, немторйӧн ог вермы отсавны.

Модест сьӧкыда ышловзис да бара мӧдіс кевмысьны.

— Ӧкулинай жаль. Ог кӧ вермы судзӧдны лекарствояссӧ, код тӧдас, мый сьӧкӧд вермас лоны. Нель шайт кӧть сетлы, ен могысь кора.

— Висьталі, абу, мися, абу. Суседъяс ордад пырав, отсаласны.

— Уна керкаын нин вӧлі. Абу йӧз, а...

— Модест Петрович, ставнысӧ омӧльтны оз позь: йӧз мян шаньӧсь.

— Шаньӧсь, кор узьӧны.

Удждысьны вольтысь морт кӧсйис нин мунны, но сы дорӧ матыстчис Эльвира, коді ӧнӧдз чӧв оліс.

— Модест дядь, талун меным лотерейнӧй билет кузя уси вит шайт. Ме сійӧ деньгасӧ верма удждывны тэныд. Сӧмын лун-мӧд кежлӧ. Колӧ отсавны гӧтырыдлы. На, босьт...

— Аски рыт, шань нылӧй, бӧр вая деньгатӧ. Ыджыд аттьӧ тэныд таысь. Бур йӧзыс тай вӧльнӧй свет вылас эмӧсь на. Но, прӧшӧвайтлӧй.

Муртса петіс Модест, Савватъевна мӧдіс видны внучкасӧ.

— Колі тай сетны сылы вит шайт. Йӧюк тэ.

— Да ӧд лекарство вылӧ корис. Кызди нӧ йӧрмӧм мортлы он сет, — дорйысис Эльвира. — Школаын учителясь тшӧкыда висьтавлӧны, мый йӧзлы пыр колӧ отсавны.

— Чайтан, лекарство вылӧ сійӧ корис? Талун жӧ ньӧбас югыд зеля да туплясьтӧдзыс юас. Тӧда ме сійӧс, кыз льӧбйӧс. Олан сямсӧ дзикӧдз нин воштӧма. Юӧм вӧснаыс быдлаысь вӧтлӧны.

— Аски бӧр пыртас уджйӧзсӧ, кызди кӧсйысис.

— Пон вомысь лытӧ сьӧкыд кыскыны.

Колі лун, вежон, а деньгатӧ Модест сідзи и эз вай. Нывка тшӧкыда мӧдіс видны асьсӧ. Ӑтчыд, школаысь локтігӧн, паньдасис Модестлӧн гӧтырыс Ӑкулина. Нывка шыасис сы дінӧ.

— Акулина тьӧт, бурдін нин? Лекарствоясыд отсалісны?

— Ме, бур нылӧй, эг вись. Мыйла тэ чайтін, мый висі?

Эльвира висьталіс, кызди дас лун сайын на ордӧ локтіс Модест да корис удждыны вит шайт лекарство вылӧ.

— Пөръяліс өмөй? — юалис ныв.

— Ещö кыдзи... Сылы морттö пөръявны лым вылö сьöлыштöмкодъ жö. Удждысьны радейтö, а бөр сетöм йывсьыс вунöдö. Часлы, ме талун сылы петкöдла пуж. Но, öкаяннöй, челядыясöс нин мöдис бöбйöдлыны. Бур, мый висьталін.

— Мöд луннас и кöсийс пыртны уджйöзсö.

Öкулина сумкасьыс перйис вит шайт да мыччис Эльвиралы.

— Мöдысь сэсся эн ылав. Бур йöз пöвстас и менам Модест кодъ яндысьтöм синъяс гантайтчöны.

— А ме вöлі чайта, быд морт олö правильнöй олөмөн, кыдзи книгаясын гижöны, — вочавидзис Эльвира да öдйö мöдöдчис гортас.



ТЭРЫБ ЛЭБАЧ





## ПӨРЫСЬ ЧУКЧИ ДА ГОРШ РӨДЬӨ

Зумыша шыаліс паськыд парма. Джуджыд козьяс нөйтисны өта-мөднысө вожъяснас. Вына төв вель ёна бушуйтчис векныдык вөрса ю пөлбн.

Кум лун сайын вөралысь Рөдьө окталіс ассьыс лэч туйяс. Матө кыксё петля өшөдіс чукчияслы, таръяслы, сьөлаяслы. Талун водз эновтіс ассьыс вөралан керкасө, көсийс пемдытөдзыс кытшовтны лэч туйяссө.

Югдөм бөрын төлыс виччысьтөг лөнис, кодкө быттө тупкис сылысь вомсө. Дугдісны нөйтны өта-мөдсө и дзор козьяс. Рөдьөлы көть тыри нин нелямын арөс, вөсьлаліс тэрыба на. Лаз пасьталөма, киас кутіс пищаль: кыпөдчас кө кутшөмкө пөтка, медым пыр и лыины. Оз нин первой во вөрав Рөдьө, төдө, кызди да мый. Вөсьлаліс сійө шы ни төв, пельяссө чошкөдөмөн, синъяссө то өтилаө веськөдлас, то мөдлаө. Аддзө и кылө ылысь.

Өти лэчкө сьөла шедөма. Вөралысь перийс сійөс петляысь, суйис лаз пытшкас да водзө мөдөдчис. Оз шогсы, оз майшась. Төдө: тавося арыс, кызди и мукөд воясө, бара козыналас сылы вель уна пөтка да зверь куяс. Медым некод оз мөд видчыны, Рөдьө весиг сельпокөд договор вөчис. «Пөткаыссө аслым, а зверь куяссө позяс и сельпоө нуны», — ас кежас мөвпаліс вөралысь. Понийс сылөн кыйсысь, туланөс туялас и ошкысь оз повззы.

«Лун дас мысти Соболюс позяс катодны вөрө: урыс да туланыс таво уна».

Мукд аръяснас, лэч туйсö кытшовтигөн, Рөдьö вөралан керкаö кыйдөссö вайльвліс лаз тырыс. А талун со дзик öти сьöла на шедöма. «Но, мокасьт, гöльмин öмöй, коми парма?» — дөзмис пищалья морт.

Нейджыд нюр бокысь, кытчö тöлыс пөрөдöма зэв ыджыд пожöм, лэчкö шедöма ыджыд чукчи. Пöтка вöлі ловъя на, нетшкысис, кöсйис мынтöдчыны... «Лыя, а то ордчыны вермас», — чургöдіс пищальсö Рөдьö да кутіс метитчыны.

— Эн лый тэ менö, Родион. Лэдз вöля вылö, ме тэныд таысь уна буртор вöча.

Вöралысьлөн кысыс пищальыс уси. Сулалö да лапйöдлö синьяссö. «Комын во кыйся-выйся вöрын, а первойсысь аддза татшöм шензьöдана торсö. Чукчи сёрнитö морт гөлөсөн, да и менсым нимöс, трустыд, тöдö. Гашкö, ставыс тайö кажитчис меным».

— Нолтö, ещö мыйкö висьтав, — пöткалань воськов-мöд вöчис вöралысь.

— Лэдз, мися, менö вöля вылö, аслам рөдвуж дорö. Некор ог вунöd тэнсыд буртö. Кыдзи да мыйөн верма, пыр кута отсасыны.

«Висьтавны кö тайöс сиктсаяслы да гöтырлы, некод оз верит. Серамвыв сöмын менö лэптасны», — вöралысь матыстчис лэчкö шедöм пöтка дорö. Сійö куйліс вужля бокын, сьöкыда пошиктіс-лолаліс. Тыдалö, дыр нин пессьöма, ёна мудзöма.

Чукчилөн морöс улас лöсталісны уна рöма гөнъяс, юрыс вöлі дзор: тöдöмысь, уна во нин олöма вöльнöй свет вылас.

— Лэдз, мортöй, менö. Эн мучит, — бара мөдіс кевмысьны пöтка.

Рөдьöлы коть жаль вöлі воштыны матö пуд джын яй, но век жö лэдзис лэчкö шедöмторсö.

— Вичысь. Пöръялін кö, ловтö мөдысь босьта. Мемьсь он пышйы.

— Эг пöръяв, эг. Қовмас кö мыйкö тэныд, лок татчö, куймысь шу-төвт да горөд: чукчи-мукчи, пармаö мичлун вайысь! Тайö ме локті, Рөдьö. Лок татчö. Колана сёрни эм. Гөгөрвоин?

— Ставсö сюркнялі пель гөгөр. Немтор ог вунöd. Вöралысь мыйкö ещö на кöсйис висьтавны, но чукчи воши сук пуйс костö.

Дыр на дивуйтчис Рөдьö вöтын моз аддзвөлмторнас. Öти сьöла-өн и лэччис вөралан керкаас. Пуис кыйдөссö, дзен-дзен сёйис, кык кружка чай юис и сöмын сы бöрын нюжөдчис нар вылö. Но унмовсьны дыр на эз вермы. Син водзас унаысь воліс пöрысь чукчи, кыліс сылысь гөлөссö: «Эн лый менö, Родион, лэдз вöля вылö. Ме тэныд таысь уна буртор вöча».

Войнас чорыда зэрмис. Эз коб и югдöм бöрас. Рөдьöлөн важи-ник вөралан керкаыс, кодöс кызь во сайын на вöчлöма пöлыс, унала-ті мөдіс виявны, некытчö лон саймовтчыны зэрсыйс.

«Дзик тай ме йöй... Мыйла нö чукчились эг кор выль вөралан керка, югыдöс, шоньдöс, кыпыдöс?» — видіс асьсö вöралысь.

Коймөд луннас, кор эз нин зэр, Рөдьö пасьталіс лазсö, босьтіс кияс пищаль и мөдöдчис нюр дорын куйлысь вужля дінö, кытчö вöлі ше-

дöма сёрнитысь чукчи. Локтіс пöрöм пожöм дорö, куимысь шутёвтис, кызди велöдис чукчи, и горöдіс: «Чукчи-мукчи, пармаö мичлун вайысь! Тайö ме локті, Рöдьö. Лок татчö, колана сёрни эм».

Пармаса олысьöс вöралысьлы эз ковмы дыр виччысьны, жбыркнитис-локтіс ён бордъяснас, пуксис пöрöм пожöм вылö, улöдз копыртчыліс, сэсся юалис:

— Кутшöм мог суис тэнö ме дорöдз, пищала морт?

Рöдьö висьталіс, мый вöралан керкаыс сылөн киссян выйын, көдзыд, зэрö кө, виялö. Корис чукчиöс отсавны лэптыны выль керка.

— Эн шогсы, пищала морт. Талун тэ кутан узыны выль керкаын.

— Аттö, сідзкö, он кө быттö пöръяв.

Рöдьö локтіс рытнас вөр керка дорö, и аслас синъяслы оз эскы. Сулалö сэнi дзик выль керка, куим öшиня, мича посводза. Вöралысь пырис пышкас да ещö ёнджыка чуймис. Қраситöм дждж вылын сулалö көрт кровать, сы вылын гөн вольпась, небыд эшкын. Пызан вылас джуджыд кока лампа. Қор Рöдьö öзтіс сійöс, вöралан керкаö быттö шондi пырис. Сэтшöм лон югыд.

«Но и пöрысь чукчи, парма гажöдысь. Со кутшöм буртор меным вöчис!» — ошкис пöткаöс сійö.

Чöсқыда узис тайö войсö Рöдьö. Петалис песла, пыралис пöлö киясөн стрöитöм вөр керкаас. Ок, кутшöм гажтöм сэнi. Пескыс кольöма зэвнин этша. Лэч туйяс кытшовтöм бöрын ковмас водзджык бергöдчыны да вöчны.

«А мый, пöрысь чукчиöс кө корны отсавны», — воис юрас мөвп.

Дыр мысти воис тöдса вужля дорö, пищальсö пунктіс пöрöм пожöм бокö да куимысь шутёвтис, сэсся кызды позьö ясыда горöдіс:

— Чукчи-мукчи, пармаö мичлун вайысь! Тайö ме локті, Рöдьö. Лок татчö, колана сёрни эм.

Эз коль и минут, кызди пöрысь чукчи вöлі нин пöрöм пожöм вылын.

— Кутшöм мог суис, пищала морт? Гашкö, сьölöм вылад эз во выль керкаыд?

— Мый тэ, донукöй, мича морöсöй. Сё аттö висьтала. Сöмын ме мөд могөн локті.

— Висьтав. Қывза.

— Пескöй быран выйын. Пармасö кытшовтöм бöрын ёна мудза да керасьныс ог вермы.

— Эн шогсы, пищала морт. Мый корин — лоö вöчöма.

Та бöрын чукчи öдйö лэбзис сук вөрö. Коркö-некоркö, Рöдьö воис вöралан керка дорас. Сэнi сулалис выль лэбув, а пышкас поткөдлөм кос пес. Қык во кежлö тырмас. Нимкодь лон вöралысьлы, сывны лесиг заводитліс.

Нельöд луннас Рöдьöлы дум вылас уси пöсь пывсян. Ок, кутшöм чöсқыда эськö ёни пывсис, веськөдіс став мудсö. Гажыс бырöма и картупельсысь. Вайліс эскö гортсыс, да вежон сайын бири. А картофелыд ёна лөсялö пöтка шыдад.

Лэч туйсö кытшовтöм бöрын, кор воис тöдса вужля дорö, Рöдьö-лы бара дум вылас уси пöсь пывсян да жаритöм картофель.

Кызди и пыр, бара корис ас дiнас сёрнитны кужысь чукчиöс.

— Тöдöмысь, бара мог суис, пищала морт?

— Тöдiн, батюшко, тöдiн. Зэв окота пывсыны, а некöн, — вись-талiс Рöдьö.

— Пывсяныд талун и лоö дась, — копыртлiс юрсö вöрса ён пöтка.

— Ещö öтитор кöсья корны чукчи-мукчи. Вöралан керка дорын эм неыджыд эрд. Отсалiн кö эськö гөрны сiйöс. Сэтчö тулыснас ме эськö картофель пуктi. Гортсянь зэв ылын катлыныс, а сэки орчча лоö. Öти яй вылад тай дöзман, колö и картофель.

— Медым тэ ног лоас, пищала морт, — сöмын шуыштiс чукчи.

Кор Рöдьö матыстчис вöралан керка дорас, ылысянь на аддзис выльöн лэптöм пывсян. Сэсянь неылын, кöни вöли эжмöм эрд, öни лоö-ма му. Дас ведра картофель тулыснас позяс пуктыны.

Эз терпитсы вöралысьлы: окота лои пыравны да видзöдлыны пывсянсö. Восьтiс öдзöссö, и сэсянь шоньд ру öвтыштiс. Гор вылас котёлын пöсь ва, кöть дзик öни пывсы. И кöдзыд ваис тырмымöн. «Айда, дона чукчи, шöвк морöс. Бур, мый ме сэки тэнö эг ви. Со кымын буртор вöчин».

Час мьсти Рöдьö швачкöдчис, ружтiс пывсянын. Ныв пу вожъясьы вöчöм корöсьөн сэтшöм зiля шенасис, мый вежыд петас. Лунтыръя мудзö и пöсьсö — ставсö колис пывсянö. Чöскыда и узис тайö кузь арся войсö Рöдьö.

«Висьтавны кö гöтырлы, кутшöм ёна отсасьö меным пöрысь чукчи, Öкулина оз эскы, кутас шуасыны, вöрад олiгөн пö вежöрыд торксьöма».

Колины лунъяс. Арся поводдяыс пыр тшöкыдджыка петкöдлiс асьсö: то некымын час шлявгас-зэрас, то кыпöдчас вынiйöра тöv.

Татшöм поводдянад и вöралан керкасьыд дыш петны. Талун со поводдяыс бара лёкмöма, скөр айка моз кратайтчö. Рöдьö пукалö öшинь дорас да оз тöд, код вылö лёксö песны. И сэки юрас воис зэв бур мöвп: «А мый, ветлыны кö чукчи дорö да тшöктыны, медым матi-гöгöрса вөръясысь став пöткасö и зверсö ыстiс менам вöралан керка дорö. Ме эськö пукалi восьса öшинь дорын да шковги-луйлi найöс. Кокöй оз мудз, и став вöрса олысьыс лоас менам».

Мыйöн кобыштiс, тайö думъяснас Рöдьö мөдöдчис тöдса вужля дорö, медым висьтавны асьыс кöсiймсö чукчи-мукчины, парма гажö-дысьлы.

Пöрысь чукчи кывзiс вöралысьлысь корöмсö. Синъясыс вочасөн лоины скөрöсь.

— Родион, сiдзкö, кöсьян, медым танi олысь зверь-пöткаыс вичмис сöмын тэныд, öтнадлы?

— Да, батюшко, да. Отсав, уджöн ог коль.

Та бöрын öти кыв эз шу лэчкö шедлöм чукчи, öвтыштiс ён бордъяснас да пондiс лэбавны парма весьтi.

Рөдью кынмытөдзис сулаліс вужля дорын, но чукчи эз и матыст-  
чыв сы дорё. Шутьялём ни горзём эз отсав.

Кор пищала морт лэччис вөралан керкаас, чуймис: сәні нинём эз  
вөв. Виль керкаыс, кос пес тыра лэбулыс, пывсяныс, картофель пук-  
тыны лөсьөдём муыс — ставыс кытчөкө вошөма, быттьө абу и вөвлөма.

Рөдью пырис важ вөралан керкаас да унаыс ёрччыштис.

Тайё лоөмтор бөрас вөралысь лун куим на кытшлаліс парматі, но  
өти пөткаөс ни зверөс эз аддзыв. Тыдалё, пөрысь чукчи, парма гажө-  
дысь, нүөдөма татчөс став зверь-пөткасө мөдлаө, ылі вөръясө.

Гортас мунігөн горш Рөдьюлы дум вылас уси Пушкинлөн зарни  
чери йылысь мойдыс, кодөс лыддыліс школаын велөдчигөн на. «Ме-  
нам горшлун вөсна сідзи жө артмис. Пөрысь чукчид велөдіс менө до-  
рын узылыны. Көсий пармасыс бырөдны став зверь-пөткасө, а потөм  
вор дорө коли. Со тыртөм ноппйөн гортө варгыльта-лэчча».

## ВӨРСА ЙӨЛӨГА

Быдса вежон трачкөдчис көдзыд. Весиг посни классьясса велөд-  
чысьясөс школаын эз велөдны. Войяснас көдзыдыс ещө на чорзыліс,  
быттьө тырвийө көсийс петкөдлыны ассыс вынсө.

Воис субөта, велөдчан вежонлөн медбөръя лун, и поводдяыс лон  
виччысьтөг шоныдджык. Гашкө, выныс көдзыдыслөн быри, а гашкө,  
мудзис йөзыслы дөзмөдчыны.

Радлісны челядь. Аски, сідзкө, позяс лызясьны, төвзыны төдса  
пармаө, медым вылысь паныдасьны вашкөдчысь ягъяскөд, мудзтөдз  
восьлавны төдса и төдтөм ордымъяс кузя.

Мөд луннас ывлаыс ещө на шондөдіс. Кокныдык төв гуляйтис  
сиктса улича кузя, быгльөдліс лым чиръяссө южмөм туй пөлөн, коп-  
рөдліс керкаяс дорын сулалысь пуяслысь вожъяссө. Шочиника увтчис-  
ны понъяс, тшөтш радлісны мича поводдя пуксьөмлы.

Миша Шомысов посводзсьыс петкөдіс лыжисө, пуктис пельпом вы-  
лас да тэрыба мөдіс восьлавны другыс ордө, коді тасянь оліс матын.

Петя Зюзев виччысьө нин Мишаөс, сулалө аслас керка дорын, ма-  
лалө Буско понсө.

Йвлаыс восьтөма нин син пөвсө. Кольө неуна кад и дзикөдз юг-  
дас.

Зонкаяс вывлань лэптисны лызь бедьяссө, чолөмалісны өта-мөд-  
нысө, быттьө важөн эз аддзысьлыны, сәсся мөдісны төлкуйтны, кытчө  
веськөдчыны.

— Герасим дядь вөралан керка дорөдз ветлам, — шуис Петя Зю-  
зев, — кытысь тай таво ар ельдөгтө вотлім.

— Ылын өд сэтчөдз. Мудзам и туйсө бура огө төдөй, — падмис  
Миша.

— Ордым сэтчөдз мунö. Кык часөн и воам. Со кутшöм луныс пуксьö, сöмын ислав да ислав.

Та бöрын найö пыр и лызясисны, лэдзалисны шапка пельяссö, кепыясисны. Тушанас зонкаяс вöлины öткодьюсь. Квайтöд во нин öти классын велöдчисны, гожöмнас, каникул дырйи, шоча жö торйöдчылисны. То совхозной видзяс вылын öтлаын юръяс кыскалöны, то походьюсьö ветлöны. Тöдтöм йöз весиг найöс чайтлисны кык вокöн.

Век жö оласног сертиыс зонкаяс торъялисны öта-мöдсьыс. Та йылысь тöдисны и налөн бать-мамыс, велöдчысьяс да велöдысьяс.

Миша Шомысов классын вöли медя бур велöдчысьяс пöвстысь öти. Гашкö, та вöсна и сийö воысь воö лои тшапджык, тшöкыда серавлис ёртъяс вылас, кодъяслы сьöкыдджыка сетчис велöдчöмыс. Корасны кö вöли отсыштны, Мишалөн вöли пыр öти воча кыв: «Асланыд юрныд эм. Менам и тиянтöг уджыс уна».

Таво Петя дыр кад чöж висис. Гоз-мöдысь корлис Мишаöс волины да отсыштны математикаысь, но Шомысов сідзи эз и пырав висысь другсö видлыны.

Петялы, дерт, вöли öбиднö, но регыд и вунöдис. Класса мукöд велöдчысьяс эз вунöдны сийöс, отсалисны, кызди вермисны.

Но та бöрын Петя мöд ногджык кутіс видзöдны аслас друг вылö, а ёртасьöмысь ськөд эз дугды. Со и талун найö бара öтлаынöсь, шлывгöны-мунöны, гөлчитöны, шмонитöны. Миша тöрыт зонкаяс пиысь унаöс корис ветлыны вöрö, но на пиысь быдөн öткажитчисны. Эз кö мун талун ськөд Петя, öтнаслы эськö ковмис иславны.

Йвлаыс восьтіс нин асьыс мöд син пöвсö, пыр и лои югыдджык, гажаджык. Лужияс кокниа исковтисны чорзыштöм лым кузя. Лыжнякьяслөн чужöмбаньясыс гөрдöдисны, зонъяс апалöны сынöдсö, воськов бöрса воськов мунöны веськыд ордым кузя, кодöс öтар-мöдар бокьяссяныс топöдöмаöсь лымйөн вевтгысьöм пуяс. Мыръяс вылын тыдалöны еджыд шапкаяс, босьт кöть на пиысь öтиöс да юрад пукты. Шочника паныдасьлисны зверьяслөн да пöткаяслөн кок туйяс.

Петя мунö водзвылас, Миша — сы бöрся. Сылы ёна кокныдджык дась лыжняд мунны.

Со ордымсö вомöналöма йöра, тыдалö, асывнас на мунöма. Вöрса зверь лым вылас кольöма джуджыд гураньяс, сөйöма том пожöмлысь некымын вож.

— Эк, адззыны кö эськö йöрасö, — шуис Петя, сэсся сувтіс, мöдис дзөръявны гөгөр да кывзысьны. Но пармаын вöли важ моз лөнь. Сöмын неылын кыліс сизьлөн пуö клёнгöмыс.

— Мойдын кодь талун вöрас. Ог гөгөрво, мыйла миянкöд некод эз мун иславныс? Вот йöйясыд, — виччысьтöг юалис Шомысов, сэсся ачыс и вочавидзис: — А ме тöда мыйла. Завидь налы, мый ме на серти велöдча ёна бурджыка, а найö оз вермыны.

— Ме тай нö муні тэкöд.

— Тэ абу на кодь. Другасям, вот и мунін.

Петя водзö эз мöд кывзыны, йөткыштчис бедьяснас, мöдис мунны водзö. Регод воисны кыддза раскö. Татчöс серпасьясыс вöлины ещö на

мичаджыкѡсь: лымыйс еджыд и пуясыс еджыдѡсь. Петя тѡдѡ, Герасим дядь вѡралан керкаѡдз тасянь абу нин ылын. Шойчыштасны сѣні, сѣся и бѡр позяс бергѡдчыны сиктѡ.

— Гашкѡ, водзѡ сѣся огѡ мунѡй, а то регыд пемдыны кутас? — шыясис Миша.

— Кѡсйим да волам нин местаѡдзяс. Мудзин али мый?

— Эг эськѡ да...

Герасим дядь вѡралан керкаѡдз найѡ эз и воны. Кор воис джуджыд кыр, детинаяс сувтисны, шудаѡсь, радѡсь. Петя горѡдѡс друг:

— Э-э-э!.. Гажа пармаѡй, лышкыд ягъясѡй! Тіян дорѡ локтѡм ми талун. Э-э-э... Кылад онѡ?..

Кысянькѡ зѣв ылісянь кыліс вѡрса йѡлѡгалѡн шыыс, бытѡь кодкѡ кыліс Петялысь горѡдѡмсѡ да мѡдѡс сѣрнитны ськѡд.

— Тайѡ вѡрса йѡлѡга шыалѡ, миянѡс чолѡмалѡ, — радліс Миша и тшѡтш мѡдѡс горзыны, пальѡдны вугралысь пармасѡ. Сѣся тойыштчис и ѡдѡ мѡдѡс исковтны кыр горув, но кыр помѡдзяс сѡдзи и эз во. ѡдѡ исковтись лыжи веськалі пѡрѡм пу костѡ, кыліс тратшмунѡм, и зонка тювгысис лым пытшкѡ. Петя котѡртѡс другыс дорѡ, лѣптѡс сѡйѡс лым пытшысь.

— Эн доймы? — повзѡмпырысь видзѡдѡс Миша вылѡ Петя.

— Ачым эськѡ немтор эг ло, а вот лыжийѡй чеги, — лым пиысь лѣптѡс кыклатѡ чегѡм лыжисѡ да муртса эз бѡрддзяс. — И кодѡ туй шѡрас пусѡ пѡрѡдѡма?

— Дерт, кѡнкѡ тѡвлѡн тайѡ уджыс. Колѡ ѡд виччысьѡмѡн исковтны.

— Мый нѡ сѣся кутам ѡнѡ вѡчны? Кыдзи гортѡ воѡдчам? Тѡдѡ кѡ, мый татшѡмтор лоѡ, эг и лок татчѡ, — шогалис Миша.

— Энлы няргы. Колѡ мѡвпыштны, мый водзѡ вѡчны. Гашкѡ, мем лѣччывны сиктѡ да вайны тѣныд выль лыжи? Пемдытѡдзяс удита на бергѡдчыны.

— Мый тѣ... лысьта ѡмѡй ѡтнам кольчыны вѡрѡ? — повзис Миша. — Ош либѡ кѡин кѡ уськѡдчасны...

— Ошкыд важѡн гуын вѡтасѡ чѡскыд вѡтъяс. И кѡин тѣ вылѡ оз уськѡдчы, — бурѡдѡс другѡ Петя. — Полан кѡ, сѡдзкѡ, ачуд лѣччыв, а ме тѣнѡ танѡ виччысьла.

Миша тайѡ кывѣяс бѡрас ещѡ на ѣна повзис.

— Кыдзи нѡ ме ѡтнам лѣчча? Туйсѡ кѡ вошта, либѡ бѡрсѡ кѡ бергѡдчыны ог сяммы? Гашкѡ, лыжитѡг тѣ бѡрся позьѡ мунны?

— Лымыйс ѡд пидзѡсѡдзюд лоѡ... Кѡмав менсьым лыжиѡс да кыпѡдчы кыр йылас. Сѣсянь лыжисѡ бѡр мѡдѡд меным, сѡмын надзѡникѡн, медым лыжнясьыс бокѡ оз кеж.

Татшѡм кывѣяссьыс Мишалы лои кокныдджык сѡлѡм вылас. Сѡйѡ ѡдѡ сѡис гынкѡм вылас Петялысь лыжисѡ да тѣрыба кавшасискайис кыр йылѡ. Недыр мысти лыжи пара бѡр нин исковтѡсны кыр горулѡ, кѡнѡ найѡс кутѡс Петя. Регыд сѡйѡ вѡлѡ нин другыс дѡнын. Тасянь найѡ мѡдѡдчисны гортланьыс ѡти лыжи вылын. Мунны вѡлѡ зѣв сѡбкыд. Зонкаяс тшѡкыда усьлісны лым пытшкѡ. Кѡть надзѡникѡн, а пыр кыс-

сисны сідз жб, кызди и Петя. Кор ёна мудзлісны, регыдик кежлб сувтлісны шойччыны. Қыкнанныс пбсялбмабсь, гбрдббмабсь. Думнас Шомысов асьбб видіс, мыйла кывзысис Зюзевлысь да муніс та ылнабдз. И лыжисы жалъ.

— Қызди ме бні татшбм мича лыжисб лбсьбда? Да и батъб деньгасб оз сет.

— Эн шогсьы, мыйкб бтвылысь думыштам, — вочавидзис Петя. — Мббдбдчим, ылын на бд сиктбдзид.

Дженъыд тай тбвся луныд. Пуяс костбд мбдіс нин писъкбдчыны пемыд ру.

— Мед кбтъ огб вошбй туйсьыс, — майшасис Миша. — Сэки вбрас ковмас узьны. Мамб, кбнкб, корсьб нин менб. И кынбмбй сямалб. Тбді кб, мый та дыра ковмас ветлыны, кбтъ нянь шбрбм зептб сюйи.

— Бара зыньгыны мбдін, — вомаліс сійбс Петя.

А ывлаыс пемдіс и пемдіс. Омбля нин тбдчис ордым кузя нюжбдчбм лыжня. Коркб тай помасис жб тайб кузь да сбкыд туйыс. Мыччысис турун кыскалан туй. Зонкаяс кокниа ышловзисны да лоины вавровджыкбсь. А регыд тыдовтчисны и сиктса бияс. Петя да Миша бні восьлалісны орчбн. Кбтъ кыкнанныс жаявтбдзыс мудзисны, но кокъясныс пыр на кывзысисны.

Кор воисны Миша керка весьтб, Петя кутыштіс другбсб кибдыс.

— Менам эм кызь шайт сайбб деньга, совхозысь сетлісны видз ылын уджалбмысь. Верма удждыны тэныд лыжитб нбббм ылб. Коркб мынтан.

Миша эз вичысь татшбмторсб, горш дорас гбрддзасис, кывсб шуны оз вермы. Сбмын топыда шымыртліс другбсб.

— Ме чайтб, мися, пыр на лбгалан ме ылб... висигад велбдчыныд эг отсав да. Прбстит. Тэ вблбмыд збыль ылб бур друг.

## ГБРБА НЫРА УРКАЙ

Велбдчысьяс пиысь быдбн, дерт, тбдбны попугайбс. Сійб гбрба ныра, мича пасъкбма, велбдан кб, висиг кужб шуавны бткымын кывъяс. Зоопаркъясын сы дорысь пыр позьб аддзыны челядь котырбс. Йбзбс аддзбм ббрын шоньд Африкаысь вайбм попугай клеткаас заводитас гажбдчыны, дурны. Мунны сы дінысь абу окота, сэтшбм сійб мича да пельк.

Миян войвылын олбны жб татшбм гбрба ныра лббачьясыс. Найбс, дерт, попугайбн оз позь шуны, эм асланыс ним: уркай. Тайб лббачьясыс попугай дорысь ичбтбсь, да и оз ёна синмб шыбитчыны. Олбны найб медсясб козья вбръясын, кбні тырмымбн быдмбны колыс. Пасъкбмныс налбн мича жб, торъялбны мукбд лббачьясысь. Шубны тайб лббачьяссб уркайбн сы вбсна, мый найб уръяс моз жб пбткбдчбны коль-

ясысь судзодом койдысьясон, пырджык олоны пуяс вылын. Кутшомко воо ко оз артмыны кольясыс, вешйоны модлао, кони кокныдджык судзодны сеян. Чиганьяс кодысь найо, оз радейтны овны оти местаын.

Уркайскод ме тодмасьли уна во сайын нин. Кыдзи тайо лои, висьтала ставсо. Оли ме сэки сиктын. Тиян моз жо котрالی школао, кони воли сомын нель класс.

Начальной школа помалом борын мамолы зев окота воли, медым ме велодчи водзо, пыри карса мод тшупода школао. Но мый выло велодчыны батытом пилы? Сэк од эз на вовны ония кодь интернат-школаясыд.

— Вот мый, пиук, — шыасис кызко ме дино Ольоксан дядь. — Товнас каям мекод вор лэдзны, кыскасысь меным колло. Кыномыд лоо пот да сомтор на мынта. Уджыштан ко, мод во каро верман мунны.

Меным люббод! Кодлы но абу окота велодчыны карса кыпид школаын?

Мыйон пуксис товся туй, Ольоксан дядьо совтис Ворон вовлы турун, тэчис волога и водз асывнас ми энотим гортнымос. Миянкод тшотш кайисны сортовка лэдзны Чугун Егор да сылон вокыс Петыр, ар кызя кымын эн зон, кодлон кулакыс кага юр ыжда лоо.

Рытнас нин воим Кокуюло. Сюркнясьом ичотик Чов ю бокрын сулалис ляпкыдик керка. Сэтчо и овмодчим. Сэссия заводитчис быд лунья съокыд удж. Егор да Ольоксан дядь породчисны, а ми Чугун Петыркод кыскалим породом ворсо вовьясон катище выло, коди воли миян вор керкасян матын. Пемдытодзис куимысь удитам кайлыны породчысьяс дино. Ме, дерт, омблик отсасысь воли, верма сомын волон веськодлыны. Порас ко воли доддой шыбельо, Петыр оти здукон и бор лепталас керьяссо местаас.

Петыр эз сомын торъяв аслас енлунон, но вывти ена радейтис и ворса лэбачьясо. Керка дорю быд лун сийо кыскавлис зор, нянь крошкыяс, чай сук. Лун-лун сэни пируйтисны би горд мороса жоньяс, ичотик пыстаяс, горба ныра уркайяс. Кыдзко отчюд нетшышти вовлысь божьясы некымын си да вочи лэч, медым кыйны лэбачьясо. Петыр аддзис лэчкос, мистьтома видзодлис ме выло да шыбитис вочомторйос пачо.

— Эн и думайт пакоститчыны. Тэно ко садокко сюя, мый кутан мойдны? Мед гажодчоны, сылоны. Аддзан, кутшом налы долыд.

Корсюрю вор кыскалан туй бокрысь кыподчывлисны повзьом съолаяс, тарьяс, байдогьяс. Петыр сувтодас воли вовсо да дыр видзодас поткаяс лэбом борся.

— Меным ко эсько татшом бордыяссю. И мыйла мортыд оз вермы лэбавны? — заводитас голчитны сийо.

— Мый но, Петрован, бордыяснад кутан вочны? — юаси ме.

— Э-э... Уна-о ми аддылам паськыд мусю? Воли ко бордыя, лэбзылы эсько гырысь карьясо, саридзыяс сайо, видзодли, кони мый вочсьо, мыйсяма йоз олоны, кутшом зверь-потка эм сэни.

Петырлөн шань вөлі сьёлөмыс. Кер тыра додьясөн вөвьяс өдва кайлісны өти джуджыд кыр. Кутчыяс сійө додь нырас да тшөтш отсалө вөвлы. Весиг он төд, кодныс ёнджыка кыскөны: вөлыс али Петыр. Некор ме сылысь эг кывлы сөткөм либө лёк кывьясөн видчөм. Этша сёрнитліс, но шуас кө нин мыйкө, дыр он вунөд кывьяссө.

Зэв ясыда помнита татшөмтор. Өти төвся лунө Өльөксан дядь пөрөдіс зэв кыз коз пу. Ми Петыркөд сулалім бокинджык. Ыджыд шумөн шлопкысис-пөрис сьөкыд пу, пыдөдз вөйи лым пытшкас. Муө кучкысигөн коз дорысь торъялі кушөмкө гөгрөс шар да тюрыштис коркаасьөм лым кузаяс. И сійө шар письыс өти бөрся мөд петісны псөнъидик лэбачьяс. Найө эз вермыны лэбавны, йөжгыльтчысны өти чукөрө, оз төдны кытчө пышйыны. Петыр усыкөдчис лэбачьяс дінө, пуктіс найөс ки пыдөс вылас да корис ас дінас менө.

— Лөктор артмис, друганөй. Козьяс вөлөма уркайлөн позйыс. Мый нө өні накөд лоө? Нолтө өдйөджык мыччы позсө, кынмасны коньөръяс. — А ачыс шөпкөдө лэбачьяслы: — Эн полөй, эн полөй, немтор ог вөч.

Ме мыччи лым вылын куйлысь шар кодь гөгрөс позсө, ачым пыр на ог эски лоөмторйыслы. Видзөда Петыр вылө да дивуйтча. Первойысь аддза, медым төлын кутшөмкө лэбач быдтіс ассьыс пиянсө.

Петыр уркайпиянөс бөр пукталіс поэьяс, ачыс дзоргис-видзөдіс орчча пуяс вылө.

Нель уркайпи пукалісны шоньд позйын, йөжгыльтчөмаөсь, полөны. Миянсянь зэв матын кутісны лэбавны кык уркай, тыдалө, пияннысө корсьөны.

— Танөсь, танөсь пиянныд! — горзі ме.

Петыр лэптыліс княссө вывлань, быттө көсйис петкөдлыны найөс, сөсся позсө пуктіс ас судтаыс кымын сук коз вылө.

— Эн гажтөмтчөй, бура олөй. Мамныд аддзас, оз эновт тіянөс. — Петыр нетшкис пөрөм козйысь шапка тырыс кольяс да пуктіс лым вылө, медым аддзасны уркайяс.

— Петрован, мыйла нө уркайыс төвнас быдтысьсө, оз өмөй пов көдзыдьяссьыс? — катище вылө лэччигөн нин юаси ме.

— Быд лэбачлөн аслас олөм, — вочавидзис Петыр. — Төвнад кольясыс востөны ассьыныс жырьяссө, быдтысьысь уркайлы кокньыдджык сэтысь перйыны көйдысьяссө. А кынмөмысь сійө оз пов. Позсө вөчө шоныда, гөнъясөн вевттө пиянсө, мамыс унджык кадсө пукалө поэьяс, а сөянсө ваялө батыс.

Ме эска и ог эски, но Петыр, аддза синьяс сертиыс, оз шмонит, висьталө сьёлөмяныс.

— А мыйла нө эськө уркайпияныс абу гөрба ныраөсь? — водзө юаси ме.

— Өні найө дась нянь на сөйөны, бать-мамыс вердөны. Быдмыштасны — лэбавны кутасны, и сөки вежсяс нырыс. Гөрба нырнад налы лөсьыдджык кольястө киллыны.

Дыр на ас кежын дивуйтчи Петыр вылө. «Унатор жө сійө төдө. Ме кө эськө вөлі сэтшөм».

Петыр быттьō гōгōрвоōма менсьым думъясьōс, шоныда видзōдлїс да шуис:

— Вот кутан велōдчыны водзō, ок, унатор тōдмалан.

## БУР СЬōЛōМА ДРУГ

Кузь тōвнас Володялы унаысь усьлывлō дум вылас гажа гожōмыс. Кутшōм сәки лōсьыд да шоныд. Мыйōн пукяс июнь, луньясыс лōбны кузьōсь, войясыс югьдōсь. Абу и окота гортад пырны. И школаō оз ков мунны, быдса кум тōлысь позьō шойччыны.

Володялы гожōмыс ещō и муса сийōн, мый быд вой сийō узьлō веранда вылын. Керкаас дыр кад узьлōм бōрын танї сылы кажитчō вōвлытōм лōсьыдōн. Ывласянь ѓвтысь сōстōм сынōдыс, сирень да льōм пу дорысь локтысь чōскыд дукуыс отсалōны вōтлыны детина дїнысь лунтырōн чукōрмōм став мудзсō.

Асывъяснас Володя дыр кывзō лѓбачьяслысь сьылōмсō. Пышкайяслы, пыстаяслы любō жō тайō местаыс. Пуксяласны сирень да льōм пу вылō, ѓта-мōд вежмōн мōдасны гажōдны ывла вывсō, а колōкō, та-тшōм мичаасō сьылōны тшōтш и веранда вылын узьлысь детинкалы.

Быд тōв Володя лōсьōдō сирень куст дорō лѓбачьяслы столōвōй. Водз асывнас петкōдас сэтчō сѓян, бордъя котырлы сиас бур аппетит, ѓвтыштас кинас и бōр пырас керкаас.

Лунтыр оз вешйывны пыстаяс, пышкайяс сирень куст дорысь. Кокасыштасны мыйкō дыра, сѓся бōр пуксяласны асланыс радейтана местаō да дыр сьыласны.

Сьōкыд эськō вōлї лѓбачьяслы тōвся кōдзыд да турōб луньясьō, эз кō вōв налōн бур сьōлōма друг Володя. Тōв чōжнад детина сэтшōма велалō лѓбачьяс дїнас, аддзас кō на пысь кодōскō мōдлаысь, тōдас эськō. Урокъяс вылын и то найō унаысь усьлōны дум вылас.

Бур вōчōмтō тай быдōн пыдди пуктōны да донъялōны, весиг лѓбачьяс. Гожōмнас, кор нин найō быдтысьōны, воывлōны татчō. Пырысьтōм-пыр пуксяласны град йōрō, заводитасны быдмōгъяс вылысь кокавны гагъясōс, лѓльѓсōс. Асьныс пōттōдзыс сѓясны и позъясын пукалысь пияныслы сьōрсъыныы нуасны сѓянсō.

Володя видзōдō тайō варов котыр вылас да нимкодьясьō. Оз кō аддзъв лѓбачьясōс дырджык, пондас майшасыны.

Арнас, кор пышкайпиян пондасны нин лѓбавны, мамыс унаысь вайōдлас найōс сирень куст вылō, быттьō кōсий висътавны налы: «Эн вунōдōй тайō местасō. Мыйōн дзескыд лōѓ сѓяннытō корсьны, сїдзи и тōдōй, тайō керкаас олō мян бур друг, кодї некор оз вунōд петкōдны тїянны сѓян, отсалас уна лѓбачлы медся сьōкыд кадас».

Бара со воис гажа тулыс. Водз асывсянь сёр рытѡдз сьылѡны вавровмѡ шоръяс. Дольтджыкѡсь лоины войвылын тѡвйысь лѡбачьяс. Шоньд муясысь воисны нин сьѡд ракаяс.

Керка бокѡ ѡшѡдѡм скворечникѡ, кодѡс дасьтѡс кык во сайын Валентин, овмѡдчисны пышкай гозья. Регьд найѡ кутасны быдтысьны.

Талун Валентин вѡчис ещѡ ѡти скворечник, тувьяліс сійѡс кузь потш йылѡ да сувтѡдіс кызд пу дорѡ. Сэсся ачыс дыр ветлѡдліс, лубуйтчис аслас уджѡн.

Кор батыс локтѡс удж вылысь да казяліс выль скворечник, ошкыштѡс писѡ.

— Молодеч, пиук! Лѡбачьяс вѡсна кѡ тѡждысян, колѡ виччысьны, бур морт тэысь артмас.

— Ми Романкѡд ѡтвылысь вѡчим. И школаын унджык тшѡктѡсны вѡчавны лѡбачьяслы позьяссѡ.

— Батьѡ, а кызди тѡ чайтан, кодѡ скворечникас овмѡдчас?

— Медся колана лѡбачыс — сквореч. Мѡд ногѡн кѡ, сьѡд кай. Аддзан, миян йѡрын кутшѡм гажа. Татшѡм местаяссѡ радейтѡны скворечьяс, да и ѡтсѡгыс кутшѡм ыджыд наысь: градьяс да муяс вылысь бырѡдѡны став ковтѡм гагьяссѡ, агроном моз дѡзѡѡритѡны быдмѡгьяссѡ.

Мѡд асывнас, кор садьмис Валентин, ѡшинь увсьыс кыліс лѡбачьяслысь зык. Детина ѡдйѡ петѡс ывлаѡ. Мый сэн вѡчис! Пышкай гозья пырѡмаѡсь выль скворечникѡ да оз лѡдзны сѡтчѡ сьѡд кайѡс. Ассьыныс важ позсѡ эновтѡмаѡсь. Муртса сквореч сюяс юрсѡ ичѡтик розьѡ, пышкайяс пыр и мѡдасны кокавны сійѡс. Жаль быдѡн лои детиналы тайѡ мича да колана лѡбачыс, кодѡ талун на, тыдалѡ, воѡма ылі муысь.

Зычитаниѡ локтѡсны кузь бѡжа сырчик, пыста да чавкан. Найѡ пондѡсны видны скворечѡс.

— Ми танѡ тѡвйим, кодзыдсѡ и тшыгьялѡмсѡ аддзылім, а тѡ локтѡн дась керкаѡ да кѡсьян вѡтлыны коньѡр пышкайяссѡ, — горзіс пыста, — мун, кытысь локтѡн, тѡтѡг миянлы гажа.

Сырчик чѡв олѡс: тѡдѡ, кутшѡм кузь да сьѡкыд туй ковмис вуджны скворечлы и аслыс сырчиклы войвылѡ, тѡдса местаяссѡ писькѡдчитѡн.

Чавкан скѡрмѡма, оз инась места вылас, дульнас быдсѡн резьсѡ.

— Менам кѡ тушаѡй вѡлі ичѡтджык, ачым эськѡ, овмѡдчи татчѡ. Сквореч весиг мукѡд лѡбачьяс моз и сьывны оз куж. Кытысь мый кывлас, сѡдзи и сьылѡ, а ѡні со суйсьѡ йѡз позйѡ.

— Чавкан кѡтѡ видѡ менѡ, ог пѡ куж сьывны, кызди колѡ, но тѡдѡѡ сійѡ, мый меысь тѡрыб лѡбачыс абу. ѡти суткиѡн ме верма лѡбзыны тысяча километр гѡгѡр.

— Ой, ылѡдчѡ кызди. Кодѡ нѡ эскас, мый тайѡ ставыс збыль, — сэсся сѡдз мѡдіс горзыны-чавгыны, тайкѡ потшѡс вывсьыс усьѡ.

Валентинлы жалѡбѡс лоины лѡбачьяс. Паськыд вома чавкан вылѡ весиг эз скѡрмы и эз вѡтлы татысь.

— Сквореч збыль висьталѡс: сыысь тѡрыб лѡбачыс некод сэсся та-

ні абу. Ме ачым та йылысь лыддылі «Юный натуралист» журналысь. Кор быттысь сійо, кымынысь удитө ветлыны пияныслы сёянла. Прөста сійос өтдортад. Пышкайяс мед бөр овмөдчасны асланыс важ поэяс. Тайо оланінсө ме вөчи лунвывса гөстылы, а гөстытө пыр бурджыка овмөдлөны.

— Бура висьталін, дона зонкай, — кузь бөжнас унаысь өвтыштіс сырчик.

— А тэныд ме, сырчиканой, талун жө выль дуплянка вөча. Сэні кутан быттысыны, сырчикпийантө радейтны-лелькуйтны.

— Сө пасибө бур кывйыд вылө.

— Висьтав, кытчө ме овмөдча? — шогөдіс пыстаос.

— Тэ аслад пармао мун: сэні тэныд лөсьыдджык лө, да и сёяныд кскныдджыка сюрас.

Валентин эз веж ассыс кывсө: аскиас и вөчис да өшөдіс сирень куст дорө ещө өти лэбач поз. Сэні радпырысь овмөдчис сырчик.

Өні скворечьяс, пышкайяс да сырчикьяс оз зычитны, өта-мөдсө оз видны. Ставныслөн ыджыд төжд, кызди бурджыка быттыны пиянсө, кутшөм мыладжык сыланкыв сывны Валентинлы да бать-мамлы, кодьяс төждысёны на вөсна.

## МУ ДЖЫДЖ ДА ЧИКЫШ

Водз асывнас өти ю дорын аддзысисны му джыдж да вожа бөжа чыкыш. Кыкнанныс вомабсь татчө Африкаса ылі муясын төвйөм ббрын. Мудзөмабсь, но пыр на зэв тэрыбөсь. То ю пөлөн лэбалыштасны, то муяс весьтын номъясөс куталыштасны.

Вожа бөжа чыкыш кутас некымын ном, сэсся матыстчылас му джыдж дорө. Дивө кодь сылы кажитчө, мый му джыдж быттысьөм вылө аслыс позсө вөчөма веськыда ю берег дорө, лыа кыркөтшө. Абу өтнас татчө поздысьөма, гашкө, комын-нелямын джыдж.

«Окота видзөдлыны, кызди найо му пытшкас олөны, абу өмөй пемыд да гажтөм сэні», — мөвпалө вожа бөжа чыкыш.

Эз на удит юавны сійо аслас төдсаыслысь; кызди му джыдж берег дорысь вомас босьтіс кос турун и дзик пыр тювкнитіс-пырис аслас поз-йө. Недыр мысти джыдж бөр петіс позсыс и лэзис ю сайо, көні кый-сисны-выйсисны сы кодь жө джыджьяс.

«Поэяс кө пырала, оз и аддзыв. Видзөдла, кутшөма овмөдчис му джыдж, — и тюркнитіс-пырис, кытысь сөмын на петіс ичөтик тэрыб джыдж.

Вожа бөжа чыкыш вөчис кымынкө воськов, югыдыс вочасөн воши кытчөкө. Көть повзёмысла сёлөмыс мөдіс ёна тіпкыны, а кокьясыс тіравны, надзөникөн муніс пыр водзө. Регыд сэсся зурасис кос турун-

ясысь да гонъясысь вѳѳѳм позйѳѳ. Кокныдджык лон сѳѳѳѳм вылас, мый эз вош тайѳѳ пемыд гуас. Бѳѳр мѳѳдѳс восьлавны пыран туйѳѳдыс.

Мыйѳѳн помасис розыс да тыдовтчис шондѳѳ югѳѳр, чыкыш пыркинтѳѳс ас вывсыс лыасѳѳ да пуксис шойччыны кыз кер вылѳѳ.

Недыр мысти аддзис сйѳѳс му джыдж, кодѳѳи вомас вайис гѳѳн, пыртѳѳс сйѳѳс позъяс и тѳѳрыба пуксис аслас тѳѳдса дѳѳнѳѳ.

— Вай варовитыштам. Қызди тѳѳнѳѳ шуѳѳны? — шыасис джыдж.

— Ѳтикъяс менѳѳ шуѳѳны джыджѳѳн жѳѳ, мѳѳдъяс вожа бѳѳжа чыкышѳѳн. Менам со бѳѳжѳѳй и збылысь вожа.

— Джыджыс ѳѳд ме, а абу тѳѳ, — эз эскы му джыдж. — Со ми кымын семья танѳѳ юдорса кыркѳѳтшас олам. Быдѳѳнлѳѳн асланыс поз.

— Ме кѳѳ тѳѳян позйын нинѳѳм вылѳѳ эг ов: пемыд, гажтѳѳм, Қутшѳѳм йѳѳй лѳѳбач му пытшкѳѳ позъялас.

— А тѳѳ кѳѳнѳѳи олан, вожа бѳѳж? — юалис му джыдж.

— Менам абу поз, а дворец, — мѳѳдѳс ошйысьны чыкыш. Тасянь со сикт тыдалѳѳ. Меддорса керкаас, ѳѳшинь курич вылас, менам позйѳѳй. Сѳѳйыс сйѳѳс вѳѳчим, югыд, сѳѳстѳм, зѳѳр ни тѳѳв оз веськав.

Му джыджлѳѳн серамыс весиг петѳѳс.

— Сѳѳйысь вѳѳѳм керкаыд абу оланѳѳн: киссьыны вермас.

— Мыйла киссяс, бура кѳѳ вѳѳчан? Сѳѳйсѳѳ ми дуллѳѳн кѳѳтѳѳдам, вѳѳв сиясѳѳн да турунѳѳн сорлалам. Қор позйыс косьмас, вѳѳлисти сѳѳтчѳѳ овмѳѳдчам.

— Сѳѳдзкѳѳ, тѳѳянлы, вожа бѳѳжа чыкыш, позѳѳѳ и карын овны?

— Сиктад бурджык. Сѳѳѳянтѳѳ кокныдджык корсьны, абуджык зычыкышьясѳѳн. Сѳѳдзкѳѳ, ми тѳѳкѳѳд, му джыдж, суседъяс. Гѳѳститны волы, ка, сынѳѳдыс сѳѳстѳмджык. Миянѳѳс весиг унаѳѳн нимтѳѳны сиктын олысь миянлысь оланѳѳнсѳѳ видзѳѳдлы.

Му джыдж улѳѳдз копыртлѳѳс юрсѳѳ.

— Рад эськѳѳѳ вола, да ѳѳнѳѳи некѳѳр: воис быдтысян кад.

## ЮРИНДАЛЫСЬ

### Визувтöны нимтöм шоръяс

Чолöм, парма!	5
Кöни тэ, Чибльöг ю?	7
Тувсов войяс да лунъяс	14
Сьылбй лэбачьяс, сьылöй...	15
Визувтöны нимтöм шоръяс	18
Тылöн гусяторъяс	19
Медся нчöt лэбач	20
Тополь вылын поз	21
Муса гожöмöй	22
Пöрысь пожöм	22
Лунвывса гöстьяс	23
Визяорда	26
Лэбöны уткаяс лунвылö	27
Турипув	28
Войвывса пальма	28
Сикötшьяса асыв	29
Жовпу — йöзöс бурдöдысь	31
Медводдза лым	31

### Салдат воис гортас

Салдат воис гортас	35
Найö вöлины пограничникьясöн	36
Посёлкса нывка	39
Татшöм мяян Гриша	41
Унджык вöран — дырджык олан	46
Абу мойд, а збыль	48
Берта	51
Султан да сылön другьяс	54
Дорофей	56
Вежоннас сизим пекнича	58
Сьёлöмö дой	60

### Тэрыб лэбач

Пöрысь чукчи да торш Рёдьö	65
Вöрса йöлöга	69
Гöрба ныра уркай	72
Бур сьёлöма друг	75
Тэрыб лэбач	76
Му джыдж да чикыш	77

Иван Васильевич Коданев

ЭХО ЛЕСОВ

Рассказы, сказки

На коми языке

Художник **М. П. Безносков**

Редактор **В. А. Попов**. Художественный редактор **В. Б. Осипов**. Технический редактор **А. Н. Вишнева**. Корректоры **Э. С. Грегер**, **А. А. Надуткина**.

Сдано в набор 22.03.84. Подписано к печати 06.06.84. Ц00706. Формат 70×90<sup>1/4</sup>. Бумага № 1. Гарнитура «Литературная». Печать высокая. Усл. печ. л. 5,85; усл. кр.-отт. 8,77; уч.-изд. л. 5,17. Тираж 2000. Заказ № 2312. Цена 20 коп. Коми книжное издательство. 167610, г. Сыктывкар, ул. Карла Маркса, 229. Дом печати.

Республиканская типография Государственного комитета Коми АССР по делам издательств, полиграфии и книжной торговли. 167610, г. Сыктывкар, ул. Первомайская, 70.



20 коп.



КОМИ КНИЖНОЙ ИЗДАТЕЛЬСТВО  
1984 г.